



晉書 一

紀
宣帝
景帝
文帝
惠帝
懷帝
愍帝
元帝
明帝
成帝
康帝

十三

柳田文庫
文庫11
D 271
1



文庫 11
D271
1

刻晉書敘

史惟班馬是尚矣才如范蔚宗
且不得相韻韻下此又何論焉
雖然此特就史論而非就懷史
者論也善讀史者舉一切縱



010190558989

橫浩瀚奇險渾融與夫冲澹爾
雅清新涼利之文靡不兼收而
茲蓄請以遊喻扶輿中涼峙
之奇有如荆門劍閣喙窅之行
廣陵之濤具區之浸固偉然
天觀哉至若天台雁宕五陵
桃源則又別一奇別一極一緣
事幽討者特足目者所不及
斯已耳豈烟雲正壑浮於
几案間者不急賞其况讀

史與讀經。實經雖專於一家。
亦可以撰精。深史非廣。閱已
事不足以拓智識。矧其間多
有情事。雖同軌轍。自異者學。
古之士。因文起義。經綸權矣。
出焉。非如他家之才。珠片玉。僅
供採摭。以滋豪楮者比也。余自
兩澤而下。於史更有獨嗜。烏何
則名者。人所競。噉者也。翰音。耻
者。君之矣。曷能。不。易。生。者。之。

金爵者人所最慕者也倘求
視者有之矣疇能不鼓秋風之
尊輕錢者人所難逐者也銅
臭鄙者有之矣疇能不屈置
喙為阿堵者人所易惑者
也性介者有之矣疇能一旦
開閤而未驅死者人所終韙者
也逆旅喻者有之矣疇能隨
地搬埋而荷鍾念者人所最
難平者也嚙面忍者有之矣

晴能敬奉尊拳於雞肋甚且
擲炬燒眉猶云火攻下策投
梭折臂尚意不廢唱歌置函
對局而忘云顧影援琴於東市
戎馬逼郊原從事賭墅之遊
戈矛起衽席一方作洛生之詠
之數者在火英雄大義傑以不
能持者而有晉德也直以遊
戲愛之真所謂棲心乎外默
契禪宗者矣秦少游嘗云西

僅之士有器識而無學術東漢
之士有學術而無器識似置晉
為不足方駕者然叩其事迹曷
嘗無器識也而不露器識之隅
曷嘗非學士也而不炫學術
之迹且其事功節義兩漢之所
有者晉不必無而蕭疎澹遠吾
之所有者又西漢之所有也中
如天文律曆禮樂五行諸凡
傳記具且馬遷之雄肆 班固之

典編佐以房玄齡許敬宗褚遂良諸臣之贊論誅駁

予一代之良史也哉劉英撮

萃一在劉義慶自是稱古

佳手歟僅當一留東快九

鼎徒誇名牒終遜金表耳

錢塘鍾人傑題



晉書序

始爲晉書者何承天崔鴻臧榮緒之屬凡十八家而
至唐貞觀中詔左僕射房玄齡與許敬宗褚遂良之
徒刪緝之凡爲帝紀十志二十列傳七十載記三十
其事例屬李播天文律曆屬李淳風掌故屬于志寧
紀傳屬顏師古孔穎達輩而宣武二紀陸機王羲之
傳天子稱制以叙論之最稱彬彬詳雅矣說者乃以
爲晉曆僅百年不能當漢東京之半而文倍之諸載
記僭王雄武兇悖妖祥之變往往過實而世說語林
幽明錄搜神記亦所不廢循正者卑之以裨官責核

者外之以誣史而是書稍屈矣自正統之說行而晉與秦隋皆抑而爲閤青衿而應制科者至不得舉其凡而學士大夫名爲好古博涉之倫內畏其繁而外摘其瑕以不足誦讀卽自左史班氏而下舉范曄陳壽之撰而有所不能對何論晉書乃至李延壽南北史哉不佞竊不敢以爲然以爲晉固無所比數於漢唐氏其德政禮樂固不敢望趙宋然自舞陽持國秉四易世而爲武帝剪者身不王王者不獲已以爲差異於陳橋之驟而自南渡後其君臣稍能自標明其統聲猾夏之罪而夷之不至若建炎開禧之卑宋史亡論已其最曠曠者莫若唐然紀主義近裁而失之畧傳主辭近精而失之澀以舉其人與事不能使人躍然而如有所睹是書之失固不能無雜采而輕信然讀之使其事猶若新而其人猶有生氣者以擬陳范則有間庸渠出唐史下邪今其梓獨存於南國子學官又以久故多脫誤而學士大夫苦其不易得益踈不治吾邑人周文學若年氏偶見宋秘閣本於其友欣然請而授剞劂首尾凡二載至垂橐而成者十八矣忽暴疾卒家人咄咤曰是爨材也而家殉之其以昇火丁進士孟嘉者與文學善歎曰吾不可剪吾

友志而棄一代之業乃委產於其家以成梓歸而傷
工續之憶亦不易哉今而後天下熟有晉而又知晉
之有書則自二子始矣如其有餘力以及延壽南北
史可也是故不辭其請而爲之序吳郡王世貞撰

晉書序

書契以來儒者尊經術治世莫嚴于春秋春秋素王
之刑書也履衰續亡褒善誅惡惕息天下之亂賊以
磨礪百代其旨直其情平其事肆而隱鑑虛表微若
衡量之于萬物鏡之于形人含是非咸與神明仲尼
固曰斯民也三代所以直道而行也其義則丘竊取
之矣故知義者史之精華也法天牖性與天下其聖
所不能設諧體三才而才士無所用卽以游夏之文
單辭莫贊至矣哉仲尼旣沒茲義乖絕義失而才才
失而事事失而辭玄醴陵谷流變亡極丘明翼經雋

晉書序
簡盡致馬遷宏宥班祿瞻密凌軼于載蔚起史宗斯
可謂之才也已矣然左徵列國緣魯舊文子長世業
秦灰未燼黃虞以來奇書古文可獵而馳孟堅抽蘭
臺之秘賸記詳備各有所據而總壹尊故曰才也嗣
興兩家世推陳范曄書有袁宏謝承趙岐諸人導其
先路卽非目見傳聞未舛陳壽稱善叙事質而不艷
糾繩之法師承譙周各紆其長能成一家故兩漢三
國興亡成敗之事可得而論焉迨晉末季中原板蕩
越在江介史失其職舊事荒墜王隱孫盛虞預于寶
謝沈習鑿齒徐廣之徒俱起著作各勒書紀編纂當
代然隱書事核陽秋詞直習氏推晉繼漢不爲魏後
竊比尊王要以分明競爽依事麗辭而已唐文皇英
姿雄畧籌使九州猶欲以戎馬之餘烈籠絡往哲驅
役毫端乃詔房玄齡褚遂良諸臣因隱盛之遺彙蒐
諸家小說輯而成書然事非經見傳聞互異推舉衆
長法虧畫一文皇踞黃屋之尊組繪自喜恐盛于淮
南呂相之威增損未敢諸臣爲政甲乙相藉將無向
郭註莊之嫌兼以綺心未澄沿梁隋靡曼之遺藻菁
偏辭雕刻芳潤幽秘俶儻雜出不馴比于稗官野乘
可稱雄霸良史之業蕩然盡矣間標其勝則紀載所

述王侯喪亂中華諸胡紛紜摩盪之跡黎然可觀天文五行多所諳究乃至列傳詮次名流摹畫神雋或夷然不屑或慨然獨往或豪舉驚座或恬愉鎮物或嘯詠激越或涕泗橫集其間揮戈掉麈從橫魁桀清玄肅爽之氣足令王何庾謝嵇阮樂衛叔弘士雅諸公儼然不死當與漢史游俠刺客佞幸諸傳異曲同工色飛千古辭以情遷固其尔也大都風氣文辭相漸而成在則人亡則書司馬氏非有宗世之功又非有剪芟羣雄除暴安人之烈宣王譎取文景濟以凶德武皇諸兒日尋干戈落拓之士困躓不展于是相激而爲長嘯清譚之習漂搖江左風流不堙暉映傳記綺靡之象不獨在史辭已必欲辭以緯事事以經才才以標義將驅晉代而吳魏驅吳魏而東西京乎世無素王又寧復有春秋哉然則神奇臭腐互化密移叢譚巷語皆載道之器循義觀物何言不微况乎茲書簪聚群材璀璨一代者虜顧自此書單行隱盛之筆不復流布精言小品半窺世說興亡消息之故綿邈隔世而舊刻踵訛復缺詮證書之不完義于何有友人吳仲虛氏博雅嗜文玩心在茲蒐羅諸本刊訛釐舛副墨殺青晉代衣冠爛然可披嗟乎藉唐皇

有知當令凌煙諸公遜仲虛一席矣江夏黃汝亨撰

晉書目錄

帝紀十

卷之一

高祖宣帝 懿

卷之二

世宗景帝 師

太祖文帝 昭

卷之三

世祖武帝 炎

卷之四



孝惠帝 襄

卷之五

孝懷帝 熾

孝愍帝 鄴

卷之六

中宗元帝 睿

肅宗明帝 紹

卷之七

顯宗成帝 衍

康帝 岳

卷之八

孝宗穆帝 璠

哀帝 丕

廢帝海西公 奕

卷之九

太宗簡文帝 昱

孝武帝 曜

卷之十

安帝 德宗

恭帝 德文

志二十

卷之一

天文上

卷之二

天文中

卷之三

天文下

卷之四

地理上

卷之五

地理下

卷之六

律歷上

卷之七

律歷中

卷之八

律歷下

卷之九

禮上

卷之十

禮中

卷之十一

禮下

卷之十二

樂上

卷之十三

樂下

卷之十四

職官

卷之十五

輿服

卷之十六

食貨

卷之十七

五行上

卷之十八

五行中

卷之十九

五行下

卷之二十

刑法

列傳七十

卷之一 后妃上

宣穆張皇后

景懷夏侯皇后

景獻羊皇后

文明王皇后

武元楊皇后

武悼楊皇后

惠賈皇后

惠羊皇后

懷王太后

元夏侯太妃

卷之二 后妃下

元敬虞皇后

明穆庾皇后

成恭杜皇后

康獻楮皇后

穆章何皇后

哀靖王皇后

左貴嬪 胡貴嬪
諸葛夫人

謝夫人

荀豫章君

章周太妃

廢帝庾皇后

簡文宣鄭太后

簡文順王皇后

孝武文李太后

孝武定王皇后

安德陳太后

安僖王皇后

恭思褚皇后

卷之三

王祥 弟覽

鄭冲

何曾 子劭 遵

石苞 子崇

歐陽建

孫鑠

卷之四

羊祜

杜預 子錫

卷之五

陳騫 子輿

裴秀 子頎 從弟楷

卷之六

衛瓘 子恒 孫操

張華 子禕 憲

劉卞

卷之七 宗室

安平獻王孚

子邕

邕弟義陽成王望

洪弟隨穆王整

整弟竟陵王赫

望弟太原成王輔

輔弟翼

翼弟下邳獻王晃

晃弟太原烈王瓌

瓌弟高陽元王珪

珪弟常山孝王衡

衡弟沛順王景

彭城穆王權

孫紇

紇子俊

高密文獻王泰

子孝王畧

畧兄新蔡武哀王騰

畧弟南陽王模

騰子莊王確

模子保

范陽康王綏

子虓

濟南惠王遂

曾孫勳

譙剛王遜

子閔王無忌

子烈王無忌

居子忠王尚之

尚之弟浹之

休之

兄之

韓延之

高陽王睦

西河穆王斌

任城景王陵

弟順

卷之八

平原王幹

琅邪王佃

子觀

濬

清惠亭侯京

扶風王駿

子暢

敬

梁王彤

齊王攸

子綰

贊

城陽王兆

遼東王定國

廣漢王廣德

樂安王鑿

樂平王延祚

卷之九

王沉 子浚

荀顗

荀勗 子藩 藩弟組

藩子遂 組子奕 闔

馮統

卷之十

賈充 孫謚 鄭彰

充弟混 族子模

楊駿 弟珧 濟

卷之十一

魏舒

李壹

劉寔 弟智

高光

卷之十二

王渾 子濟

王濬

唐彬

卷之十三

山濤 子簡 簡子遐

王戎 從弟衍 衍弟澄 郭舒

樂廣

卷之十四

鄭袤 子默 默子球

李胤

盧欽

子浮
子志

弟珽
子謀

華表

子興
庶弟嶠

庶子恒

石鑒

温羨

卷之十五

劉毅

子敷

程衛

和嶠

武陔

任愷

崔洪

郭奕

侯史光

何攀

卷之十六

劉頌

李重

卷之十七

傅玄

子咸

咸從父弟祗

卷之十八

向雄

段灼

閻纘

卷之十九

阮籍

兄子咸
從子修

咸子瞻
族弟放

瞻弟孚
族弟澄

稽康

向秀

劉伶

謝鯤

胡母輔之 子謙之

畢卓

王尼

羊曼 弟聃

光逸

卷之二十

曹志

庾峻 子珉 珉弟敬

郭象

庾純 子粲

秦秀

卷之二十一

皇甫謐 子安

摯虞

束皙

王接

卷之二十二

郤詵

阮种

華譚

袁甫

卷之二十三

愍懷太子通 子彪

斌 尚

卷之二十四

陸機 孫拯

弟雲 弟耽 從父兄

卷之二十五

夏侯湛 弟淳

淳 子承

潘岳 從子

張載 弟協 協弟元

卷之二十六

江統 子彪 惇

孫楚 子衆 汨 纂 綽

卷之二十七

羅憲 子尚

滕脩

馬隆

胡奮

陶璜

吾彥

張光

趙誘

卷之二十八

周處 子玘 玘弟札

玘 子翹 札兄子筵

周訪 子撫 撫子暹

撫 子楚 楚子璽

卷之二十九

汝南文成王亮

子粹 矩 矩子祐

楚隱王瑋

趙王倫

齊王冏 鄭方

長沙厲王乂

成都王穎

河間王顥

東海孝獻王越

卷之三十

解系 弟結

結弟育

孫旂

孟觀

牽秀

繆播 從弟胤

皇甫重

張輔

李含

張方

閻鼎

索靖

子綝

賈疋

卷之三十一

周浚

子嵩

謨

從父弟馥

成公簡

荀晞

華軼

劉喬

孫耽

耽子柳

卷之三十二

劉琨

琨子羣

琨兄輿

輿子演

祖逖

兄納

卷之三十三

邵續

李矩

段匹磾

魏浚

浚族子該

郭默

卷之三十四

武十三王

元四上

簡文三王

卷之三十五

王導

子悅

恬

琬

劭

劭子謐

蒼

卷之三十六

劉弘

陶侃

子洪 範

瞻 岱

夏 琦 兄子 臻

旗 斌 孫弟 興

卷之三十七

溫嶠

鄒鑿

子 愔 弟 曇

愔子 超 鑿叔父 隆

卷之三十八

顧榮

紀瞻

賀循

楊方

薛兼

卷之三十九

劉隗

孫波

刁協

子 彝

彝子 達

戴若思 弟 遜

周顛

子 闕

卷之四十

應詹

甘卓

鄧養

卞壺

從父兄 敦

劉超

鍾雅

卷之四十一

孫惠

熊遠

王鑒

王琳 雲

陳頽

高崧

卷之四十二

郭璞

葛洪

卷之四十三

庾亮

子彬

羲

條

翼

卷之四十四

柏爨

子雲
度子振

雲弟豁
弟石秀

豁子石度
石生

石綬
冲子嗣嗣子胤

豁弟祕
弟謙

祕弟冲
弟修 徐寧

卷之四十五

王湛

子承

承子述

述子坦之

忱
袁悅之
愉子綬

坦之子愷
承旌子嶠

愉 國寶

荀崧

子蕤

范汪

子寗

叔堅

劉惔

張憑

韓伯

卷之四十六

王舒

子允之

王廙

弟彬

彬子彪之

王稜

虞潭

孫臚父
兄子駿

顧衆

張闓

卷之四十七

陸曄

曄弟玩

玩子納

何克

褚翊

蔡謨

諸葛恢

殷浩

顧悅之

蔡裔

卷之四十八

孔愉

子王坦

安國嚴

弟祇

從弟羣

羣子沉

丁潭

張茂

陶回

卷之四十九

謝尚

安弟萬 萬弟石 朗弟子邈

謝安

安子琰 琰子混 安兄奕 奕子玄 石兄子朗

卷之五十

王羲之

子玄之 徽子楨之

凝之 弟操之

徽之 獻之

許邁

卷之五十一

王遜

蔡豹

羊鑒

劉胤

桓宣

族子

朱伺

毛寶

子穆之 安之 孫據 宗人德祖

劉遐

鄧嶽

子遐

朱序

卷之五十二

陳壽

王長文

虞傅

司馬彪

王隱

虞預

孫盛

于寶

鄧粲

謝沉

習鑿齒

徐廣

卷之五十三

顧和

袁瓌

瓌子喬
喬孫崧

正叔

孫耽

江適

耽子質
從弟灌

子湛豹

灌子績

車崇

殷觀

王雅

卷之五十四

王恭

庾楷

劉牢之

子敬宣

殷仲堪

楊佺期

卷之五十五

劉毅

元邁

諸葛長民

何無忌

檀憑之

魏詠之

卷之五十六

張軌

軌子寔

寔弟茂

茂子耀靈

寔子駿

駿父伯祚

駿子重華
靈弟玄觀
觀叔天錫

卷之五十七

涼武昭王李玄盛

子王業

卷之五十八 孝友

李密

盛彥

夏方

王哀

許孜

庾袞

孫晷

顏含

劉殷

王延

王談

桑虞

何琦

吳達

卷之五十九 忠義

蕭紹 從子舍

王豹

劉沉

麴允

賈潭

王育

韋忠

辛勉

劉敏元

周該

桓雄

韓階

周崎

易雄

樂道融

虞慳

沈勁

吉悝

王諒

宋矩

車濟

丁穆

焦嵩

辛恭靖

羅企生

張禕

卷之六十 良史

魯芝

胡威

杜軫

竇允

王宏

曹摅

潘京

范晔

丁紹

喬智明

鄧攸

吳隱之

卷之六十一 儒林

范平

文立

陳邵

虞喜

劉兆

汜毓

徐蒨

崔遊

范隆

杜夷

董景道

續咸

徐邈

孔衍

范宣

韋諛

范弘之

王歡

卷之六十二 文苑

應貞

成公綬

左思

趙至

鄒湛

秦據

褚陶

王沉

張翰

庾闡

曹毗

李文

袁宏

伏滔

羅含

顧愷之

郭澄之

卷之六十三外戚

羊琇

王恂弟虔愷

楊文宗

羊玄之

虞豫子胤

庾琛

杜乂

褚裒

何準子澄

王濛子修

王遐

王蘊

褚爽

卷之六十四隱逸

孫登

董京

夏統

朱沖

范粲 子喬

魯勝

董養

霍原

郭琦

伍朝

魯褒

汜騰

任旭

郭文

龔壯

孟陋

韓績

譙秀

翟湯 子莊

郭翻

辛謚

劉麟之

索隱

楊何

公孫鳳

公孫永

張忠

石垣

宋織

郭荷

郭瑀

祁嘉

瞿劭先生

謝敷

戴逵

龔玄之

陶淡

陶潛

卷之六十五 藝術

陳訓

戴洋

韓友

淳于智

步熊

杜不愆

嚴卿

隗炤

卜珣

鮑靚

吳猛

幸靈

佛圖澄

麻禰

單道開

黃泓

索統

孟欽

王嘉

僧涉

郭磨

鳩摩羅什

曇霍

壹產

卷之六十六

烈女

羊耽妻辛氏

杜有道妻嚴氏

王渾妻鍾氏

鄭袤妻曹氏

愍懷太子妃王氏

鄭休妻石氏

陶侃母湛氏

賈渾妻宗氏

梁緯妻辛氏

許延妻杜氏

虞潭母孫氏

周顛母李氏

張茂妻陸氏

尹虞二女

荀崧小女灌

王凝之妻謝氏

劉臻妻陳氏

皮京妻龍氏

孟昶妻周氏

何無忌母劉氏

劉聰妻劉氏

王廣女

陝婦人

靳康女

韋逞母宋氏

張天錫二妾

閻氏 薛氏

符堅妾張氏

竇滔妻蘇氏

符登妻毛氏

慕容垂妻段氏

段豐妻慕容氏

呂纂妻楊氏

呂紹妻張氏

李玄盛后尹氏

卷之六十七

四夷

東夷

夫餘 夫餘 夫餘

馬韓

辰韓 辰韓 辰韓

西夷

吐谷渾 吐谷渾 吐谷渾

康居

龜茲 龜茲 龜茲

南蠻

扶南 扶南 扶南

北狄

匈奴 匈奴 匈奴

卷之六十八

王敦

沈充

桓溫

孟嘉

卷之六十九

桓玄

卞範之

殷仲文

卷之七十

王彌

張昌

陳敏

王如

杜曾

杜弢

王機

祖約

蘇峻

孫恩

盧循

譙縱

載記三十

卷之一

前趙

劉元海

子和

劉宣

卷之二

前趙

劉聰

子粲

陳元達

卷之三

前趙

劉曜

卷之四

後趙

石勒上

卷之五

後趙

石勒下

子弘

張賓

卷之六

後趙

石季龍上

卷之七

後趙

石季龍下

子世

遵

鑒

冉閔

卷之八

前燕

慕容廆

裴嶷 高瞻

卷之九 前燕

慕容皝

慕容翰 陽裕

卷之十 前燕

慕容雋

韓恒 李產 產于績

卷之十一 前燕

慕容暉

慕容恪 陽騫 皇甫真

卷之十二 前秦

符洪

符健

符生

符雅 王墮

卷之十三 前秦

符堅上

卷之十四 前秦

符堅下

王猛 符融 符朗

卷之十五 前秦

符丕

符登 索泮 徐嵩

卷之十六 後秦

姚弋仲

姚襄

姚萇

卷之十七 後秦

姚興上

卷之十八 後秦

姚興下 尹緯

卷之十九 後秦

姚泓

卷之二十 後蜀

李特

卷之二十一 後蜀

李雄

李期

卷之二十二 後涼

呂光

呂隆

卷之二十三 後燕

慕容垂

卷之二十四 後燕

慕容寶

慕容熙

卷之二十五 四秦乞伏

李流 李庠

李班

李壽

呂纂

慕容盛

慕容雲

北燕馮

乞伏國仁

乞伏軋歸

乞伏熾磐

馮跋

馮素弗

卷之二十六

涼京

秃髮烏孤

秃髮利鹿孤

秃髮儁檀

卷之二十七

南燕

慕容德

卷之二十八

南燕

慕容超

慕容鍾

封孚

卷之二十九

北凉

沮渠蒙遜

卷之三十

夏

赫連勃勃

右晉十二世十五帝一百五十六年

中朝四帝都洛陽五十四年

江左十一帝都建康一百二年

有五凉四燕三秦二趙夏蜀十六國

附其書起乙酉盡庚申

唐太宗文皇帝御撰

錢塘鍾人傑教

宣帝紀

宣皇帝諱懿字仲達河內溫縣孝敬里人姓司馬氏其先出自帝高陽之子重黎為夏官祝融歷唐虞夏商世序其職及周以夏官為司馬其後程伯休父周宣王時以世官克平徐方錫以官族因而為氏楚漢間司馬卬為趙將與諸侯伐秦秦亡立為殷王都河內漢以其地為郡子孫遂家焉自卬八世生征西將軍鈞字叔平鈞生豫章太守量字公度量生潁川太



孫嶺曰帝絕雖逆范曄稱美而能絕去之

守儁字元異儁生京兆尹防字建公帝即防之第二子也少有奇節聰朗多大畧博學洽聞伏膺儒教漢末大亂常慨然有憂天下心南郡太守同郡楊俊名知人見帝未弱冠以為非常之器尚書清河崔琰與帝兄朗善亦謂朗曰君弟聰亮明允剛斷英特非子所及也漢建安六年郡掾上計掾魏武帝為司空聞而辟之帝知漢運方微不欲屈節曹氏辭以風痺不能起居魏武使人夜往密刺之帝堅臥不動及魏武為丞相又辟為文學掾勅行者曰若復盤桓便收之帝懼而就職於是使與太子游處遷黃門侍郎轉議郎丞相東曹屬尋轉主簿從討張魯言於魏武曰劉備以詐力虜劉璋蜀人未附而遠爭江陵此機不可失也今若耀威漢中益州震動進兵臨之勢必瓦解因此之勢易為功力聖人不能違時亦不失時矣魏武曰人苦無足既得隴右復欲得蜀言竟不從既而從討孫權破之軍還權遣使乞降上表稱臣陳說天命魏武帝曰此兒欲踞吾著爐炭上邪答曰漢運垂終殿下十分天下而有其九以服事之權之稱臣天人之意也虞夏殷周不以謙讓者畏天知命也魏國既建遷太子中庶子每與大謀輒有奇策為太

子所信重與陳群吳質朱鑠號曰四友遷爲軍司馬
言於魏武曰昔箕子陳謀以食爲首今天下不耕者
蓋二十餘萬非經國遠籌也雖戎甲未卷自宜且耕
且守魏武納之於是務農積穀國用豐贍帝又言荆
州刺史胡脩麤暴南鄉太守傅方驕奢並不可居邊
魏武不之察及蜀將關羽圍曹仁於樊于禁等七軍
皆沒脩方果降羽而仁圍甚急焉是時漢帝都許昌
魏武以爲近賊欲徙河北帝諫曰禁等爲水所沒非
戰守之所失於國家大計未有所損而便遷都旣示
敵以弱又淮沔之人大不安矣孫權爲備外親內疎
羽之得意權所不願也可喻權所令倚其後則樊圍
自解魏武從之權果遣將呂蒙西襲羽公安拔之羽
遂爲蒙所獲魏武以荊州遺黎及屯田在潁川者逼
近南寇皆欲徙之帝曰荆楚輕脫易動難安關羽新
破諸爲惡者藏竄觀望今徙其善者旣傷其意將令
去者不敢復還從之其後諸亡者悉復業及魏武薨
于洛陽朝野危懼帝綱紀喪事內外肅然乃奉梓宮
還鄴

魏文帝卽位封河津亭侯轉丞相長史會孫權帥兵
西過朝議以樊襄陽無穀不可以禦寇時曹仁鎮襄

陽請召仁還宛帝曰孫權新破關羽此其欲自結之時也必不敢爲患襄陽水陸之衝禦寇要害不可棄也言竟不從仁遂焚棄二城權果不爲寇魏文悔之及魏受漢禪以帝爲尚書頃之轉督軍御史中丞封安國鄉侯

黃初二年督軍官罷遷侍中尚書右僕射

五年天子南巡觀兵吳疆帝留鎮武昌改封向鄉侯轉撫軍假節領兵五千加給事中錄尚書事帝固辭天子曰吾於庶事以夜繼晝無須臾寧息此非以爲榮乃分憂耳

六年天子復大興舟師征吳復命帝居守內鎮百姓外供軍資臨行詔曰吾深以後事爲念故以委卿曹叅雖有戰功而蕭何爲重使吾無西顧之憂不亦可乎天子自廣陵還洛陽詔帝曰吾東撫軍當總西事吾西撫軍當總東事於是帝留鎮許昌及天子疾篤帝與曹真陳羣等見於崇華殿之南堂並受顧命輔政詔太子曰有間此三公者慎勿疑之明帝卽位改封舞陽侯及孫權圍江夏遣其將諸葛瑾張霸并攻襄陽帝督諸軍討權走之進擊敗瑾斬霸并首級千餘遷驃騎將軍

太和元年六月天子詔帝屯于宛加督荆豫二州諸軍事初蜀將孟達之降也魏朝遇之甚厚帝以達言行傾巧不可任驟諫不見聽乃以達領新城太守封侯假節達於是連吳固蜀潛圖中國蜀相諸葛亮惡其反覆又慮其爲患達與太守申儀有隙亮欲促其事乃遣郭模詐降過儀因漏泄其謀達聞其謀漏泄將舉兵帝恐達速發以書喻之曰將軍昔棄劉備託身國家國家委將軍以疆場之任任將軍以圖蜀之事可謂心貫白日蜀人愚智莫不切齒於將軍諸葛亮欲相破惟苦無路耳模之所言非小事也亮豈輕之而令宣露此殆易知耳達得書大喜猶與不決帝乃潛軍進討諸將言達與二賊交構宜觀望而後動帝曰達無信義此其相疑之時也當及其未定促決之乃倍道兼行八日到其城下吳蜀各遣其將向西城安橋木闌塞以救達帝分諸將以距之初達與亮書曰宛去洛八百里去吾一千二百里聞吾舉事當表上天子比相反覆一月間也則吾城已固諸軍足辦則吾所在深險司馬公必不自來諸將來吾無患矣及兵到達又告亮曰吾舉事八日而兵至城下何其神速也上庸城三面阻水達於城外爲木柵以自

固帝渡水破其柵直造城下八道攻之旬有六日達
 甥鄧賢將李輔等開門出降斬達首傳京師俘獲萬
 餘人振旅還於宛乃勸農桑禁浮費南土悅附焉初
 申儀久在魏興專威疆場輒承制刻印多所假授達
 既誅有自疑心時諸郡守以帝新克捷奉禮求賀皆
 聽之帝使人諷儀儀至問承制狀執之歸于京師又
 徙孟達餘衆七千餘家于幽州蜀將姚靜鄭他等帥
 其屬七千餘人來降時邊郡新附多無戶名魏朝欲
 加隱實屬帝朝于京師天子訪之於帝帝對曰賊以
密網束下故下棄之宜弘以大綱則自然安樂又問
 二虜宜討何者為先對曰吳以中國不習水戰故敢
 散居東關凡攻敵必扼其喉而椿其心夏口東關賊
 之心喉若為陸軍以向皖城引權東下為水戰軍向
 夏口乘其虛而擊之此神兵從天而墜破之必矣天
 子並然之復命帝屯于宛

四年遷大將軍加大都督假黃鉞與曹真伐蜀帝自
 西城斫山開道水陸並次進沔而上至于胸臆

上音
 蠡下

如允反拔其新豐縣軍次丹口遇兩班師明年諸葛亮
 寇天水圍將軍賈嗣魏平於祁山天子曰西方有事
 非君莫可付者乃使帝西屯長安都督雍梁二州諸

軍事統車騎將軍張郃後將軍費曜征蜀護軍戴凌
雍州刺史郭淮等討亮張郃勸帝分軍住雍郿爲後
鎮帝曰料前軍獨能當之者將軍言是也若不能當
而分爲前後此楚之三軍所以爲黥布禽也遂進軍
淪麋亮聞大軍且至乃自帥衆將芟上邽之麥諸將
皆懼帝曰亮慮多決少必安營自固然後芟麥吾得
二日兼行足矣於是卷甲晨夜赴之亮望塵而遁帝
曰吾倍道疲勞此曉兵者之所貪也亮不敢據渭水
此易與耳進次漢陽與亮相遇帝列陣以待之使將
牛金輕騎餌之兵才接而亮退追至祁山亮屯鹵城
據南北二山斷水爲重圍帝攻拔其圍亮宵遁追擊
破之俘斬萬計天子使使者勞軍增封邑時軍師村
襲督軍薛悌皆言明年麥熟亮必爲寇隴右無穀宜
及冬豫運帝曰亮再出祁山一攻陳倉挫衄而反縱
其後出不復攻城當求野戰必在隴東不在西也亮
每以糧少爲恨歸必積穀以吾料之非三稔不能動
矣於是表徙冀州農夫佃上邽興京兆天水南安監
冶
青龍元年穿成國渠築臨晉陂溉田數千頃國以充
實焉

晉書帝紀 卷一
二年亮又率衆十餘萬出斜谷壘于郿之渭水南原
天子憂之遣征蜀護軍秦朗督步騎二萬受帝節度
諸將欲住渭北以待之帝曰百姓積聚皆在渭南此
必爭之地也遂引軍而濟背水爲壘因謂諸將曰亮
若勇者當出武功依山而東若西上五丈原則諸軍
無事矣亮果上原將北渡渭帝遣將軍周當屯陽遂
以餌之數日亮不動帝曰亮欲爭原而不向陽遂此
意可知也遣將軍胡遵雍州刺史郭淮共備陽遂與
亮會于積石臨原而戰亮不得進還于五丈原會有
長星墜亮之壘帝知其必敗遣奇兵倚亮之後斬五
百餘級獲生口千餘降者六百餘人時朝廷以亮僑
軍遠寇利在急戰每命帝持重以候其變亮數挑戰
帝不出因遺帝巾幘婦人之飾帝怒表請決戰天子
不許乃遣骨鯁臣衛尉辛毗杖節爲軍師以制之後
亮復來挑戰帝將出兵以應之毗杖節立軍門帝乃
止初蜀將姜維聞毗來謂亮曰辛毗杖節而至賊不
復出矣亮曰彼本無戰心所以固請者以示武於其
衆耳將在軍君命有所不受苟能制吾豈千里而請
戰邪帝弟孚書問軍事帝復書曰亮志大而不見機
多謀而少決好兵而無權雖提卒十萬已墮吾畫中

劉辰翁曰
妙計事亦
佳是晉人
語

破之必矣。與之對壘百餘日，會亮病卒，諸將燒營遁走。百姓奔告，帝出兵追之。亮長史楊儀反旗鳴鼓，若將距帝者。帝以窮寇不之逼，於是楊儀結陣而去。經日，乃行其營壘，觀其遺事，獲其圖書糧穀甚衆。帝審其必死，曰：「天下奇才也。」辛毗以爲尚未可知，帝曰：「軍家所重，軍書密計，兵馬糧穀，今皆棄之，豈有人捐其五藏而可以生乎？」宜急追之。關中多疾，藥帝使軍士二千人著軟材平底木屐，前行疾，後悉置服。然後馬步俱進，追到赤岸，乃知亮死。審問時，百姓爲之諺曰：「死諸葛走生仲達。」帝聞而笑曰：「吾便料生，不便料死。」故也。先是，亮使至，帝問曰：「諸葛公起居何如？」食可幾。米對曰：「三四升。」次問政事，曰：「二十罰已上，皆自省覽。」帝旣而告人曰：「諸葛孔明，其能久乎？竟如其言。」亮部將楊儀、魏延爭權，儀斬延，并其衆。帝欲乘隙而進，有詔不許。

三年，遷太尉，累增封邑。蜀將馬岱入寇，帝遣將軍牛金擊走之，斬千餘級。武都氏王苻雙、強端帥其屬六千餘人來降。關東饑，帝運長安粟五百萬斛于京師。四年，獲白鹿，獻之。天子曰：「昔周公旦輔成王，有素雉之貢。今君受陝西之任，有白鹿之獻，豈非忠誠協苻。」

千載同契俾又邦家以永厥休邪及遼東太守公孫
文懿反徵帝詣京師天子曰此不足以勞君事欲必
克故以相煩耳君度其作何計對曰棄城預走上計
也據遼水以距大軍次計也坐守襄平此成擒耳天
子曰其計將安出對曰惟明者能深度彼已豫有所
棄此非其所及也今懸軍遠征將謂不能持久必先
據遼水而後守此中下計也天子曰往還幾時對曰
往百日還百日攻百日以六十日為休息一年足矣
是時大修宮室加之以軍旅百姓饑弊帝將即戎乃
諫曰昔周公營洛邑蕭何造未央今宮室未備臣之
責也然自河以北百姓困窮外內有役勢不並興宜
假絕內務以救時急

景初二年帥牛金胡遵等步騎四萬發自京都車駕
送出西明門詔弟孚子師送過溫賜以穀帛牛酒勅
郡守典農已下皆往會焉見父老故舊讌飲累日帝
歎息悵然有感為歌曰天地開闢日月重光遭遇際
會畢力遐方將埽羣穢還過故鄉肅清萬里總齊八
荒告成歸老待罪舞陽遂進師經孤竹越碣石次于
遼水文懿果遣步騎數萬阻遼隧堅壁而守南北六
七十里以距帝帝盛兵多張旗幟出其南賊盡銳赴

續八條曰
大風垓下
後此庶
後嗣聲

之乃泛舟潛濟以出其北與賊營相逼沉舟焚梁傍
遼水作長圍棄賊而向襄平諸將言曰不攻賊而作
圍非所以示衆也帝曰賊堅營高壘欲以老吾兵也
攻之正入其計此王邑所以恥過昆陽也古人曰敵
雖高壘不得不與我戰者攻其所必救也賊大衆在
此則巢窟虛矣我直指襄平則人懷內懼懼而求戰
破之必矣遂整陣而過賊見兵出其後果邀之帝謂
諸將曰所以不攻其營正欲致此不可失也乃縱兵
逆擊大破之三戰皆捷賊保襄平進軍圍之初文懿
聞魏師之出也請救於孫權權亦出兵遙爲之聲援
遺文懿書曰司馬公善用兵變化若神所向無前
爲弟憂之會霖潦大水平地數尺三軍恐欲移營帝
令軍中敢有言徙者斬都督令史張靜犯令斬之軍
中乃定賊恃水樵牧自若諸將欲取之皆不聽司馬
陳珪曰昔攻上庸八部並進晝夜不息故能一旬之
半拔堅城斬孟達今者遠來而更安緩愚竊惑焉帝
曰孟達衆少而食支一年將士四倍於達而糧不淹
月以一月圖一年安可不速以四擊一正今解猶
當爲之是以不計死傷與糧競也今賊衆我寡賊饑
我飽水雨乃爾功力不設雖當促之亦何所爲自發

京師不憂賊攻，但恐賊走。今賊糧垂盡而圍落未合，掠其牛馬，抄其樵采，此故驅之走也。夫兵者，詭道善因事變，賊憑衆恃雨，故雖饑困未肯束手，當示無能以安之，取小利以驚之，非計也。朝廷聞師，遇雨咸請召還天子，曰：司馬公臨危制變，計日擒之矣。既而雨止，遂合圍，起土山，地道楯櫓鉤撞發矢石，雨下晝夜攻之，時有長星色白有芒鬣，自襄平城西南流于東北，墜于梁水，城中震懼。文懿大懼，乃使其所署相國王建御史大夫柳甫乞降，請解圍。面縛不許，執建等皆斬之。檄告文懿曰：昔楚鄭列國而鄭伯猶肉袒牽羊而迎之，孤爲王人位則上公而建等欲孤解圍退舍，豈楚鄭之謂邪？二人老耄，必傳言失旨，已相爲斬之。若意有未已，可更遣年少有明決者來。文懿復遣侍中衛演乞尅日送任，帝謂演曰：軍事大要有五能，戰當戰，不能戰當守，不能守當走，餘二事惟有降與死耳。汝不肯面縛，此爲決就死也，不須送任。文懿攻南圍突出，帝縱兵擊敗之，斬于梁水之上，星墜之所。旣入城，立兩標以別新舊焉。男子年十五已上七千餘人皆殺之，以爲京觀。僞公卿已下皆伏誅，戮其將軍畢盛等二千餘人，收戶四萬口，三十餘萬。初，文懿

晉書帝紀 卷一
纂其叔父恭位而囚之及將反將軍綸直賈範等苦
諫文懿皆殺之帝乃釋恭之囚封直等之墓顯其遺
嗣今日古之伐國誅其鯨鯢而已諸爲文懿所誣誤
者皆原之中國人欲還舊鄉恣聽之時有兵士寒凍
乞襦帝弗之與或曰幸多故襦可以賜之帝曰襦者
官物人臣無私施也乃奏軍人年六十已上者罷遣
千餘人將吏從軍死亡者致喪還家遂班師天子遣
使者勞軍于薊增封食昆陽并前二縣初帝至襄平
夢天子枕其膝曰視吾面俛視有異於常心惡之先
是詔帝使道鎮關中及次白屋有詔召帝三日之間
詔書五至手詔日間側息望到到便直排閣入視吾
面帝大遽乃乘追鋒車晝夜兼行自白屋四百餘里
一宿而至引入嘉福殿卧内升御床帝流涕問疾天
子執帝手目齊王曰以後事相託死乃復可忍吾忍
死待君得相見無所復恨矣與大將軍曹爽並受遺
詔輔少主及齊王卽帝位遷侍中持節都督中外諸
軍錄尚書事與爽各統兵三千人共執朝政更直殿
中乘輿入殿爽欲使尚書奏事先由已乃言於天子
徙帝爲大司馬朝議以爲前後大司馬累薨於位乃
以帝爲太傅入殿不趨贊拜不名劍履上殿如漢蕭

晉書帝紀 卷一
何故事嫁娶喪葬取給於官以世子師爲散騎常侍
子弟三人爲列侯四人爲騎都尉帝固讓子弟官不
受

魏正始元年春正月東倭重譯納貢焉耆危須諸國
弱水以南鮮卑名王皆遣使來獻天子歸美宰輔又
增帝封邑初魏明帝好修宮室制度靡麗百姓苦之
帝自遠東還役者猶萬餘人雕玩之物動以千計至
是皆奏罷之節用務農天下欣賴焉

二年夏五月吳將全琮寇芍陂不然孫倫圍樊城諸

葛瑾步騭抄相中帝請自討之議者咸言賊遠來習

樊不可卒拔挫於堅城之下有自破之勢宜長策以
御之帝曰邊城受敵而安坐廟堂疆場騷動衆心疑
惑是社稷之大憂也六月乃督諸軍南征車駕送出
津陽門帝以南方暑濕不宜持久使輕騎挑之然不
敢動於是休戰士簡精銳募先登申號令示必攻之
勢吳軍夜遁走追至三州口斬獲萬餘人收其舟船
軍資而還天子遣侍中常侍勞軍于宛秋七月增封
食鄆臨潁并前四縣邑萬戶子弟十一人皆爲列侯
帝勲德日盛而謙恭愈甚以太常常林鄉邑舊齒見
之每拜恒戒子弟曰盛滿者道家之所忌四時猶有

惟移吾何德以堪之、損之又損之、庶可以免乎、

三年春天子追封謚皇考京兆尹爲舞陽成侯三月
奏穿廣漕渠引河入汴漑東南諸陂始大佃於淮北
先是吳遣將諸葛恪屯皖邊鄙苦之帝欲自擊恪議
者多以賊據堅城積穀欲引致官兵今懸軍遠攻其
救必至進退不易未見其便帝曰賊之所長者水也
今攻其城以觀其變若用其所長棄城奔走此爲廟
勝也若敢固守湖水冬淺船不得行勢必棄水相救
由其所短亦吾利也

秋九月帝督諸軍擊諸葛恪車駕送出津陽門

軍次于舒恪焚燒積聚棄城而遁帝以滅賊之要在
於積穀乃大興屯守廣開淮陽百尺二渠又修諸陂
於潁之南北萬餘頃自是淮北倉庾相望壽陽至于
京師農官屯兵連屬焉

五年春正月帝至自淮南天子使持節勞軍尚書鄧
颺李勝等欲令曹爽建立功名勸使伐蜀帝止之不
可爽果無功而還

六年秋八月曹爽毀中壘中堅營以兵屬其弟中領
軍羲帝以先帝舊制禁之不可冬十二月天子詔帝
朝會乘輿升殿

七年春正月吳寇祖中夷夏萬餘家避寇北渡沔帝以河南近賊若百姓奔還必復致寇宜權留之曹爽曰今不能修守河南而留百姓非長策也帝曰不然凡物致之安地則安危地則危故兵書曰成敗形也安危勢也形勢御衆之要不可以不審設令賊以二萬人斷沔水三萬人與河南諸軍相持萬人陸梁祖中將何以救之爽不從卒令還南賊果襲破祖中所失萬計

八年夏四月夫人張氏薨曹爽用何晏鄧颺丁謐之

蘇遷太后於永寧宮專擅朝政兄弟並典禁兵多樹

親黨屢改制度帝不能禁於是與爽有隙五月帝稱疾不與政事時人爲之謠曰何鄧丁亂京城

九年春三月黃門張當私出掖庭才人石英等十一人與曹爽爲伎人爽晏謂帝疾篤遂有無君之心與當密謀圖危社稷則有日矣帝亦潛爲之備爽之徒屬亦頗疑帝會河南尹李勝將蒞荊州來候帝帝詐疾篤使兩婢侍持衣衣落指口言渴婢進粥帝不持杯飲粥皆流出霑胸勝曰衆情謂明公舊風發動何意尊體乃爾帝使聲氣纔屬說年老枕疾死在旦夕君當屈并州并州近胡善爲之備恐不復相見以子

晉書帝紀 卷一
師昭兄弟爲託勝曰當還忝本州非并州帝乃錯亂其辭曰君方到并州勝復曰當忝荊州帝曰年老意荒不解君言今還爲本州盛德壯烈好建功勳勝退告爽曰司馬公尸居餘氣形神已離不足慮矣他日又言曰太傅不可復濟令人愴然故爽等不復設備嘉平元年春正月甲午天子謁高平陵爽兄弟皆從是日太白襲月帝於是奏永寧太后廢爽兄弟時景帝爲中護軍將兵屯司馬門帝列陣闕下經爽門爽帳下督嚴世上樓引弩將射帝孫謙止之曰事未可

知三注三正皆引其肘不得發大司農桓範出赴爽

蔣濟言於帝曰智囊往矣帝曰爽與範內疎而智不及駑馬戀短豆必不能用也於是假司徒高柔節行大將軍事領爽營謂柔曰君爲周勃矣命太僕王觀行中領軍攝義營帝親帥太尉蔣濟等勒兵出迎天子屯于洛水浮橋上奏曰先帝詔陛下秦王及臣升于御床握臣臂曰深以後事爲念今大將軍爽背棄顧命敗亂國典內則僭擬外專威權羣官要職皆置所親宿衛舊人並見斥黜根據槃牙縱恣日甚又以黃門張當爲都監專其交關伺候神器天下洶洶人懷危懼陛下便爲寄坐豈得久安此非先帝詔陛下

晉書帝紀 卷一
及臣升御床之本意也。臣雖朽邁，敢忘前言。昔趙高極意秦，是以亡。呂霍早斷，漢祚永延。此乃陛下之殷鑒。臣授命之秋也。公卿羣臣皆以爽有無君之心，兄弟不宜典兵宿衛。奏皇太后、皇太后、皇太后勅如奏施行。臣輒勅主者及黃門令罷爽、羲、訓、吏、兵，各以本官候就第。若稽留車駕以軍法從事。臣輒力疾將兵詣洛水浮橋伺察。非常爽不通奏留車駕宿伊水南伐樹爲鹿角，發屯兵數千人以守。桓範果勸爽奉天子幸許昌，移檄徵天下兵。爽不能用，而夜遣侍中許允、尚書

陳泰詣帝觀望風旨。帝數其過失，事止。免官。泰還以報爽，勸之通奏。帝又遣爽所信殿中校尉尹大目論爽指洛水爲誓，爽意信之。桓範等援引古今，諫說萬端，終不能從。乃曰：「司馬公正當欲奪吾權耳。吾得以侯還第，不失爲富家翁。」範拊膺曰：「坐卿滅吾族矣。」遂通帝奏。既而有司劾黃門張當并發爽與何晏等反事，乃收爽兄弟及其黨與。何晏、丁謐、鄧颺畢軌、李勝、桓範等誅之。蔣濟曰：「曹真之勲，不可以不祀。」帝不聽。初，爽司馬魯芝主簿楊綜斬關奔爽。及爽之將歸罪也，芝綜泣諫曰：「公居伊周之任，挾天子仗天威，孰敢不從。舍此而欲就東市，豈不痛哉。」有司奏收芝、綜科

罪帝赦之曰以勸事君者二月天子以帝爲丞相增封潁川之繁昌鄢陵新汲父城并前八縣邑二萬戶奏事不名固讓丞相冬十二月加九錫之禮朝會不拜固讓九錫

二年春正月天子命帝立廟于洛陽置左右長史掾掾屬舍人滿十人歲舉掾屬任御史秀才各一人增官騎百人鼓吹十四人封子彤平樂亭侯倫安樂亭侯帝以久疾不任朝請每有大事天子親幸第以諮訪焉兗州刺史令狐愚太尉王淩貳於帝謀立楚王

三年春正月王淩詐言吳人塞涂水請發兵以討之帝潛知其計不聽夏四月帝自帥中軍汎舟沿流九日而到甘城淩計無所出乃迎於武丘面縛水次曰淩若有罪公當折簡召淩何苦自來邪帝曰以君非折簡之客故耳卽以淩歸于京師道經賈逵廟淩呼曰賈梁道王淩是大魏之忠臣惟爾有神知之至頃仰鵠而死收其餘黨皆夷三族并殺彪悉錄魏諸王公置于鄴命有司監察不得交關天子遣侍中韋誕持節勞軍于五池帝至自甘城天子又使兼大鴻臚大僕庾嶷持節策命帝爲相國封安平郡公孫及兄

子各一人爲列侯前後食邑五萬戶侯者十九人固讓相國郡公不受六月帝寢疾夢賈逵王凌爲祟甚惡之秋八月戊寅崩于京師時年七十三天子素服臨弔喪葬威儀依漢霍光故事追贈相國郡公弟孚表陳先志辭郡公及輜輶車九月庚申葬于河陰謚曰文貞後改謚文宣先是預作終制於首陽山爲土藏不墳不樹作顧命三篇歛以時服不設明器後終者不得合葬一如遺命晉國初建追尊曰宣王武帝受禪上尊號曰宣皇帝陵曰高原廟稱高祖帝內忌而外寬猜忌多權變魏武察帝有雄豪志聞有狼顧相欲驗之乃召使前行令反顧面正向後而身不動又嘗夢三馬同食一槽甚惡焉因謂太子丕曰司馬懿非人臣也必預汝家事太子素與帝善每相全佑故免帝於是勤於吏職夜以忘寢至於芻牧之間悉皆臨履由是魏武意遂安及平公孫文懿大行殺戮誅曹爽之際支黨皆夷及三族男女無少長姑姊妹女子之適人者皆殺之既而竟遷魏鼎云明帝時王導侍坐帝問前世所以得天下導乃陳帝創業之始及文帝末高貴鄉公事明帝以面覆床曰若如公言晉祚復安得長遠迹其猜忍蓋有符於狼顧也

制曰夫天地之大黎元爲本邦國之貴元首爲先治
亂無常興亡有運是故五帝之上居萬乘以爲憂三
王已來處其憂而爲樂競智力爭利害大小相吞強
弱相襲逮乎魏室三方鼎峙干戈不息氣霧交飛宣
皇以天挺之姿應期佐命文以纘治武以稜威用人
如在已求賢若不及情深阻而莫測性寬綽而能容
和光同塵與時舒卷戢鱗潛翼思屬風雲飾忠於已
詐之心延安於將危之命觀其雄畧內斷英猷外決
殄公孫於百日擒孟達於盈旬自以兵動若神謀無
再計矣既而擁衆西舉與諸葛相持抑其甲兵本無

關志遺其中愴方發憤心杖節當門雄喙頓屈請戰
千里詐欲示威且秦蜀之人勇懦非敵夷險之路勞
逸不同以此爭功其利可見而返閉軍固壘莫敢爭
鋒生怯實而未前死疑虛而猶遁良將之道失在斯
乎文帝之世輔翼權重許昌同蕭何之委崇華甚霍
光之寄當謂竭誠盡節伊傅可齊及明帝將終棟梁
是屬受遺二主佐命三朝既承忍死之託曾無殉生
之報天子在外內起甲兵陵土未乾遽相誅戮貞臣
之體寧若此乎盡善之方以斯爲惑夫征討之策豈
東智而西愚輔佐之心何前忠而後亂故晉明掩面

於鏡口語
六而愈名

耻欺僞以成功石勒肆言笑奸回以定業古人有云
積善三年知之者少為惡一日聞於天下可不謂然
乎雖自隱過當年而終見嗤後代亦猶竊鍾掩耳以
衆人為不聞銳意盜金謂市中為莫覩故知貪於近
者則遺遠溺於利者則傷名若不損己以益人則當
禍人而福已順理而舉易為力背時而動難為功况
以未成之晉基逼有餘之魏祚雖復道格區宇德被
蒼生而天未啓時寶位猶阻非可以智競不可以力
爭雖則慶流後昆而身終於北面矣

音義

司馬印	反五郎	痺	反必至	每與	預音	令倚	下居綺反	宛	反元
向鄉	反式亮	有間	之問	造	反七到	向皖	短反	盧	江縣
名	沂	音素	胸	音上	如允	郤	音合	喻	麋
反	使使	音上	音所	反勞	反洛到	郈	反女六	監	治
徒了	巾	音古	音獲	反婦	反子忽	氏	反當	兮	輪
反	隧	音遂	音楯	音櫓	反直江	芒	音鬣	二音	震
反	更	反古	行	焉	音於	乾	反	均	陂
下側	漕	反左	運	穀也	反	謚	反各必	皆	從
塗	音折	音簡	反之	音崇	反雖	遂	輻	輶	輶
反	崇	反	雖	遂	輻	輶	輶	輶	輶

音義

卷一

二十二

景帝紀

景皇帝諱師字子元宣帝長子也雅有風彩沉毅多大畧少流美譽與夏侯玄何晏齊名晏常稱曰惟幾也能成天下之務司馬子元是也魏景初中拜散騎常侍累遷中護軍爲選用之法舉不越功吏無私焉宣穆皇后崩居喪以至孝聞宣帝之將誅曹爽深謀秘策獨與帝潛畫文帝弗之知也將發夕乃告之既而使人覘之帝寢如常而文帝不能安席晨會兵司馬門鎮靜內外置陣甚整宣帝曰此子竟可也初帝

陰養死士三千散在人間至是一朝而集衆莫知所出也事平以功封長平鄉侯食邑千戶尋加衛將軍及宣帝薨議者咸云伊尹既卒伊陟嗣事天子命帝以撫軍大將軍輔政

魏嘉平四年春正月遷大將軍加侍中持節都督中外諸軍錄尚書事命百官舉賢才明少長卹窮獨理廢滯諸葛誕母丘儉王昶陳泰胡遵都督四方王基州秦鄧艾石苞典州郡盧毓李豐掌選舉傅嘏虞松參計謀鍾會夏侯玄王肅陳本孟康趙鄆張緝預朝

議四海傾注朝野肅然或有請改易制度者帝曰不

識不知順帝之則詩人之美也三祖典制所宜遵奉自非軍事不得妄有改革

五年夏五月吳太傅諸葛恪圍新城朝議慮其分兵以寇淮泗欲戍諸水口帝曰諸葛恪新得政於吳欲徼一時之利并兵合肥以冀萬一不暇復爲青徐患也且水口非一多戍則用兵衆少戍則不足以禦寇恪果并力合肥卒如所度帝於是使鎮東將軍母丘儉揚州刺史文欽等距之儉欽請戰帝曰恪卷甲深入投兵死地其鋒未易當且新城小而固攻之未可拔遂命諸將高壘以弊之相持數月恪攻城力屈死

傷大半，乃勅欽督銳卒趨合榆，要其歸路，儉帥諸將以爲後繼，恪懼而遁，欽逆擊大破之，斬首萬餘級。正元元年春正月，天子與中書令李豐、后父光祿大夫張緝、黃門監蘇鑠、永寧署令樂敦、冗從僕射劉寶、賢等謀以太常夏侯玄代帝輔政，帝密知之，使舍人王羨以車迎豐，豐見迫，隨羨而至，帝數之，豐知禍及，因肆惡言，帝怒，遣勇士以刀鑿築殺之，逮捕玄、緝等，皆夷三族。三月，乃諷天子廢皇后張氏，因下詔曰：「姦臣李豐等潛譖庸回，陰構凶慝，大將軍糾虔天刑，致之誅辟，周勃之克，呂氏霍光之擒，上官曷以過之，其增邑九千戶，并前四萬，帝讓不受，天子以玄、緝之誅，深不自安，而帝亦慮難作，潛謀廢立，乃密諷魏永寧太后。秋九月甲戌，太后下令曰：「皇帝春秋已長，不親萬機，耽淫內寵，沉嫚女德，日近倡優，縱其醜虐，迎六宮家人，留止內房，毀人倫之叙，亂男女之節，又爲羣小所迫，將危社稷，不可承奉宗廟。」帝召羣臣會議，流涕曰：「太后令如是，諸君其如王室何？」咸曰：「伊尹放太甲，以寧殷，霍光廢昌邑，以安漢，權定社稷，以清四海，二代之行，於古明公當之。於今今日之事，惟命是從。」帝曰：「諸君見望者重，安敢避之？」乃與羣公、卿士共奏。

太后曰臣聞天子者所以濟育群生永安萬國皇帝春秋已長未親萬機日使小優郭懷袁信等裸袒淫戲又於廣望觀下作遼東妖婦道路行人莫不掩目清商令狐景諫帝帝燒鐵炙之太后遭合陽君喪帝嬉樂自若清商丞龐熙諫帝帝勿聽太后還北宮殺張美人帝甚恚望熙諫帝怒復以彈彈熙每文書入帝不省視太后令帝在式乾殿講學帝又不從不可以承天序臣請依漢霍光故事收皇帝璽綬以齊王歸藩奏可於是有司以太牢策告宗廟王就乘輿副車羣臣從至西掖門帝泣曰先臣受歷世殊遇先帝臨崩託以遺詔臣復忝重任不能獻可替否群公卿士遠惟舊典爲社稷深計寧負聖躬使宗廟血食於是使使者持節衛送舍河內之重門誅郭懷袁信等是日與羣臣議所立帝曰方今宇宙未清二虜爭衡四海之主惟在賢哲彭城王據太祖之子以賢則仁聖明允以年則皇室之長天位至重不得其才不足以寧濟六合乃與羣公奏太后太后以彭城王先帝諸父於昭穆之序爲不次則烈祖之世永無承嗣東海定王明帝之弟欲立其子高貴鄉公髦帝固爭不獲乃從太后令遣使迎高貴鄉公於元城而立之

改元曰正元天子受璽墮舉趾高帝聞而憂之及將大會帝訓於天子曰夫聖王重始正本敬初古人所慎也明當大會萬衆瞻穆穆之容公卿聽玉振之音詩云示人不佻是則是效易曰出其言善則千里之外應之雖禮儀周備猶宜加之以祇恪以副四海顛顛式仰癸巳天子詔曰朕聞創業之君必須股肱之臣守文之主亦賴匡佐之輔是故文武以呂召彰受命之功宣王倚山甫享中興之業大將軍世載明德應期作輔遭天降險帝室多難齊王蒞政不弛率典公履義執忠以寧區夏式是百辟總齊庶事內摧寇虐外靜姦宄日晏憂勤劬勞夙夜德聲光于上下勲烈施於四方深惟大議首建明策權定社稷援立朕躬宗廟獲安億兆慶賴伊摯之保又殷邦公旦之綏寧周室茂以尚焉朕甚嘉之夫德茂者位尊庸大者祿厚古今之通義也其登位相國增邑九千并前四萬戶進號大都督假黃鉞入朝不趨奏事不名劍履上殿賜錢五百萬帛五千匹以彰元勳帝固辭相國又上書訓于天子曰荆山之璞雖美不琢不成其實顏冉之才雖茂不學不弘其量仲尼有云予非生而知之者好古敏以求之者也仰觀黃軒五代之主莫

不有所稟則顓頊受學於綠菑高辛問道於柏招逮至周成旦望作輔故能離經辯志安道樂業夫然故君道明於上兆庶順於下刑措之隆實由於此宜遵先王下問之義使講誦之業屢聞於聽典謨之言日陳於側也時天子頗修華飾帝又諫曰履端初政宜崇玄樸並敬納焉十一月有白氣經天

二年春正月有彗星見於吳楚之分西北竟天鎮東大將軍母丘儉揚州刺史文欽舉兵作亂矯太后令移檄郡國為壇盟于西門之外各遣子四人質于吳以請救二月儉欽帥眾六萬渡淮而西帝會公卿謀

征討計朝議多謂可遣諸將擊之王肅及尚書傅嘏

中書侍郎鍾會勸帝自行戊午帝統中軍步騎十餘萬以征之倍道兼行召三方兵大會于陳許之郊甲申次于灑橋儉將史招李續相次來降儉欽移入項城帝遣荊州刺史王基進據南頓以逼儉帝深壁高壘以待東軍之集諸將請進軍攻其城帝曰諸君得其一未知其二淮南將士本無反志且儉欽欲蹈縱橫之迹習儀秦之說謂遠近必應而事起之日淮北不從史招李續前後瓦解內乖外叛自知必敗因默思圖速戰更合其志雖云必克傷人亦多且儉等欺

孫鑛曰秘計密筭此程為正

詐將士詭變萬端。小與持久。詐情自露。此不戰而克之也。乃遣諸葛誕督豫州諸軍。自安風向壽春。征東將軍胡遵督青徐諸軍。出譙。宋之間絕。其歸路。帝屯汝陽。遣兗州刺史鄧艾督太山諸軍。進屯樂嘉。示弱以誘之。欽進軍。將攻艾。帝潛軍銜枚徑造樂嘉。與欽相遇。欽子鴛年十八。勇冠三軍。謂欽曰。及其未定。請登城鼓譟擊之。可破也。既謀而行。三譟而欽不能應。鴛退相與引而東。帝謂諸將曰。欽走矣。命發銳軍以追之。諸將皆曰。欽舊將鴛少。而銳引軍內入。未有失利。必不走也。帝曰。一鼓作氣。再而衰。三而竭。鴛三鼓。欽不應。其勢已屈。不走何待。欽將遁。鴛曰。不先折其勢。不得去也。乃與驍騎十餘。摧鋒陷陣。所向皆披靡。遂引去。帝遣左長史司馬璉督驍騎八千翼而追之。使將軍樂綝等督步兵繼其後。比至沙陽。頻陷欽陣。弩矢雨下。欽蒙楯而馳。大破其軍。衆皆投戈而降。欽父子與麾下走保項儉。聞欽敗。棄衆宵遁。淮南安風津都尉追儉。斬之。傳首京都。欽遂奔吳。淮南平。初。帝目有瘤疾。使鑿割之。鴛之來攻也。驚而目出。懼六軍之恐蒙之。以被痛甚。嚙被敗。而左右莫知焉。閏月疾篤。使文帝總統諸軍。辛亥崩于許昌。時年四十八。二

晉書帝紀 卷二
月帝之喪至自許昌天子素服臨弔詔曰公有濟世
寧國之勲尅定禍亂之功重之以死王事宜加殊禮
其令公卿議制有司議以爲忠安社稷功濟宇內宜
依霍光故事追加大司馬之號以冠軍大將軍增邑
五萬戶謚曰武公文帝表讓曰臣亡父不敢受丞相
相國九命之禮亡兄不敢受相國之位誠以太祖常
所階歷也今謚與二祖同必所祗懼昔蕭何張良霍
光咸有匡佐之功何謚文終良謚文成光謚宣成必
以文武爲謚請依何等就加詔許之謚曰忠武晉國
既建追尊曰景王武帝受禪上尊號曰景皇帝陵曰

峻平廟稱世宗

文帝紀

文皇帝諱昭字子上景帝之母弟也魏景初二年封
新城鄉侯正始初爲洛陽典農中郎將值魏明奢侈
之後帝蠲除苛碎不奪農時百姓大悅轉散騎常侍
大將軍曹爽之伐蜀也以帝爲征蜀將軍副夏侯玄
出駱谷次于興勢蜀將王林夜襲帝營帝堅臥不動
林退帝謂玄曰費禕以據險距守進不獲戰攻之不
可宜亟旋軍以爲後畧爽等引旋禕果馳兵趣三嶺
爭險乃得過遂還拜議郎及誅曹爽帥衆衛二宮以

功增邑千戶蜀將姜維之寇隴右也征西將軍郭淮
自長安距之進帝位安西將軍持節屯關中爲諸軍
節度淮攻維別將句安於麴久而不決帝乃進據長
城南趣駱谷以疑之維懼退保南鄭安軍絕援帥衆
來降轉安東將軍持節鎮許昌及大軍討王凌帝督
淮北諸軍事帥師會于項增邑三百戶假金印紫綬
尋進號都督統征東將軍胡遵鎮東將軍諸葛誕伐
吳戰于東關二軍敗績坐失侯蜀將姜維又寇隴右
揚聲欲攻狄道以帝行征西將軍次長安雍州刺史
陳泰欲先賊據狄道帝曰姜維攻羌收其質任聚穀
作邸閣訖而復轉行至此正欲了塞外諸羌爲後年
之資耳若實向狄道安肯宣露令人知今揚聲言
出此欲歸也維果燒營而去會新平羌胡叛帝擊破
之遂耀兵靈州北虜震讐叛者悉降以功復封新城
鄉侯高貴鄉公之立也以叅定策進封高都侯增封
二千戶母丘儉文欽之亂大軍東征帝兼中領軍留
鎮洛陽及景帝疾篤帝自京都省疾拜衛將軍景帝
崩天子命帝鎮許昌尚書傅嘏帥六軍還京師帝用
嘏及鍾會策自帥軍而還至洛陽進位大將軍加侍
中都督中外諸軍錄尚書事輔政劍履上殿帝固辭

不受

甘露元年春正月加大都督奏事不名夏六月進封高都公地方七百里加之九錫假斧鉞進號大都督劍履上殿又固辭不受秋八月庚申加假黃鉞增封三縣

二年夏五月辛未鎮東大將軍諸葛誕殺揚州刺史鑠緄以淮南作亂遣子覲爲質於吳以請救議者請速伐之帝曰誕以母丘儉輕疾傾覆今必外連吳寇此爲變大而遲吾當與四方同力以全勝制之乃表

世曰黠布叛逆漢祖親征隗囂違戾光武西伐烈祖明皇帝乘輿仍出皆所以奮揚赫斯震耀威武也

下宜暫臨戎使將士得憑天威今諸軍可五十萬以衆擊寡茂不尅矣秋七月奉天子及皇太后東征徵兵青徐荆豫分取關中遊軍皆會淮北師次于項假廷尉何植節使淮南宣慰將士申明逆順示以誅賞甲戌帝進軍丘頭吳使文欽唐咨全端全懌等三萬餘人來救誕諸將逆擊不能禦將軍李廣臨敵不進泰山太守常時稱疾不出並斬之以徇八月吳將朱異帥兵萬餘人留輜重於都陸輕兵至黎漿監軍石苞兖州刺史州泰宗之異退泰山太守胡烈以奇兵

鍾人傑曰
食爲非事

襲都陸焚其糧運苞泰復進擊異大破之異之餘卒
餒甚食葛葉而遁吳人殺異帝曰異不得至壽春非
其罪也而吳人殺之適以謝壽春而堅誕意使其猶
望救耳若其不爾彼當突圍決一旦之命或謂大軍
不能久省食減口冀有他變料賊之情不出此三者
今當多方以亂之備其越逸此勝計也因命令圍分
遣羸疾就穀淮北廩軍士大豆人三升欽聞之果喜
帝愈羸形以示之多縱反間揚言吳救方至誕等益
寬恣食俄而城中乏糧石苞王基並請攻之帝曰誕
之逆謀非一朝一夕也聚糧完守外結吳人自謂足

據淮南欽既同惡相濟必不便走今若急攻之損游
軍之力外寇卒至表裏受敵此危道也今三叛相聚
於孤城之中天其或者將使同戮吾當以長策縻之
但堅守三面若賊陸道而來軍糧必少吾以游兵輕
騎絕其轉輸可不戰而破外賊外賊破欽等必成擒
矣全懌母孫權女也得罪於吳全端兄子禕及儀奉
其母來奔儀兄靜時在壽春用鍾會計作禕儀書以
譎靜靜兄弟五人帥其眾來降城中大駭
三年春正月壬寅誕欽等出攻長圍諸軍逆擊走之
初誕欽內不相協及至窮感轉相疑貳會欽計事與

誕忤誕手刃殺欽欽子鴛攻誕不克踰城降以爲將
軍封侯使鴛巡城而呼帝見城上持弓者不發謂諸
將曰可攻矣二月乙酉攻而拔之斬誕夷三族吳將
唐咨孫曼孫彌徐韶等帥其屬皆降表加爵位廩其
餒疾或言吳兵必不爲用請坑之帝曰就令亡還適
見中國之弘耳於是徙之三河夏四月歸于京師魏
帝命改丘頭曰武丘以旌武功五月天子以并州之
太原上黨西河樂平新興鴈門司州之河東平陽八
郡地方七百里封帝爲晉公加九錫進位相國晉國
置官司馬九讓乃止於是增邑萬戶食三縣諸子之
無爵者皆封列侯秋七月奏錄先世名臣元功大勳
之子孫隨才叙用

四年夏六月分荊州置二都督王基鎮新野州秦鎮
襄陽使石苞都督揚州陳騫都督豫州鍾毓都督徐
州宋鈞監青州諸軍事

景元元年夏四月天子復命帝爵秩如前又讓不受
天子旣以帝三世宰輔政非已出情不能安又慮廢
辱將臨軒召百寮而行放黜五月戊子夜使冗從僕
射李昭等發甲於陵雲臺召侍中王沉散騎常侍王
業尚書王經出懷中黃素詔示之戒嚴俟旦沉業馳

告于帝，帝召護軍賈充等爲之備。天子知事泄，帥左右攻相府，稱有所討，敢有動者族誅。相府兵將止不敢戰，賈充叱諸將曰：「公畜養汝輩，正謂今日耳。」太子舍人成濟抽戈犯蹕，刺之，亦出於背。天子崩于車中，帝召百寮謀其故，僕射陳泰不至，帝遣其舅荀顗與致之，延於曲室，謂曰：「玄伯天下其如我何？」泰曰：「惟腰斬賈充微以謝天下。」帝曰：「卿更思其次。」泰曰：「但見其上，不見其次。」於是歸罪成濟而斬之。太后令曰：「昔漢昌邑王以罪廢爲庶人，此兒亦宜以庶人禮葬之。」使外內咸知其所行也，殺尚書王經貳於我也，庚寅帝

奏曰：「故高貴鄉公帥從駕人兵，拔亦鳴鼓向臣，所臣懼兵亦相接，卽勅將士不得有所傷害，違令者以軍法從事。」騎督成倅第太子舍人濟入兵陣，傷公至隕。臣聞人臣之節有死無貳，事上之義不敢逃難。前者變故卒至，禍同發機，誠欲委身守死，惟命所裁。然惟本謀乃欲上危皇太后，傾覆宗廟，臣忝當元輔，義在安國，卽駱驛申勅，不得迫近輿輦，而濟妄入陣間，以致大變，哀怛痛恨，五內摧裂。濟干國亂紀，罪不容誅，輒收濟家屬付廷尉。太后從之，夷濟三族。與公卿議立燕王宇之子常道鄉公璜爲帝。六月，改元景辰。天

子進帝爲相國封晉公增十郡加九錫如初羣從子弟未侯者封亭侯賜錢千萬帛萬匹固讓乃止冬十一月吳吉陽督肅慎以書詣鎮東將軍石苞僞降求迎帝知其詐也使苞外示迎之而內爲之備

二年秋八月甲寅天子使太尉高柔授帝相國印綬司空鄭冲致晉公茅土九錫固辭

三年夏四月肅慎來獻楛矢石砮弓甲貂皮等天子命歸於大將軍府

四年春二月丁丑天子復命帝如前又固讓三月詔大將軍府增置司馬一人從事中郎二人舍人十八

夏帝將伐蜀乃謀衆曰自定壽春已來息役六年治兵繕甲以擬二虜略計取吳作戰船通水道當用千餘萬功此十萬人百數十日事也又南土下溼必生疾疫今宜先取蜀三年之後因巴蜀順流之勢水陸並進此滅虜定號吞韓并魏之勢也計蜀戰士九萬居守成都及備他郡不下四萬然則餘衆不過五萬今絆姜維於沓中使不得東顧直指駱谷出其空虛之地以襲漢中彼若嬰城守險兵勢必散首尾離絕舉大衆以屠城散銳卒以畧野劍閣不暇守險關頭不能自存以劉禪之闇而邊城外破士女內震其亡

可知也。征西將軍鄧艾以爲未有釁，屢陳異議。帝患之，使主簿師纂爲艾司馬以喻之。艾乃奉命。於是徵四方之兵十八萬，使鄧艾自狄道攻姜維於沓中。雍州刺史諸葛緒自祁山軍于武街，絕維歸路。鎮西將軍鍾會帥前將軍李輔征蜀，護軍胡烈等自駱谷襲漢中。秋八月，軍發洛陽，大賚將士。陳師誓衆，將軍鄧敦謂蜀未可討，帝斬以徇。九月，又使天水太守王頌攻維營隴西，太守牽弘邀其前，金城太守楊欣趣甘松，鍾會分爲二隊入自斜谷。使李輔圍王舍於樂城。又使步將易愷攻蔣斌於漢城，會直指陽安護軍胡烈攻陷關城，姜維聞之引還，王頌追敗維於壙川。維與張翼、廖化合軍守劍閣，鍾會攻之。冬十月，天子以諸侯獻捷，交至乃申前命曰：朕以寡德，獲承天序，嗣我祖宗之洪烈，遭家多難，不明於訓。曩者姦逆屢興，方寇內侮，大懼淪喪四海，以墮三祖之弘業。惟公經德履哲，明允廣深，廸宣武文，世作保傅，以輔又皇家。櫛風沐雨，周旋征伐，劬勞王室，二十有餘載，毗翼前人，仍斷大政，克厭不端，維安社稷，暨儉欽之亂，公綏援有衆，分命典師，統紀有方，用緝寧淮，浦其後巴蜀，屢侵西土，不靖公奇畫，指授制勝千里，是以段谷之

晉書帝紀 卷二
戰乘釁大捷，斬將奪旗，效首萬計。孫峻猾夏，致寇徐方。戎車首路，威靈先邁。黃鉞未啓，鯨鯢竄迹。孫壹構隙，自相疑阻。幽鑒遠照，奇策洞微。遠人歸命，作藩南夏。爰授銳卒，畢力戎行。暨諸葛誕滔天作逆，稱兵揚楚。欽咨逋罪，同惡相濟。帥其蝥賊，以入壽春。憑阻淮山，敢距王命。公躬擐甲冑，龔行天罰。玄謀廟算，遵養時晦。奇兵震擊，而朱異摧破。神變應機，而全琮稽服。取亂攻昧，而高壙不守。兼九伐之弘畧，究五兵之正度。用能戰不窮武，而大敵殲潰。旗不再麾，而元愆授首。收勅吳之雋臣，係亡命之逋虜。交臂屈膝，委命下吏。俘馘十萬，積尸成京。雪宗廟之滯耻，拯兆庶之艱難。掃平區域，信威吳會。遂戢干戈，靖我疆土。天地鬼神，罔不獲乂。乃者王室之難，變起蕭牆。賴公之靈，弘濟艱險。宗廟危而獲安，社稷墜而復寧。忠格皇天，功濟六合。是用疇咨古訓，稽諸典籍。命公崇位相國，加于羣后。啓土參墟，封以晉域。所以方軌齊魯，翰屏帝室。而公遠蹈謙損，深履沖讓。固辭策命，至于八九。朕重違讓德，抑禮虧制。以彰公志于今四載。上闕在昔，建侯之典。下違兆庶具瞻之望。惟公嚴虔王度，闡濟大猷。敦尚純樸，省繇節用。務稽勸分，九野康乂。耆叟

荷崇養之德，鰥寡蒙矜卹之施，仁風興於中夏，流澤
布於遐荒，是以東夷西戎，南蠻北狄，狂狡貪悍，世爲
寇讐者，皆感義懷惠，款塞內附，或委命納貢，或求置
官司，九服之外，絕域之氓，曠世所希至者，咸浮海來
享鼓舞王德，前後至者八百七十餘萬口，海隅幽裔，
無思不服，雖西旅遠貢，越裳九譯，義無以踰，維翼朕
躬，下匡萬國，思靖殊方，寧濟八極，以庸蜀未賓，蠻荆
作猾，潛謀獨斷，整軍經武，簡練將帥，授以成策，始踐
賊境，應時摧陷，狂狡奔北，首尾震潰，禽其戎帥，居其
城邑，巴漢震疊，江源雲徹，地平天成，誠在斯舉，公有

濟六合之勲，加以茂德，實總百揆，允釐庶政，敦五品
以崇仁，恢六典以敷訓，而靖恭夙夜，勞謙昧旦，雖尚
父之左右，文武周公之勤勞王家，罔以加焉，昔先王
選建明德，光啓諸侯，體國經野，方制五等，所以藩翼
王畿，垂祚百世也，故齊魯之封於周，爲弘山川土田
邦畿七百官司，典策制殊羣后，惠襄之難，桓文以翼
戴之勞，猶受錫命之禮，咸用光疇大德，作範于後，惟
公功邁於前烈，而賞闕於舊式，百辟於邑，人神同懷
焉，豈可以公謙沖而久淹弘典哉，今以并州之太原
上黨西河樂平新興鴈門司州之河東平陽弘農雍

州之馮翊凡十郡南至於華北至於陘東至於壺口
西踰於河提封之數方七百里皆晉之故壤唐叔受
之世作盟主實紀綱諸夏用率舊職爰昨茲土封公
爲晉公命使持節兼司徒司隸校尉陔卽授印綬策
書金獸符第一至第五竹使符第一至第十錫茲玄
土苴以白茅建爾國家以永藩魏室昔在周召並以
公侯入作保傅其在近代鄩侯蕭何實以相國光尹
漢朝隨時之制禮亦宜之今進公位爲相國加綠綬
綬又禮儀刑作範旁訓四方是用錫公大輅戎輅各一九錫其敬聽後命以公思弘大猷崇正典

壯二駟公道和陰陽敬授人時嗇夫反本農殖維豐
是用錫公衮冕之服赤舄副焉公光敷顯德惠下以
和敬信思順庶尹允諧是用錫公軒懸之樂六佾之
舞公鎮靖宇宙翼播聲教海外懷服荒裔款附殊方
馳義諸夏順軌是用錫公朱戶以居公簡賢料材營
求俊逸爰升多士寘彼周行是用錫公納陛以登公
嚴恭寅畏底平四國式遏寇虐苛厲不作是用錫公
武賁之士三百人公明慎用刑簡恤大中章厥天威
以糾不虔是用錫公鈇鉞各一公爰整六軍典司征
伐犯命凌正乃維誅殛是用錫公彤弓一彤矢百秣

弓十秣矢千公饗祀蒸蒸孝思維則篤誠之至通于神明是用錫公秬鬯一卣珪瓚副焉晉國置官司以下率由舊式往欽哉祇服朕命弘敷訓典光澤庶方永終爾明德不顯余一人之休命公卿將校皆詣府喻旨帝以禮辭讓司空鄭冲率羣官勸進曰伏見嘉命顯至竊聞明公固讓冲等眷眷實有愚心以爲聖王作制百代同風褒德賞功有自來矣昔伊尹有莘氏之勝臣耳一佐成湯遂荷阿衡之號周公藉已成之勢據旣安之業光宅曲阜奄有龜蒙呂尚磻溪之漁者也一朝指麾乃封營丘自是以來功薄而賞厚

者不可勝數然賢哲之士猶以爲美談况自先相國以來世有明德翼輔魏室以綏天下朝無秕政人無謗言前者明公西征靈州北臨沙漠榆中以西望風震服羌戎來馳回首內向東誅叛逆全軍獨克禽闔閭之將虜輕銳之卒以萬萬計威加南海名懾三越宇內康寧苛慝不作是以時俗畏懷東夷獻舞故聖上覽乃昔以來禮典舊章開國光宅顯茲太原明公宜承奉聖旨受茲介福允當天人元功盛勳光光如彼國土嘉祚巍巍如此內外協同靡愆靡違由斯征伐則可朝服濟江埽除吳會西塞江源望祀岷山廻

戈弭節以麾天下遠無不服邇無不肅令大魏之德
光于唐虞明公盛勲超于桓文然後臨滄海而謝文
伯登箕山而揖許由豈不盛乎至公至平誰與爲鄰
何必勤勤小讓也哉帝乃受命十一月鄧艾帥萬餘
人自陰平踰絕險至江由破蜀將諸葛瞻於綿竹斬
瞻傳首進軍雒縣劉禪降天子命晉公以相國總百
揆於是上節傳去侍中大都督錄尚書之號焉表鄧
艾爲太尉鍾會爲司徒會潛謀叛逆因密使譖艾
咸熙元年春正月檻車徵艾乙丑帝奉天子西征次
于長安是時魏諸王侯悉在鄴城命從事中郎山濤
行軍司事鎮於鄴遣護軍賈充持節督諸軍據漢中
鍾會遂反於蜀監軍衛瓘右將軍胡烈攻會斬之初
會之伐蜀也西曹屬邵悌言於帝曰鍾會難信不可
令行帝笑曰取蜀如指掌而衆人皆言不可唯會與
吾意同滅蜀之後中國將士人自思歸蜀之遺黎猶
懷震恐縱有異志無能爲也卒如所量景辰帝至自
長安三月己卯進帝爵爲王增封并前二十郡夏五
月癸未天子追加舞陽宣文侯爲晉宣王舞陽忠武
侯爲晉景王秋七月帝奏司空荀顛定禮儀中護軍
賈充止法律尚書僕射裴秀議官制太保鄭沖總而

晉書帝紀 卷二
裁焉始建五等爵冬十月丁亥奏遣吳人相國參軍
徐劭散騎常侍水曹屬孫或使吳喻孫皓以平蜀之
事致馬錦等物以示威懷景午天子命中撫軍新昌
鄉侯炎爲晉世子

二年春二月甲辰胸臆縣獻靈龜歸於相府夏四月
孫皓使紀陟來聘且獻方物五月天子命帝冕十有
二旒建天子旌旗出警入蹕乘金根車駕六馬備五
時副車置旄頭雲罕樂舞八佾設鐘虞宮懸位在燕
王上進王妃爲王后世子爲太子王女王孫爵命之
禮皆如帝者之儀諸禁網煩苛及法式不便於時者

帝皆奏除之晉國置御史大夫侍中常侍尚書中領
軍衛將軍官秋八月辛卯帝崩于露寢時年五十五
九月癸酉葬崇陽陵謚曰文王武帝受禪追尊號曰
文皇帝廟稱太祖

史臣曰世宗以叡畧創基太祖以雄才成務事殷之
跡空存翦商之志彌遠三分天下功業在焉及踰劔
銷氛浮淮靜亂桐宮胥怨或所不堪若乃體以名臣
恪之端揆周公流連於此歲魏武得意於茲日軒懸
之樂大啓南陽師摯之貴於焉北面壯矣哉包舉天
人者也爲帝之主不亦難乎

贊曰世宗繼文邦權未分三千之士其從如雲世祖無外靈關靜氛反雖討賊終為弑君

音義

覘 勅 劔 反 毋丘 音無 艾 五 盤 反 撮 古 雅 反 徽 古 堯 反 要 一 遙 反

冗 從 上 而 勇 反 辟 旁 益 反 嫚 與 慢 反 恚 一 避 反 佻 吐 彫 反

先 軌 柏 招 漢 書 古 今 人 表 帝 學 師 也 灑 橋 說 文 曰 灑 水 出 潁 川 陽 城 少 室 山 東 入 潁

音 殷 又 冠 古 亂 反 苛 音 何 禕 於 離 反 亟 紀 力 反 讐 之 涉 反 子 靚 音 奴 又 音 奴

才 姓 隗 五 罪 反 曼 萬 音 顛 魚 豈 反 倅 七 碎 反 楛 矢 音 戶 音 又 音 奴

弩 絆 音 半 廖 化 漢 有 廖 湛 反 迪 音 狄 音 櫛 阻 瑟 反 蟀 音 鶩 同 與 音 鶩 同

環 音 應 元 慙 字 林 曰 慙 惡 也 尚 書 勅 渠 京 反 誠 古 獲 反 信 音 應 元 慙 字 林 曰 慙 惡 也 尚 書 勅 渠 京 反 誠 古 獲 反 信

威 信 音 申 校 尉 咳 反 鄴 侯 音 贊 緜 盧 緜 反 賁 音 奔 銖 鉞 越 音 申 校 尉 咳 反 鄴 侯 音 贊 緜 盧 緜 反 賁 音 奔 銖 鉞 越

二 音 彤 徒 冬 反 茲 盧 音 廬 和 音 巨 暢 音 巨 音 由 將 校 上 子 亮 反 下 音 效 勝 音 巨 暢 音 巨 音 由 將 校 上 子 亮 反 下 音 效 勝

以 證 岷 音 岷 傳 張 戀 反 檻 胡 黠 反 虞 音 巨 音 以 證 岷 音 岷 傳 張 戀 反 檻 胡 黠 反 虞 音 巨

武帝紀

武皇帝諱炎字安世文帝長子也寬惠仁厚沉深有
度量魏嘉平中封北平亭侯歷給事中奉車都尉中
壘將軍加散騎常侍累遷中護軍假節迎常道鄉公
於東武陽遷中撫軍進封新昌鄉侯及晉國建立爲
世子拜撫軍大將軍開府副貳相國初文帝以景帝
既宣帝之嫡早世無後以帝弟攸爲嗣特加愛異自
謂攝居相位百年之後大業宜歸攸每曰此景王之
天下也吾何與焉將議立世子屬意於攸何曾等固

晉書帝紀 卷三
爭曰中撫軍聰明神武有超世之才髮委地手過膝此非人臣之相也由是遂定

咸熙二年五月立爲晉王太子八月辛卯文帝崩太子嗣相國晉王位下令寬刑宥罪撫衆息役國內行服三日是月長人見於襄武長三丈告縣人王始曰今當太平九月戊午以魏司徒何曾爲丞相鎮南將軍王沉爲御史大夫中護軍賈充爲衛將軍議郎裴秀爲尚書令光祿大夫皆開府十一月初置四護軍以統城外諸軍乙未令諸郡中正以六條舉淹滯一曰忠恪匪躬二曰孝敬盡禮三曰友于兄弟四曰累身勞謙五曰信義可復六曰學以爲己是時晉德旣洽四海宅心於是天子知歷數有在乃使太保鄭冲奉策曰咨爾晉王我皇祖有虞氏誕膺靈運受終于陶唐亦以命于有夏惟三后陟配于天而咸用光敷聖德自茲厥後天又輯大命于漢火德旣衰乃眷命我高祖方軌虞夏四代之明顯我不敢知惟王乃祖乃父服膺明哲輔亮我皇家勲德光于四海格爾上下神祇罔不克順地平天成萬邦以乂應受上帝之命協皇極之中肆予一人祇承天序以敬授爾位歷數實在爾躬允執其中天祿永終於戲王其欽順天

命率循訓典底綏四國用保天休無替我二皇之弘
烈帝初以禮讓魏朝公卿何曾王沉等固請乃從之
泰始元年冬十二月景寅設壇于南郊百僚在位及
匈奴南單于四夷會者數萬人柴燎告類于上帝曰
皇帝臣炎敢用玄牡明告于皇皇后帝魏帝稽協皇
運紹天明命以命炎昔者唐堯熙隆大道禪位虞舜
舜又以禪禹邁德垂訓多歷年載暨漢德既衰太祖
武皇帝撥亂濟時扶翼劉氏又用受命于漢粵在魏
室仍世多故幾於顛墜寔賴有晉匡拯之德用獲保
厥肆祀弘濟于艱難此則晉之有大造于魏也誕惟
四方罔不祗順廓清梁岷包懷揚越八紘同軌祥瑞
屢臻天人協應無思不服肆予憲意三后用集大命
于茲炎維德不嗣辭不獲命于是羣公卿士百辟庶
僚黎獻陪隸暨于百蠻君長僉曰皇天鑒下求人之
瘼既有成命固非克讓所得距違天序不可以無統
人神不可以曠主炎虔奉皇運寅畏天威敬簡元辰
升壇受禪告類上帝永答衆望禮畢卽洛陽宮幸太
極前殿詔曰昔朕皇祖宣王聖哲欽明誕應期運熙
帝之載肇啓洪基伯考景王履道宣猷緝熙諸夏至
于皇考文王獻哲光遠允協靈祇應天順時受茲明

命仁濟于宇宙功格于上下肆魏氏弘鑒于古訓儀
刑于唐虞疇咨羣后爰輯大命于朕身予一人畏天
之命用不敢違惟朕寡德負荷洪烈託于王公之上
以君臨四海惴惴惟懼罔知所濟惟爾股肱爪牙之
佐文武不貳之臣乃祖乃父實左右我先王光隆我
大業思與萬國共享休祚于是大赦改元賜天下爵
人五級鰥寡孤獨不能自存者穀人五斛復天下租
賦及關市之稅一年逋債宿負皆勿收除舊嫌解禁
錮亡官失爵者悉復之丁卯遣太僕劉原告于太廟
封魏帝爲陳留王邑萬戶居于鄴宮魏氏諸王皆爲
縣侯追尊宣王爲宣皇帝景王爲景皇帝文王爲文
皇帝宣王妃張氏爲宣穆皇后尊太妃王氏曰皇太
后宮曰崇化封皇叔祖父孚爲安平王皇叔父幹爲
平原王亮爲扶風王仙爲東莞王駿爲汝陰王彤爲
梁王倫爲琅琊王皇弟攸爲齊王鑒爲樂安王幾爲
燕王皇從伯父望爲義陽王皇從叔父輔爲渤海王
晃爲下邳王瓌爲太原王珪爲高陽王衡爲常山王
子文爲沛王泰爲隴西王權爲彭城王綏爲范陽王
遂爲濟南王遜爲譙王睦爲中山王淩爲北海王斌
爲陳王皇從父兄洪爲河間王皇從父弟懋爲東平

蜀辰翁曰
晉初經制

王以驃騎將軍石苞爲大司馬封樂陵公車騎將軍
陳騫爲高平公衛將軍賈充爲車騎將軍魯公尚書
令裴秀爲鉅鹿公侍中荀勗爲濟北公太保鄭冲爲
太傅壽光公太尉王祥爲太保睢陵公丞相何曾爲
太尉朗陵公御史大夫王沉爲驃騎將軍博陵公司
空荀顛爲臨淮公鎮北大將軍衛瓘爲菑陽公其餘
增封進爵各有差文武普增位二等改景初歷爲太
始曆臘以酉社以丑戊辰下詔大弘儉約出御府珠
玉玩好之物頒賜王公以下各有差置中軍將軍以
統宿衛七軍己巳詔陳留王載天子旌旗備五時副
車行魏正朔郊祀天地禮樂制度皆如魏舊上書不
稱臣賜山陽公劉康安樂公劉禪子弟一人爲駙馬
都尉乙亥以安平王孚爲太宰假黃鉞大都督中外
諸軍事詔曰昔王淩謀廢齊王而王竟不足以守位
鄧艾雖矜功失節然束手受罪今大赦其家還使立
後興滅繼絕約法省刑除魏氏宗室禁錮諸將吏遭
三年喪者遣寧終喪百姓復其徭役罷部曲將長吏
以下質任省郡國御調禁樂府靡麗百戲之伎及雕
文游畋之具開直言之路置諫官以掌之是月鳳皇
六青龍三白龍二騏麟各一見于郡國

二年春正月景戌遣兼侍中侯史光等持節四方循省風俗除禳祝之不在祀典者丁亥有司請建七廟帝重其役不許庚寅罷雞鳴歌辛丑尊景皇帝夫人羊氏曰景皇后宮曰弘訓景午立皇后楊氏二月除漢宗室禁錮己未常山王衡薨詔曰五等之封皆錄舊勲本爲縣侯者傳封次子爲亭侯爲鄉侯爲關內侯亭侯爲關中侯皆食本戶十分之一丁丑郊祀宣皇帝以配天宗祀文皇帝於明堂以配上帝庚午詔曰古者百官官箴王闕然保氏特以諫諍爲職今之侍中常侍實處此位擇其能正色彌違匡救不逮者以兼此選三月戊戌吳人來弔祭有司奏爲答詔帝曰昔漢文光武懷撫尉佗公孫述皆未正君臣之儀所以羈縻未賓也詔遣使之始未知國慶但以書答之夏五月戊辰詔曰陳留王操尚謙沖每事輒表非所以優崇之也主者喻意非大事皆使王官表上之壬子驃騎將軍博陵公王沉卒六月壬申濟南王遂薨秋七月辛巳營太廟致荆山之木采華山之石鑄銅柱十二塗以黃金鏤以百物綴以明珠戊戌譙王遜薨景午晦日有食之八月景辰省右將軍官初帝雖從漢魏之制旣葬除服而深衣素冠降席撤膳哀

敬如喪者。戊辰有司奏改服進膳不許。遂禮終而後復吉。及太后之喪亦如之。九月乙未散騎常侍皇甫陶傳玄領諫官上書諫諍有司奏請寢之。詔曰。凡關言人主。人臣所至難。而苦不能聽納。自古忠臣直士之所慷慨也。每陳事出付主者多從深刻。乃云恩貸當由主上。是何言乎。其詳評議。戊戌有司奏大晉繼三皇之蹤。蹈舜禹之跡。應天順時。受禪有魏。宜一用前代正朔服色。皆如虞遵唐故事。奏可。冬十月景午朔日有食之。丁未詔曰。昔舜葬蒼梧。農不易畝。禹葬

也。市不改肆。上惟祖考清簡之旨。所徙陵十里內。

居人動爲煩擾。一切停之。十一月己卯倭人來獻方物。并園丘方丘於南北郊。二至之祀合於二郊。罷山陽公國督軍。除其禁制。己丑追尊景帝夫人夏侯氏爲景懷皇后。辛卯遷祖禰神主于太廟。十二月罷農官爲郡縣。是歲鳳皇六。青龍十。黃龍九。騏驎各一。見于郡國。

三年春正月癸丑白龍二見于弘農澗池。丁卯立皇子衷爲皇太子。詔曰。朕以不德託于四海之上。兢兢祇畏懼無以康濟。寓內思與天下。式明王度。正本清源。於置胤樹嫡。非所先務。又近世每建太子。寬宥施

惠之事間不獲已順從王公卿士之議耳方今世運垂平將陳之以德義示之以好惡使百姓蠲多幸之慮篤終始之行曲惠小仁故無取焉咸使知聞三月戊寅初令二千石得終三年喪丁未晝昏罷武衛將軍官以李熹爲太子太傅太山石崩夏四月戊午張掖太守焦勝上言氐池縣大柳谷口有玄石一所白晝成文實大晉之休祥圖之以獻詔以制幣告于太廟藏之天府秋八月罷都護將軍以其五署還光祿勳九月甲申詔曰古者以德詔爵以庸制祿雖下士猶食上農外足以奉公忘私內足以養親施惠今在

位者祿不代耕非所以崇化之本也其議增吏俸賜王公以下帛各有差以太尉何曾爲太保義陽王望爲太尉司空荀顛爲司徒冬十月聽士卒遭父母喪者非在疆場皆得奔赴十二月徙宗聖侯孔震爲奉聖亭侯山陽公劉康來朝禁星氣讖緯之學

四年春正月辛未以尚書令裴秀爲司空景戌律令成封爵賜帛各有差有星孛於軫丁亥帝耕於藉田戊子詔曰古設象刑而衆不犯今雖叅夷而姦不絕何德刑相去之遠哉先帝深愍黎元哀矜庶獄乃命羣后考正典刑朕守遺業永惟保乂皇基思與萬國

以無爲爲政方今陽春養物東作始興朕親率王公卿士耕籍田千畝又律令旣就班之天下將以簡法務本惠育海內宜寬有罪使得自新其大赦天下長吏郡丞長史各賜馬一匹二月庚子增置山湯公國相郎中令陵令雜工宰人鼓吹車馬各有差罷中軍將軍置北軍中候官甲寅以東海劉儉有至行拜爲郎以中軍將軍羊祜爲尚書左僕射東莞王佃爲尚書右僕射三月戊子皇太后王氏崩夏四月戊戌太保睢陵公王祥薨己亥祔葬文明皇后王氏於崇陽陵罷振威揚威護軍官置左右積弩將軍六月甲申朔詔曰郡國守相三載一巡行屬縣必以春此古者所以述職宣風展義也見長吏觀風俗協禮律考度量存問耆老親見百年錄囚徒理冤枉詳察政刑得失知百姓所患苦無有遠近便若朕親臨之敦喻五教勸務農功勉勵學者思勤正典無爲百家庸未致遠必泥士庶有好學篤道孝弟忠信清白異行者舉而進之有不孝敬於父母不長悌於族黨悖禮棄常不率法令者糾而罪之田疇闢生業修禮教設禁令行則長吏之能也人窮匱農事荒姦盜起刑獄煩下陵上替禮義不興斯長吏之否也若長吏在官公廉

慮不及私正色直節不飾名譽者及身行貪穢諂黷
求容公節不立而私門日富者並謹察之揚清激濁
舉善彈違此朕所以垂拱總綱責成於良二千石也
於戲戒哉秋七月太山石崩衆星西流戊午遣使者
侯史光循行天下己卯謁崇陽陵九月青徐兗豫四
州大水伊洛溢合於河開倉以振之詔曰雖詔有所
欲及奏得可而於事不便者皆不可隱情冬十月吳
將施績入江夏萬郁寇襄陽遣太尉義陽王望屯龍
陂荊州刺史胡烈擊敗郁吳將顧容寇鬱林太守毛
吳大破之斬其交州刺史劉俊將軍脩則十一月吳
將丁奉等出芍陂安東將軍汝陰王駿與義陽王望
擊走之己未詔王公卿尹及郡國守相舉賢良方正
直言之士十二月班五條詔書於郡國一曰正身二
曰勤百姓三曰撫孤寡四曰敦本息末五曰去人事
庚寅帝臨聽訟觀錄廷尉洛陽獄囚親平決焉扶南
林邑各遣使來獻

五年春正月癸巳申戒郡國計吏守相令長務盡地
利禁游食商販景申帝臨聽訟觀錄囚徒多所原遣
青龍二見於滎陽二月以雍州隴右五郡及涼州之
金城梁州之陽平置秦州辛巳白龍二見於趙國青

徐充三州水遣使振恤之壬寅以尚書左僕射羊祜
都督荊州諸軍事征東大將軍衛瓘都督青州諸軍
事東莞王佃鎮東大將軍都督徐州諸軍事丁亥詔
曰古者歲書羣吏之能否三年而誅賞之諸令史前
後但簡遺踈劣而無有勸進非黜陟之謂也其條勤
能有稱尤異者歲以爲常吾將議其功勞己未詔蜀
相諸葛亮孫京隨才署吏夏四月地震五月辛卯朔
鳳皇見於趙國曲赦交趾九真日南五歲刑六月鄴
奚官督郭廙上疏陳五事以諫言甚切直擢爲屯留
令西平人麴路伐登聞鼓言多祇謗有司奏棄市帝

曰朕之過也捨而不問罷鎮軍將軍復置左右將軍

官秋七月延羣公詢讜言九月有星孛於紫宮冬十
月景子以汲郡太守王宏有政績賜穀千斛十一月
追封謚皇弟兆爲城陽哀王以皇子景度嗣十二月
詔州郡舉勇猛秀異之才

六年春正月丁亥朔帝臨軒不設樂吳將丁奉入渦
口揚州刺史牽弘擊走之三月赦五歲刑己下夏四
月白龍二見於東莞五月立壽安亭侯承爲南宮王
六月戊午秦州刺史胡烈擊叛虜於萬斛堆力戰死
之詔遣尚書石鑒行安西將軍都督秦州諸軍事與

晉書帝紀 卷三十一
奮威護軍田章討之秋七月丁酉復隴右五郡遇寇
害者租賦不能自存者廩貸之乙巳城陽王景度薨
詔曰自秦始以來大事皆撰錄秘書寫副後有此事
輒宜綴集以爲常丁未以汝陰王駿爲鎮西大將軍
都督雍涼二州諸軍事九月大宛獻汗血馬焉耆來
貢方物冬十一月幸辟雍行鄉飲酒之禮賜太常博士
帛牛酒各有差立皇子東爲汝南王十二册吳夏
口督前將軍孫秀帥衆來奔拜驃騎將軍開府儀同
三司封會稽公戊辰復置鎮軍官

七年春正月景午皇太子冠賜王公以下帛各有差
匈奴帥劉猛叛出塞二月孫皓帥衆趨壽陽遣大司
馬望屯淮北以距之三月景戌司空鉅鹿公裴秀薨
癸巳以中護軍王業爲尚書左僕射高陽王珪爲尚
書右僕射孫秀部將何崇帥衆五千人來降夏四月
九真太守董元爲吳將虞汜所攻軍敗死之北地胡
寇金城涼州刺史牽弘討之羣虜內叛圍弘於青山
弘軍敗死之五月立皇子憲爲城陽王雍涼秦三州
饑赦其境內殊死以下閏月大雩太官減膳詔交趾
三郡南中諸郡無出今年戶調六月詔公卿以下舉
將帥各一人辛丑大司馬義陽王望薨大雨霖伊洛

晉書帝紀 卷三
河溢流居人四千餘家殺三百餘人有詔振貸給棺
秋七月癸酉以車騎將軍賈充爲都督秦涼二州諸
軍事吳將陶璜等圍交趾太守楊稷與鬱林太守毛
吳及日南等三郡降於吳八月景戌以征東大將軍
衛瓘爲征北大將軍都督幽州諸軍事景申城陽王
憲薨分益州之南中四郡置寧州曲赦四郡殊死已
下冬十月丁丑日有食之十一月丁巳衛公姬署薨
十二月大雪罷中領軍并北軍中侯以光祿大夫鄭
袤爲司空

八年春正月監軍何楨討匈奴劉猛屢破之左部帥

李恪殺猛而降癸亥帝耕于藉田二月乙亥禁彫文
綺組非法之物壬辰太宰安平王孚薨詔內外羣官
舉任邊郡者各三人帝與右將軍皇甫陶論事陶與
帝爭言散騎常侍鄭徽表請罪之帝曰讜言謬所
望於左右也人主常以阿媚爲患豈以爭臣爲損哉
徽越職妄奏豈朕之意遂免徽官夏四月置後將軍
以備四軍六月益州牙門張弘誣其刺史皇甫晏反
殺之傳首京師弘坐伏誅夷三族壬辰大赦景申詔
復隴右四郡遇寇害者田租秋七月以車騎將軍賈
充爲司空九月吳西陵督步闡來降拜衛將軍開府

儀同三司封宜都公吳將陸抗攻闡遣車騎將軍羊
祜帥衆出江陵荊州刺史楊肇迎闡於西陵巴東監
軍徐胤擊建平以救闡冬十月辛未朔日有食之十
二月肇攻抗不克而還闡城陷爲抗所禽

九年春正月辛酉司空密陵侯鄭袤薨二月癸巳司
徒樂陵公石苞薨立安平亭侯隆爲安平王三月立
皇子祗爲東海王夏四月戊辰朔日有食之五月旱
以太保何曾領司徒六月乙未東海王祗薨秋七月
丁酉朔日有食之吳將魯淑圍弋陽征虜將軍王渾
等官鮮卑寇廣寧殺畧五千人詔聘公卿以下子女
以備六官采擇未畢權禁斷婚姻冬十月辛巳制女
年十七父母不嫁者使長吏配之十一月丁酉臨宣
武觀大閱諸軍甲辰乃罷

十年春正月辛亥帝耕于藉田閏月癸酉太傅壽光
公鄭冲薨巳卯高陽王珪薨庚辰太原王瓌薨丁亥
詔曰嫡庶之別所以辨上下明貴賤而近世以來多
皆內寵登妃后之職亂尊卑之序自今以後皆不得
登用妾媵以爲嫡正二月分幽州五郡置平州三月
癸亥日有食之夏四月巳未太尉臨淮公荀顛薨六

晉書紀事 卷三
月癸巳臨聽訟觀錄囚徒多所原遣是夏大蝗秋七月景寅皇后楊氏崩壬午吳平虜將軍孟泰偏將軍王嗣等帥衆降八月涼州虜寇金城諸郡鎮西將軍汝陰王駿討之斬其帥乞文泥等戊申葬元皇后于峻陽陵九月癸亥以大將軍陳騫爲太尉攻拔吳枳里城獲吳立信校尉莊祐吳將孫遵李承帥衆寇江夏太守嵇喜擊破之立河橋于富平津冬十一月立城東七里澗石橋庚午帝臨宣武觀大閱諸軍十二月有星孛于軫置藉田今立太原王子緝爲高陽王吳威北將軍嚴聰揚威將軍嚴整偏將軍朱買來降

是歲鑿陝南山決河東注洛以通運漕

咸寧元年春正月戊午朔大赦改元二月以將士應已娶者多家有五女者給復辛酉以故鄴令夏謨有清稱賜穀百斛以奉祿薄賜公卿以下帛有差叛虜樹機能送質請降夏五月下邳廣陵大風拔木壞廬舍六月鮮卑力微遣子來獻吳人寇江夏西域戊巳校尉馬循討叛鮮卑破之斬其渠帥戊申置太子詹事官秋七月甲申晦日有食之郡國螾八月壬寅沛王子文薨以故太傅鄭冲太尉荀顛司徒石苞司空裴秀驃騎將軍王沉安平獻王孚等及太保何曾司

晉書帝紀 卷三 十五
空賈充太尉陳騫中書監荀勗平南將軍羊祜齊王攸等皆列於銘饗九月甲子青州螟徐州大水冬十月乙酉常山王殷薨癸巳彭城王權薨十一月癸亥大閱於宣武觀至于巳巳十二月丁亥追尊宣帝廟曰高祖景帝曰世宗文帝曰太祖是月大疫洛陽死者大半封裴頠爲鉅鹿公

二年春正月以疾疫廢朝賜諸散吏至于士卒絲各有差二月景戌河間王洪薨甲午赦五歲刑以下東夷八國歸化并州虜犯塞監并州諸軍事胡奮擊破之初燉煌太守尹璩卒州以燉煌令梁澄領太守事

議郎令狐豐廢澄自領郡事豐死弟宏代之至是涼州刺史楊欣斬宏傳首洛陽先是帝不豫及瘳羣臣上壽詔曰每念頃遇疫氣死亡爲之愴然豈以一身之休息忘百姓之艱邪諸上禮者皆絕之夏五月鎮西大將軍汝陰王駿討北胡斬其渠帥吐敦立國子學庚午大雩六月癸丑薦荔枝于太廟甲戌有星孛于氐自春旱至于是月始雨吳京下督孫楷帥衆來降以爲車騎將軍封丹陽侯白龍二見于新興井中秋七月有星孛于大角吳臨平湖自漢末壅塞至是自開父老相傳云此湖塞天下亂此湖開天下平癸

晉書帝紀 卷三
丑安平王隆薨東夷十七國內附河南魏郡暴水殺
百餘人詔給棺鮮卑阿羅多等寇邊西域戊巳校尉
馬循討之斬首四千餘級獲生九千餘人於是來降
八月庚辰河東平陽地震巳亥以太保何曾爲太傅
太尉陳騫爲大司馬司空賈充爲太尉鎮東大將軍
齊王攸爲司空有星孛于太微九月又孛于翼丁未
起太倉於城東常平倉於東西市閏月荊州五郡水
流四千餘家冬十月以汝陰王駿爲征西大將軍平
南將軍羊祜爲征南大將軍丁卯立皇后楊氏大赦
賜王公以下及千鰥寡各有差十一月白龍二見于

梁國十二月徵處士安定皇甫謐爲太子中庶子封
后父鎮軍將軍楊駿爲臨晉侯是月以平州刺史傅
詢前廣平太守孟桓清白有聞詢賜帛二百匹桓百
匹

三年春正月景子朔日有食之立皇子裕爲始平王
安平穆王隆弟敦爲安平王詔曰宗室戚屬國之枝
葉欲令奉率德義爲天下式然處富貴而能慎行者
寡召穆公糾合兄弟而賦棠棣之詩此姬氏所以本
枝百世也今以衛將軍扶風王亮爲宗師所當施行
皆諮之於宗師也庚午始平王裕薨有星孛於西方

使征北大將軍衛瓘討鮮卑力微三月平虜護軍文
 淑討叛虜樹機能等破之有星孛于冒乙未帝將射
 雉慮損麥苗而止夏五月戊子吳將邵凱夏祥帥眾
 七千餘人來降六月益梁八郡水殺三百餘人沒邸
 閣別倉秋七月以都督豫州諸軍事王渾為都督揚
 州諸軍事中山王睦以罪廢為丹水侯八月癸亥徙
 扶風王亮為汝南王東莞王仙為琅邪王汝陰王駿
 為扶風王琅邪王倫為趙王渤海王輔為太原王太
 原王顥為河間王北海王陵為任城王陳王斌為西
 河王汝南王東為南陽王濟南王軌為中山王河間

人為章武王立皇子瑋為始平王允為濮陽王該

為新都王遐為清河王鉅平侯羊祜為南城侯以汝
 南王亮為鎮南大將軍大風拔樹暴寒且冰郡國五
 隕霜傷穀九月戊子以左將軍胡奮為都督江北諸
 軍事兗豫徐青荆益梁七州大水傷秋稼詔振給之
 立齊王子蕤為遼東王贊為廣漢王冬十一月景戊
 帝臨宣武觀大閱至于壬辰十二月吳將孫慎入江
 夏汝南畧千餘家而去是歲西北雜虜及鮮卑匈奴
 五溪蠻夷東夷三國前後千餘輩各帥種人部落內
 附

四年春正月庚午朔日有食之三月甲申尚書左僕射盧欽卒辛酉以尚書右僕射山濤爲尚書左僕射東夷六國來獻夏四月蚩尤旗見於東井六月丁未陰平廣武地震甲子又震涼州刺史楊欣與虜若羅拔能等戰于武威敗績死之弘訓皇后羊氏崩秋七月己丑祔葬景獻皇后羊氏于峻平陵庚寅高陽王緝薨癸巳范陽王綏薨荆楊郡國二十皆大水九月以太傅何曾爲太宰辛巳以尚書令李胤爲司徒冬十月以征北大將軍衛瓘爲尚書令揚州刺史應綽伐吳皖城斬首五千級焚穀米百八十萬斛十一月

辛巳太醫司馬程據獻雉頭裘帝以奇技異服典禮所禁焚之於殿前甲申勅內外敢有犯者罪之吳昭武將軍劉翻厲武將軍祖始來降辛卯以尚書杜預都督荊州諸軍事征南大將軍羊祜卒十二月乙未西河王斌薨丁未太宰朗陵公何曾薨是歲東夷九國內附

五年春正月虜帥樹機能攻陷涼州乙丑使討虜護軍武威太守馬隆擊之二月甲午白麟見于平原三月匈奴都督拔奕虛帥部落歸化乙亥以百姓饑饉減御膳之半有星孛于柳夏四月又孛于女御大赦

降除部曲督以下質任丁亥郡國八雨雹傷秋稼壞
百姓廬舍秋七月有星孛于紫宮九月甲午麟見于
河南冬十月戊寅匈奴餘渠都督獨雍等帥部落歸
化汲郡人不準掘魏襄王冢得竹簡小篆古書十餘
萬言藏于秘府十一月大舉伐吳遣鎮軍將軍琅邪
王儁出涂中安東將軍王渾出江西建威將軍王戎
出武昌平西將軍胡奮出夏口鎮南大將軍杜預出
江陵龍驤將軍王濬廣武將軍唐彬率巴蜀之卒浮
江而下東西凡二十餘萬以太尉賈充爲大都督行
冠軍將軍楊濟爲副總統衆軍十二月馬隆擊叛虜
樹機能大破斬之涼州平肅慎來獻楛矢石柝

太康元年春正月己丑朔五色氣冠日癸丑王渾克
吳尋陽賴鄉諸城獲吳威武將軍周興二月戊午王
濬唐彬等剋丹陽城庚申又克西陵殺西陵都督鎮
軍將軍畱憲征南將軍成璩西陵監鄭廣壬戌濬又
克夷道樂鄉城殺夷道監陸晏水軍都督陸景甲戌
杜預克江陵斬吳江陵督王延平南將軍胡奮尅江
安於是諸軍並進樂鄉荆門諸戍相次來降乙亥以
濬爲都督益梁二州諸軍事復下詔曰濬彬東下埽
除巴丘與胡奮王戎共平夏口武昌順流長騫直造

秣陵與奮戎審量其宜杜預當鎮靜零桂懷輯衡陽
大兵既過荊州南境固當傳檄而定預當分萬人給
濬七千給彬夏口既平奮宜以七千人給濬武昌既
了戎當以六千人增彬太尉充移屯項總督諸方濬
進破夏口武昌遂泛舟東下所至皆平王渾周浚與
吳丞相張悌戰于版橋大敗之斬悌及其將孫震沈
瑩傳首洛陽孫皓窮蹙請降送璽綬於琅邪王佑三
月壬申王濬以舟師至于建鄴之石頭孫皓大懼面
縛輿觀降于軍門濬杖節解縛焚觀送于京都收其
圖籍克州四郡四十三縣三百一十三戶五十二萬
三千吏三萬二千兵二十三萬男女口二百三十萬
其牧守已下皆因吳所置除其苛政示之簡易吳人
大悅乙酉大赦改元大酺五日恤孤老困窮夏四月
河東高平雨雹傷秋稼遣兼侍中張側黃門侍郎朱
震分使揚越慰其初附白麟見于頓丘三河魏郡弘
農雨雹傷宿麥五月辛亥封孫皓爲歸命侯拜其太
子爲中郎諸子爲郎中吳之舊望隨才擢叙孫氏大
將戰亡之家徙於壽陽將吏渡江復十年百姓及百
工復二十年景寅帝臨軒大會引皓升殿羣臣咸稱
萬歲丁卯薦鄴滌酒于太廟郡國六雹傷秋稼庚午

詔諸士卒年六十以上罷歸于家庚辰以王濬爲輔
國大將軍襄陽侯杜預當陽侯王戎安豐侯唐彬上
庸侯賈充琅邪王佃以下增封於是論功行封賜公
卿以下帛各有差六月丁丑初置翊軍校尉官封丹
水侯睦爲高陽王甲申東夷十國歸化秋七月虜軻
成泥寇西平浩豐殺督將以下三百餘人東夷二十
國朝獻庚寅以尚書魏舒爲尚書右僕射八月車師
前部遣子入侍己未封皇弟延祚爲樂平王白龍三
見于永昌九月羣臣以天下一統屢請封禪帝謙讓
弗許冬十月丁巳除五女復十二月戊辰廣漢王贊

薨

二年春二月淮南丹陽地震三月景申安平王敦薨
賜王公以下吳生口各有差詔選孫皓妓妾五千人
入宮東夷五國朝獻夏六月東夷五國內附郡國十
六雨雹大風拔樹壞百姓廬舍江夏泰山水流居人
三百餘家秋七月上黨又暴風雨雹傷秋稼八月有
星孛于張冬十月鮮卑慕容廆寇昌黎十一月壬寅
大司馬陳騫薨有星孛于軒轅鮮卑寇遼西平州刺
史鮮于嬰討破之

三年春正月丁丑罷秦州并雍州甲午以尚書張華

都督幽州諸軍事三月安北將軍嚴詢敗鮮卑慕容
廐於昌黎殺傷數萬人夏四月庚午太尉魯公賈充
薨閏月景子司徒廣陸侯李胤薨癸丑白龍二見于
濟南秋八月罷平州寧州刺史三年一入奏事九月
東夷二十九國歸化獻其方物吳故將莞恭帛奉舉
兵反攻害建鄴令遂圍揚州徐州刺史嵇喜討平之
冬十二月甲申以司空齊王攸爲大司馬督青州諸
軍事鎮東大將軍琅邪王佃爲撫軍大將軍汝南王
亮爲太尉光祿大夫山濤爲司徒尚書令衛瓘爲司
空景申詔四方水旱甚者無出租

四年春正月甲申以尚書右僕射魏舒爲尚書左僕
射下邳王晃爲尚書右僕射戊午司徒山濤薨二月
己丑立長樂亭侯寔爲北海王三月辛丑朔日有蝕
之癸丑大司馬齊王攸薨夏四月任城王陵薨五月
己亥大將軍琅邪王佃薨徙遼東王粲爲東萊王六
月增九卿禮秩牂柯獠二千餘落內屬秋七月壬子
以尚書右僕射下邳王晃爲都督青州諸軍事景寅
兗州大水復其田租八月鄆善國遣子入侍假其歸
義侯以隴西王泰爲尚書右僕射冬十一月戊午新
都王該薨以尚書左僕射魏舒爲司徒十二月庚午

大閱于宣武觀是歲河南及荊州揚州大水

五年春正月己亥青龍二見于武庫井中二月景寅

立南宮王子玷為長樂王壬辰地震夏四月任城魯

國池水赤如血五月景午宣帝廟梁折六月初置黃

沙獄秋七月戊申皇子恢薨任城梁國中山雨雹傷

秋稼減天下戶課三分之一九月南安大風折木郡

國五大水隕霜傷秋稼冬十一月甲辰太原王輔薨

十二月庚午大赦林邑大秦國各遣使來獻閏月鎮

南大將軍當陽侯杜預卒

六年春正月庚申朔以此歲不登免租貸宿負戊辰

以征南大將軍王渾為尚書左僕射尚書褚契都督

揚州諸軍事楊濟都督荊州諸軍事三月郡國六隕

霜傷桑麥夏四月扶南等十國來獻參離四千餘落

內附郡國四旱十大水壞百姓廬舍秋七月巴西地

震八月景戌朔日有食之減百姓綿絹三分之一白

龍見于京兆以鎮軍大將軍王濬為撫軍大將軍九

月景子山陽公劉康薨冬十月南安山崩水出南陽

郡獲兩足獸龜茲焉耆國遣子入侍十二月甲申大

閱于宣武觀旬日而罷庚子撫軍大將軍襄陽侯王

濬卒

興長刑獄又多貪濁煩撓百姓其勅刺史二千石糾其穢濁舉其公清有司議其黜陟令內外羣宮舉清能拔寒素江東四郡地震二月尚書右僕射陽夏侯胡奮卒以尚書朱整爲尚書右僕射三月丁丑皇后親桑于西郊賜帛各有差壬辰初并二社爲一夏四月江南郡國八地震隴西隕霜傷宿麥五月義陽王奇有罪黜爲三縱亭侯詔內外羣官舉守令之才六月庚子朔日有食之徙章武王威爲義陽王郡國三十二大旱傷麥秋八月壬子星隕如雨詔郡國五歲刑以下決遣無留庶獄九月東夷七國詣校尉內附郡國二十四螟冬十二月癸卯立河間平王洪子英爲章武王戊申青龍黃龍各一見于魯國

十年夏四月以京兆太守劉霄陽平太守梁柳有政績各賜穀千斛郡國八隕霜太廟成乙巳遷神主于新廟帝迎于道左遂祫祭大赦文武增位一等作廟者二等丁未尚書右僕射廣興侯朱整卒癸丑崇聖殿災五月鮮卑慕容廆來降東夷十一國內附六月庚子山陽公劉瑾薨復置二社冬十月壬子徙南宮王承爲武邑王十一月景辰守尚書令左光祿大夫荀勗卒帝疾瘳賜王公以下帛有差舍章殿鞠室火

晉書帝紀 卷三
甲申以汝南王亮爲大司馬大都督假黃鉞改封南陽王東爲秦王始平王瑋爲楚王濮陽王允爲淮南王並假節之國各統方州軍事立皇子乂爲長沙王穎爲成都王晏爲吳王熾爲豫章王演爲代王皇孫適爲廣陵王立濮陽王子廸爲漢王始平王子儀爲毗陵王汝南王次子羨爲西陽公徙扶風王暢爲順陽王暢弟歆爲新野公琅邪王覲弟澹爲東武公繇爲東安公灌爲廣陵公卷爲東莞公改諸王國相爲內史十二月庚寅太廟梁折是歲東夷絕遠三十餘國西南夷二十餘國來獻虜王戊奚軻男女十萬口

來降

太熙元年春正月辛酉朔改元己巳以尚書左僕射王渾爲司徒司空衛瓘爲太保二月辛丑東夷七國朝貢琅邪王覲薨三月甲子以右光祿大夫石鑒爲司空夏四月辛丑以侍中車騎將軍楊駿爲太尉都督中外諸軍錄尚書事己酉帝崩于含章殿時年五十五葬峻陽陵廟號世祖帝宇量弘厚造次必於仁恕容納讜正未嘗失色於人明達善謀能斷大事故得撫寧萬國綏靜四方承魏氏奢侈革弊之後百姓思古之遺風乃厲以恭儉敦以寡慾有司嘗奏御牛

青絲紉斷詔以青麻代之臨朝寬裕法度有恒高陽
許允既爲文帝所殺允子奇爲太常丞帝將有事於
太廟朝議以奇受害之門不欲接近請出爲長史帝
乃追述允夙望稱奇之才擢爲祠部郎時論稱其夷
曠平吳之後天下又安遂怠於政術耽於遊宴寵愛
后黨親貴當權舊臣不得專任蔡章素廢請謁行矣
爰至末年知惠帝弗克負荷然恃皇孫聰睿故無廢
立之心復慮非賈后所生終致危敗遂與腹心共圖
後事說者紛然久而不定竟用王佑之謀遣太子母
弟秦王東都督關中楚王瑋淮南王允並鎮守要害
以彊帝室又恐楊氏之偏復以佑爲北軍中候以典
禁兵既而寢疾彌留至于大漸佐命元勳皆已先沒
羣臣惶惑計無所從會帝小差有詔以汝南王亮輔
政又欲令朝士之有名望年少者數人佐之楊駿秘
而不宣帝復尋至迷亂楊后輒爲詔以駿輔政促亮
進發帝尋小間問汝南王來未意欲見之有所付託
左右答言未至帝遂困篤中朝之亂實始於斯矣
制曰武皇承基誕膺天命握鬲御宇敷化導民以佚
代勞以治易亂絕縑綸之貢去雕琢之飾制奢俗以
變儉約止澆風而反淳朴雅好直言畱心采擢劉毅

裴楷以質直見容，嵇紹許奇，雖仇讐不棄仁，以御物
寬而得衆，宏畧大度，有帝王之量焉。於時民和俗靜，
家給人足，聿脩武用，思啓封疆，決神筭於深衷，斷雄
旨於議表。馬隆西伐，王濟南征，師不延時，獯虜削迹，
兵無血刃，楊越爲墟，通上代之不通，服前王之未服，
禎祥顯應，風教肅清，天人之功成矣。霸王之業大矣，
雖登封之禮讓而不爲，驕秦之心因斯以起。見土地
之廣，謂萬葉而無虞，覩天下之安，謂千年而永治，不
知處廣以思狹，則廣可長，廣居治而忘危，則治無常。
治加之，建立非所委，寄失才志，欲就於升平，行先迎
於禍亂，是猶將適越者，指沙漠以遵途，欲登山者，涉
舟航而覓路，所趣逾遠，所向轉難。南北倍殊，高下相
反，求其至也，不亦難乎？況以新習易動之基，而無久
安難拔之慮，故賈充凶豎，懷姦志以擁權，楊駿豺狼，
苞禍心以專輔，及乎宮車晚出，諒闇未周，藩翰變親，
以成踈連，兵競滅其本，棟梁回忠而起僞，擁衆各舉
其威，曾未數年，綱紀大亂，海內版蕩，宗廟播遷，帝道
王猷反居，文身之俗，神州赤縣，翻成被髮之鄉，棄所
大以資人，掩其小而自託爲天下笑，其故何哉？良由
失慎於前，所以貽患於後，且知子者，賢父知臣者明

君子不肖則家亡臣不忠則國亂國亂不可以安也
家亡不可以全也是以君子防其始聖人閑其端而
世祖惑荀勗之姦謀迷王渾之僞策心屢移於衆口
事不定於已昔元海當除而不除卒令擾亂區夏惠
帝可廢而不廢終使傾覆洪基夫全一人者德之輕
拯天下者功之重棄一子者忍之小安社稷者孝之
大况乎資三世而成業延二孽以喪之所謂取輕德
而捨重功畏小忍而忘大孝聖賢之道豈若斯乎雖
則善始於初而垂令終於末所以殷勤史策不能無
慷慨焉

音義

惴之睡反憂也懼也 佃音宙 尉他音陀亦作陀 澠音沔本或作屈同 孛帝佩

必泥反奴反 毛古鼎反字 郭音弋 汜敷劍反 戶徒 調徒

反表莫侯反 其帥所類反 夏字林稷起也所六反 顏魚毀反 耽丁合

反瑩烏定反 觀初觀反 鄧音零 浩音 壘漢書金城郡浩壘縣

顏云浩音詰水名壘罪二反 廓胡 狎則郎反 獠音老 褚音 碧

力灼反 拾音洽 皇音 孫音 適音 韃音 其連反 羨音 向音 繇音 遙

晉書帝紀卷三終

惠帝紀

孝惠皇帝諱衷字正度武帝第二子也泰始三年立
爲皇太子時年九歲太熙元年四月己酉武帝崩是
日皇太子卽皇帝位大赦改元爲永熙尊皇后楊氏
曰皇太后立妃賈氏爲皇后夏五月辛未葬武皇帝
於峻陽陵景子增天下位一等預喪事者二等復租
調一年二千石已上皆封關中侯以太尉楊駿爲太
傅輔政秋八月壬午立廣陵王遹爲皇太子以中書
監何劭爲太子太師吏部尚書王戎爲太子太傅衛

晉書帝紀 卷四
將軍楊濟爲太子太保遣南中郎將石崇射聲校尉
胡奕長水校尉趙俊楊烈將軍趙歡將屯兵四出冬
十月辛酉以司空石鑒爲太尉前鎮西將軍隴西王
泰爲司空

永平元年春正月乙酉朔臨朝不設樂詔曰朕夙遭
不造淹恤在疚賴祖宗遺靈宰輔忠賢得以眇身託
于羣后之上昧於大道不明于訓戰戰兢兢夕惕若
厲乃者哀迷之際三事股肱惟社稷之重率遵翼室
之典猶欲長奉先皇之制是以有永熙之號然日月
踰邁已涉新年開元易紀禮之舊章其改永熙二年

爲永平元年又詔子弟及郡官並不得謁陵景午皇
太子冠丁未見于太廟二月甲寅賜王公已下帛各
有差癸酉鎮南將軍楚王瑋鎮東將軍淮南王允來
朝戊寅復置秘書監官三月辛卯誅太傅楊駿弟
衛將軍瑤太子太保濟中護軍張劭散騎常侍段廣
楊邈左將軍劉預河南尹李斌中書令蔣俊東夷校
尉文淑尚書武茂皆夷三族壬辰大赦改元賈后矯
詔廢皇太后爲庶人徙于金墉城告于天地宗廟誅
太后母龐氏壬寅徵大司馬汝南王亮爲太宰與太
保衛瓘輔政以秦王東爲大將軍東平王楙爲撫軍

晉書帝紀 卷四
大將軍鎮南將軍楚王瑋爲衛將軍領北軍中候下
邳王晃爲尚書令東安公繇爲尚書左僕射進封東
安王督將侯者千八十一人庚戌免東安王繇及東
平王楙繇徙帶方夏四月癸亥以征東將軍梁王彤
爲征西大將軍都督關西諸軍事太子少傅阮奭爲
平東將軍監青徐二州諸軍事己巳以太子太傅王
戎爲尚書右僕射五月甲戌毗陵王軌薨壬午除天
下戶調綿絹賜孝悌高年鰥寡力田者帛人三匹六
月賈后矯詔使楚王瑋殺太宰汝南王亮太保菑陽
公衛瓘乙丑以瑋擅害亮瓘殺之幽菑洛陽以廣陵

王師劉寔爲太子太保司空隴西王泰錄尚書事秋
七月分揚州荊州十郡爲江州八月庚申以趙王倫
爲征東將軍都督徐兖二州諸軍事河間王顥爲北
中郎將鎮鄴太子太師何劭爲都督豫州諸軍事鎮
許昌徙長沙王又爲常山王己巳進西陽公羨爵爲
王辛未立隴西世子越爲東海王九月甲午大將軍
秦王柬薨辛丑徵征西大將軍梁王彤爲衛將軍錄
尚書事以趙王倫爲征西大將軍都督雍梁二州諸
軍事冬十二月辛酉京師地震是歲東夷十七國南
夷二十四部並詣校尉內附

二年春二月巳酉賈后弒皇太后于金墉城秋八月壬子大赦九月乙酉中山王琬薨冬十一月大疫是歲沛國雨雹傷麥

三年夏四月滎陽雨雹六月弘農郡雨雹深三尺冬十月太原王泓薨

四年春正月丁酉朔侍中太尉安昌公石鑒薨夏五月蜀郡山移淮南壽春洪水出山崩地陷壞城府及百姓廬舍匈奴郝散反攻上黨殺長吏六月壽春地大震死者二十餘家上庸郡山崩殺二十餘人秋八月郝散帥眾降馮翊都尉殺之上谷居庸上庸並地

裂水泉涌出人有死者大饑九月景辰赦諸州之遭地災者甲午枉矢東北竟天是歲京師及郡國八地震

五年夏四月彗星見于西方季于奎至軒轅六月金城地震東海雨雹深五寸秋七月下邳暴風壞廬舍九月鴈門新興太原上黨大風傷禾稼冬十月武庫火焚累代之寶十二月景茂新作武庫大調兵益丹陽雨雹有石生于京師宜年里是歲荆揚兗豫青徐等六州大水詔遣御史巡行振貸

六年春正月大赦司空下邳王晃薨以中書監張華

爲司空太尉隴西王泰爲尚書令衛將軍梁王彤爲
太子太保丁丑地震三月東海隕霜傷桑麥彭城呂
縣有流血東西百餘步夏四月大風五月荆揚二州
大水匈奴郝散第度元帥馮翊北地馬蘭羌盧水胡
反攻北地太守張損死之馮翊太守歐陽建與度元
戰建敗績徵征西大將軍趙王倫爲車騎將軍以太
子太保梁王彤爲征西大將軍都督雍梁二州諸軍
事鎮關中秋八月雍州刺史解系又爲度元所破秦
雍氏羌悉叛推氏帥齊萬年僭號稱帝圍涇陽冬十
月乙未曲赦雍涼二州十一月景子遣安西將軍夏
侯俊建威將軍周處等討萬年梁王彤屯好畤關中
饑大疫

七年春正月癸丑周處及齊萬年戰於六陌王師敗
績處死之夏五月魯國雨雹秋七月雍梁州疫大旱
隕霜殺秋稼關中饑米斛萬錢詔骨肉相賣者不禁
丁丑司徒京陵公王渾薨九月以尚書右僕射王戎
爲司徒太子太師何劭爲尚書左僕射
八年春正月景辰地震詔發倉廩振雍州饑人三月
壬戌大赦夏五月郊棗石破爲二秋九月荆豫揚徐
冀等五州大水雍州有年

晉書帝紀 卷四 五
九年春正月左積弩將軍孟觀伐氐戰于中亭大破之獲齊萬年徵征西大將軍梁王彤錄尚書事以北中郎將河間王顥爲鎮西將軍鎮關中成都王穎爲鎮北大將軍鎮鄴夏四月鄴人張承基等妖言署置聚黨數千郡縣逮捕皆伏誅六月戊戌太尉隴西王秦薨秋八月以尚書裴頠爲尚書僕射冬十一月甲子朔日有蝕之京師大風發屋折木十二月壬戌廢皇太子適爲庶人及其三子幽于金墉城殺太子母謝氏

永康元年春正月癸亥朔大赦改元己卯日有食之景子皇孫霖卒二月丁酉大風飛沙拔木三月尉氏雨血妖星見于南方癸未賈后矯詔害庶人適于許昌夏四月辛卯日有蝕之癸巳梁王彤趙王倫矯詔廢賈后爲庶人司空張華尚書僕射裴頠皆遇害侍中賈謐及黨與數十人皆伏誅甲午倫矯詔大赦自爲相國都督中外諸軍如宣文輔魏故事追復故皇太子位丁酉以梁王彤爲太宰左光祿大夫何劭爲司徒右光祿大夫劉寔爲司空淮南王允爲驃騎將軍己亥趙王倫矯詔害賈庶人于金墉城五月己巳立皇孫臧爲皇太孫尚爲襄陽王六月壬寅葬愍懷

晉書帝紀 卷四
太子于顯平陵撫軍將軍清河王遐薨癸卯震崇陽
陵標秋八月淮南王允舉兵討趙王倫不剋允及其
二子秦王郁漢王迪皆遇害曲赦洛陽平東將軍彭
城王植薨改封吳王晏爲賓徒縣王以齊王冏爲平
東將軍鎮許昌光祿大夫陳準爲太尉錄尚書事九
月改司徒爲丞相以梁王彤爲之冬十月黃霧四塞
十一月戊午大風飛砂石六日乃止甲子立皇后羊
氏大赦大酺三日十二月彗星見于東方益州刺史
趙廞與洛陽流人李庠害成都內史耿勝犍爲太守
李密汶山太守霍固西夷校尉陳總據成都反

永寧元年春正月乙丑趙王倫篡帝位景寅遷帝于
金墉城號曰太上皇改金墉曰永昌宮廢皇太孫臧
爲濮陽王五星經天縱橫無常癸酉倫害濮陽王臧
畧陽流人李特殺趙廞傳首京師三月平東將軍齊
王冏起兵以討倫傳檄州郡屯于陽翟征北大將軍
成都王穎征西大將軍河間王顥常山王乂豫州刺
史李毅兖州刺史王彥南中郎將新野公歆皆舉兵
應之衆數十萬倫遣其將閭和出伊闕張泓孫輔出
堯坂以距冏孫會士猗許超出黃橋以距穎及穎將
趙驥石超戰于溴水會等大敗棄軍走閭月景戊朔

晉書帝紀 卷四
日有蝕之夏四月歲星晝見罔將何勗盧播擊張泓
於陽翟大破之斬孫輔等辛酉左衛將軍王輿與尚
書淮陵王濯勒兵入宮禽倫黨孫秀孫會許超士猗
駱休等皆斬之逐倫歸第卽日乘輿反正羣臣頓首
謝罪帝曰非諸卿之過也癸亥詔曰朕以不德纂承
皇統遠不能光濟大業靖綏四方近不能開明刑威
式遏奸宄至使逆臣孫秀敢肆凶虐窺間王室遂奉
趙王倫饗據天位鎮東大將軍齊王罔征北大將軍
成都王穎征西大將軍河間王顥並以明德茂親忠
規允著首建大策匡救國難尚書濯共立大謀左衛

將軍王輿與羣公卿士協同謀畧親勒本營斬秀及其
其二子前趙王倫爲秀所誤與其子等已詣金墉迎
朕幽宮旋軫閭闔豈在予一人獨饗其慶宗廟社稷
實有賴焉於是大赦改元孤寡賜穀五斛大酺五日
誅趙王倫義陽王威九門侯質等及倫之黨與五月
立襄陽王尚爲皇太孫六月戊辰大赦增吏位二等
復封賓徒王晏爲吳王庚午東萊王蕤左衛將軍王
輿謀廢齊王罔事泄蕤廢爲庶人與伏誅夷三族甲
戌以齊王罔爲大司馬都督中外諸軍事成都王穎
爲大將軍錄尚書事河間王顥爲太尉罷丞相復置

司徒官已卯以梁王彤爲太宰領司徒封齊王罔功
臣葛旟牟平公路季小黃公衛毅平陰公劉真安鄉
公韓泰封丘公秋七月甲午立吳王晏子國爲漢王
復封常山王又爲長沙王八月大赦戊辰原徙邊者
益州刺史羅尚討羌破之己巳徙南平王祥爲宜都
王下邳王韓薨以東平王懋爲平東將軍都督徐州
諸軍事九月追東安王繇復其爵丁丑封楚王瑋子
範爲襄陽王冬十月流人李特反於蜀十二月司空
何劭薨封齊王罔子冰爲樂安王英爲濟陽王超爲

淮南王是歲郡國十二旱六蝗

太安元年春正月庚子安東將軍譙王隨薨二月癸
卯赦司冀兖豫四州皇太孫尚薨夏四月彗星晝見
五月乙酉侍中太宰領司徒梁王彤薨以右光祿大
夫劉寔爲太傅太尉河間王顥遣將衙博擊李特於
蜀爲特所敗遂陷梓潼巴西害廣漢太守張微自號
大將軍癸卯以清河王遐子暉爲皇太子賜孤寡帛
大酺五日以齊王罔爲太師東海王越爲司空秋七
月兖豫徐冀等四州大水冬十月地震十二月丁卯
河間王顥表齊王罔窺伺神器有無君之心與成都
王穎新野王歆范陽王虓同會洛陽請廢罔還第長

晉書帝紀 卷四
沙王又奉乘輿屯南止車門攻罔殺之幽其諸子于金墉城廢罔第北海王寔大赦改元以長沙王又爲太尉都督中外諸軍事封東萊侯麤子炤爲齊王二年春正月甲子朔赦五歲刑三月李特攻陷益州荊州刺史宋岱擊特斬之傳首京師夏四月特子雄復據益州五月義陽蠻張昌舉兵反以山都人丘沉爲主改姓劉氏僞號漢建元神鳳攻破郡縣南陽太守劉彬平南將軍羊尹鎮南大將軍新野王歆並遇害六月遣荊州刺史劉弘等討張昌于方城王師敗績秋七月中書令卞粹侍中馮蓀河南尹李含等貳於長沙王又疑而害之張昌陷江南諸郡武陵太守賈隆零陵太守孔紘豫章太守閻濟武昌太守劉根皆遇害昌別帥石冰寇揚州刺史陳徽與戰大敗諸郡盡沒臨淮人封雲舉兵應之阜陵寇徐州八月河間王顥成都王穎舉兵討長沙王又帝以又爲大都督帥軍禦之庚申劉弘及張昌戰於清水斬之顥遣其將張方穎遣其將陸機牽秀石超等來逼京師乙丑帝幸十三里橋遣將軍皇甫商距方于宜陽巳帝旋軍于宣武庚午舍于石樓天中裂無雲而雷九月丁丑帝次于河橋壬午皇甫商爲張方所敗甲

申帝軍于芒山丁亥幸偃師辛卯舍于豆田癸巳尚
書右僕射興晉侯羊玄之辛帝旋于城東景申進軍
緱氏擊牽秀走之大赦張方入京城燒清明開陽二
門死者萬計石超逼乘輿于緱氏冬十月壬寅帝旋
于宮石超焚緱氏服御無遺丁未破牽秀范陽王虓
于東陽門外戊申破陸機于建春門石超走斬其大
將賈崇等十六人懸首銅駝街張方退屯十三里橋
十一月辛巳星晝隕聲如雷王師攻方壘不利方決
千金塢水確皆溷乃發王公奴婢手舂給兵廩一品
已下不從征者男子十三以上皆從役又發奴助兵
號爲四部司馬公私窮蹙米石萬錢詔命所至一城
而已壬寅夜赤氣竟天隱隱有聲景辰地震癸亥東
海王越執長沙王又幽於金墉城尋爲張方所害甲
子大赦景寅揚州秀才周玘前南平內史王矩前吳
興內史顧秘起義軍以討石冰冰退自臨淮趣壽陽
征東將軍劉準遣廣陵度支陳敏擊冰李雄自郫城
攻益州刺史羅尚尚委城而退雄盡奪成都之地封
鮮卑段勿塵爲遼西公

永興元年春正月景午尚書令樂廣卒成都王穎自
鄴諷于帝乃大赦改元爲永安帝逼于河間王顥密

詔雍州刺史劉沉秦州刺史皇甫重以討之沉舉兵
攻長安爲顓所敗張方大掠洛中還長安於是軍中
大餒人相食以成都王穎爲丞相穎遣從事中郎盛
夔等以兵五萬屯十二城門殿中宿所忌者穎皆殺
之以三部兵代宿衛二月乙酉廢皇后羊氏幽于金
墉城黜皇太子覃復爲清河王三月陳敏攻石冰斬
之揚徐二州平河間王顓表請立成都王穎爲太弟
戊申詔曰朕以不德纂承鴻緒于茲十有五載禍亂
滔天奸逆仍起至乃幽廢重宮宗廟圯絕成都王穎
溫仁惠和尅平暴亂其以穎爲皇太弟都督中外諸
軍事丞相如故大赦賜鰥寡高年帛三匹大酺五日
景辰盜竊太廟服器以太尉顓爲太宰太傅劉寔爲
太尉六月新作三城門秋七月景申朔右衛將軍陳
眕以詔召百寮入殿中因勒兵討成都王穎戊戌大
赦復皇后羊氏及皇太子覃己亥司徒王戎東海王
越高密王簡平昌公模吳王晏豫章王熾襄陽王範
右僕射荀藩等奉帝北征至安陽衆十餘萬穎遣其
將石超距戰己未六軍敗績于蕩陰矢及乘輿百官
分散侍中嵇紹死之帝傷頰中三矢亡六璽帝遂幸
超軍餒甚超進水左右奉秋桃超遣弟熙奉帝之艱

穎帥羣官迎謁道左帝下輿涕泣其夕幸于穎軍穎
府有九錫之儀陳留王送貂蟬文衣鷩尾明日乃備
法駕幸于鄴唯豫章王熾司徒王戎僕射荀藩從庚
辰大赦改元爲建武八月戊辰穎殺東安王繇張方
復入洛陽廢皇后羊氏及皇太子覃匈奴左賢王劉
元海反於離石自號大單于安北將軍王浚遣烏丸
騎攻成都王穎于鄴大敗之穎與帝單車走洛陽服
御分散倉卒上下無齋侍中黃門被囊中齋私錢三
千詔貸用所在買飯以供宮人止食于道中容舍宮
人有持升餘糗米飯及燥蒜鹽豉以進帝帝噉之御

劉辰翁曰
紀得酸冷

中黃門布被次獲嘉市麤米飯盛以瓦盆帝噉兩盂
有老父獻蒸鷄帝受之至溫將謁陵帝喪履納從者
之履下拜流涕左右皆歔歔及濟河張方帥騎三千
以陽燧青蓋車奉迎方拜謁帝躬止之辛巳大赦賞
從者各有差冬十一月乙未方請帝謁廟因劫帝幸
長安方以所乘車入殿中帝馳避後園竹中方逼帝
升車左右中黃門鼓吹十二人步從唯中書監盧志
侍側方以帝幸其壘帝令方具車載宮人寶物軍人
因妻略後宮分爭府藏魏晉已來之積掃地無遺矣
行次新安寒甚帝墮馬傷足尚書高光進面衣帝嘉

之河間王顥帥官屬步騎三萬迎于霸上顥前拜謁
帝下車止之以征西府爲官唯僕射荀藩司隸劉暉
太常鄭珣周穰與其遺官在洛陽爲留臺承
制行事號爲東西臺焉景午留臺大赦改元復爲永
安辛丑復皇后羊氏李雄僭號成都王劉元海僭號
漢王十二月丁亥詔曰天禍晉邦冢嗣莫繼成都王
穎自在儲貳政績虧損四海失望不可承重其以王
還第豫章王熾先帝愛子令聞日新四海注意今以
爲皇太弟以隆我晉邦以司空越爲太傅與太宰顥
夾輔朕躬司徒王戎叅錄朝政光祿大夫王衍爲尚

書左僕射安南將軍虓安北將軍濬平北將軍騰各
守本鎮高密王簡爲鎮南將軍領司隸校尉權鎮洛
陽東中郎將模爲寧北將軍都督冀州鎮于鄴鎮南
大將軍劉弘領荊州以鎮南土周馥繆胤各還本部
百官皆復職齊王冏前應還第長沙王又輕陷重刑
封其子紹爲樂平縣王以奉其嗣自頃戎車屢征勞
費人力供御之物皆減三分之一戶調田租三分之一
一蠲除苛政愛人務本清通之後當還東京大赦改
元以河間王都督中外諸軍事

二年春正月甲午朔帝在長安夏四月詔封樂平王

紹爲齊王景子張方廢皇后羊氏六月甲子侍中司徒安豐侯王戎薨隴西太守韓稚攻秦州刺史張輔殺之李雄僭卽帝位國號蜀秋七月甲午尚書諸曹火燒崇禮闈東海王越嚴兵徐方將西迎大駕成都王穎部將公師藩等聚衆攻陷郡縣害陽平太守李志汲郡太守張延等轉攻鄴平昌公模遣將軍趙驥擊破之八月辛丑大赦驃騎將軍范陽王虓逐冀州刺史李義揚州刺史曹武殺丹陽太守朱建李雄遣其將李驥寇漢安車騎大將軍劉弘逐平南將軍彭城王釋于宛九月庚寅朔公師藩又害平原太守王

景清河太守馮熊庚子豫州刺史劉喬攻范陽王虓於許昌敗之壬子以成都王穎爲鎮軍大將軍都督河北諸軍事鎮鄴河間王顥遣將軍呂朗屯洛陽冬十月景子詔曰得豫州刺史劉喬檄稱穎川太守劉輿迫脅驃騎將軍虓距逆詔令造構凶逆擅劫郡縣合聚兵衆擅用苟晞爲兗州斷截王命鎮南大將軍荊州刺史劉弘平南將軍彭城王釋等其各勒所統逕會許昌與喬并力今遣右將軍張方爲大都督統精卒十萬建武將軍呂朗廣武將軍騫羆建威將軍刁默等爲軍前鋒共會許昌除輿兄弟丁丑使前車

騎將軍石超北中郎將王闡討輿等赤氣見于北方
東西竟天有星孛于北斗平昌公模遣將軍宋胄等
屯河橋十一月立節將軍周權詐被檄自稱平西將
軍復皇后羊氏洛陽令何喬攻權殺之復廢皇后十
二月呂朗等東屯滎陽成都王穎進據洛陽張方劉
弘等並按兵不能禦范陽王虓濟自官渡拔滎陽斬
石超襲許昌破劉喬于蕭喬奔南陽右將軍陳敏舉
兵反自號楚公矯稱被中詔從沔漢奉迎天子逐揚
州刺史劉機丹陽太守王曠遣弟恢南畧江州刺史
應邈奔弋陽

光熙元年春正月戊子朔日有蝕之帝在長安河間
王顥聞劉喬破大懼遂殺張方請和于東海王越越
不聽宋胄等破穎將樓哀進逼洛陽穎奔長安甲子
越遣其將祁弘宋胄司馬纂等迎帝三月東萊愷令
劉柏根反自稱愷公襲臨淄高密王簡奔聊城王浚
遣將討柏根斬之夏四月己巳東海王越屯于溫顥
遣弘農太守彭隨北地太守刁默距祁弘等于湖五
月枉矢西南流范陽國地燃可以爨壬辰祁弘等與
刁默戰默大敗顥穎走南山奔于宛弘等所部鮮卑
大掠長安殺二萬餘人是日日光四散赤如血甲午

又如之。己亥，弘等奉帝還洛陽。帝乘牛車行宮，藉草。公卿跋涉，戊申，驃騎范陽王虓殺司隸校尉邢裔。己酉，盜取太廟金匱及策文各四。六月，景辰朔，至自長安，升舊殿，哀感流涕，謁于太廟，復皇后羊氏。辛未，大赦。改元秋。七月乙酉朔，日有食之。太廟吏賈苞盜太廟靈衣及劍，伏誅。八月，以太傅東海王越錄尚書。驃騎將軍范陽王虓為司空。九月，穎丘太守馮嵩執成都王穎送之于鄴。進東嬴公騰爵為東燕王。平昌公模為南陽王。冬十月，司空范陽王虓薨。虓長史劉輿害成都王穎。十一月庚午，帝崩于顯陽殿。時年四十八。

葬太陽陵。帝之為太子也，朝廷咸知不堪政事。武帝亦疑焉，嘗悉召東宮官屬，使以尚書事令太子決之。帝不能對，賈妃遣左右代對，多引古義。給事張泓曰：「太子不學，陛下所知，今宜以事斷，不可引書。」妃從之。泓乃具草，令帝書之。武帝覽而大悅。太子遂安，及居大位，政出羣下，綱紀大壞，貨賂公行，勢位之家，以貴陵物，忠賢路絕，讒邪得志，更相薦舉。天下謂之互市焉。高平王沉作釋時論，南陽魯褒作錢神論，廬江杜嵩作王子春秋，皆疾時之作也。帝又嘗在華林園，聞蝦蟆聲，謂左右曰：「此鳴者為官乎？私乎？或對曰：在

經人傑曰
羅疾如觀

官地爲官，在私地爲私。及天下荒亂，百姓餓死，帝曰：何不食肉糜？其蒙蔽皆此類也。後因食麩中毒而崩，或云司馬越之鳩。

史臣曰：不才之子，則天稱大權，非帝出政，邇宵人褒姒共叔帶，並興襄后與犬戎俱運，昔者丹朱不肖，赧王逃責，相彼凶德，事關休咎，方乎土梗，以墜其情，潺暑之氣，將闌淫，鼃之音，罕記，乃彰咄笑，用符顛隕，豈通才俊彥，猶形于前代，增淫助虐，獨擅于當今者歟？物號忠良，于茲拔本，人稱妖孽，自此疏源，長樂不祥，承華非命，生靈版蕩，社稷丘墟，古者敗國亡身，分鑠共軫，不有亂常，則多庸暗，豈明神喪其精，魄武皇不知其子也。

贊曰：惠皇居尊，臨朝聽言，厥體斯昧，其情則昏，高臺望子，長夜奚寃，金墉毀冕，蕩陰釋胄，及爾皆亡，滔天來邁。

音義

氏	帥	<small>所類反</small>	裴	頤	<small>魚毀反</small>	虛	<small>補問反</small>	窳	<small>許金反</small>	堦	<small>五各反</small>	澳	<small>公壁</small>	
反	又補	韋	鬼	虺	<small>許交反</small>	確	<small>音對</small>	跖	<small>子六反</small>	郛	<small>音皮</small>	圯	<small>符反</small>	
統	庚	繆	胤	<small>音謬</small>	騫	驅	<small>勅居反</small>	愷	令	<small>漢書音堅</small>	糜	<small>靡爲反</small>	鳩	<small>直禁</small>
反	鼃	<small>烏瓜反</small>	也	<small>又烏</small>	响	反								

晉書帝紀卷五

孝懷帝

孝懷皇帝諱熾字豐度武帝第二十五子也太熙元年封豫章郡王屬孝惠之時宗室構禍帝冲素自守門絕賓游不交世事專玩史籍有譽於時初拜散騎常侍及趙王倫篡見收倫敗為射聲校尉累遷車騎大將軍都督青州諸軍事未之鎮永興元年改授鎮北大將軍都督鄴城守諸軍事十二月丁亥立為皇太弟以清河王覃本太子也懼不敢當典書令廬陵修肅曰二相經營王室志寧社稷儲貳之重宜歸時

孫鑛曰懷
愍三紀似
太率易少
繆蓋令人
慘不忍讀

望親賢之舉非大王而誰清河幼弱未允衆心是以
既升東宮復贊藩國今乘輿播越二宮久曠常恐氏
羗飲馬於涇川螳衆控弦於霸水宜及吉辰時登儲
副上翼大駕早寧東京下允黔首喁喁之望帝曰卿
吾之宋昌也乃從之

光熙元年十一月庚午孝惠帝崩羊皇后以於太弟
爲嫂不得爲太后催清河王覃入已至尚書閣侍中
華混等急召太弟癸酉卽皇帝位大赦尊皇后羊氏
爲惠皇后居弘訓宮追尊所生太妃王氏爲皇太后
立妃梁氏爲皇后十二月壬午朔日有食之巳亥時

彭城王植子融爲樂城縣王南陽王模殺河間王顒
於雍谷辛丑以中書監溫羨爲司徒尚書左僕射王
衍爲司空巳酉葬孝惠皇帝于太陽陵李雄別帥李
離寇梁州

永嘉元年春正月癸丑朔大赦改元除三族刑以大
傅東海王越輔政殺御史中丞諸葛玫二月辛巳東
萊人王彌起兵反寇青徐二州長廣太守宋巖東牟
太守龐伉並遇害三月巳未朔平東將軍周馥斬送
陳敏首丁卯改葬武悼楊皇后庚午立豫章王詮爲
皇太子辛未大赦庚辰東海王越出鎮許昌以征東

將軍高密王簡爲征南大將軍都督荊州諸軍事鎮襄陽改封安北將軍東燕王騰爲新蔡王都督司冀二州諸軍事鎮鄴以征南將軍南陽王模爲征西大將軍都督秦雍梁益四州諸軍事鎮長安并州諸郡爲劉元海所陷刺史劉琨獨保晉陽夏五月馬牧帥汲桑聚衆反敗魏郡太守馮嵩遂陷鄴城害新蔡王騰燒鄴宮火旬日不滅又殺前幽州刺史石鈔於樂陵人掠平原山陽公劉秋遇害洛陽步廣里地陷有二鵝出色蒼者冲天白者不能飛建寧郡夷攻陷寧州死者三千餘人秋七月己酉朔東海王越進屯官渡以討汲桑己未以平東將軍琅邪王睿爲安東將軍都督揚州江南諸軍事假節鎮建鄴八月己卯朔撫軍將軍苟晞敗汲桑於鄴甲辰曲赦幽并司冀兗豫等六州分荊州江州八郡爲湘州九月戊申苟晞又破汲桑陷其九壘辛亥有大星如日小者如斗自西方流於東北天盡赤俄有聲如雷始修千金塢於許昌以通運冬十一月戊申朔日有蝕之甲寅以尚書右僕射和郁爲征北將軍鎮鄴十二月戊寅并州人田蘭薄盛等斬汲桑於樂陵甲午以前太傅劉實爲太尉庚子以光祿大夫延陵公高光爲尚書令東

海王越矯詔囚清河王暉于金墉城癸卯越自爲丞相以撫軍將軍苟晞爲征東大將軍

二年春正月景子朔日有蝕之丁未大赦二月辛卯清河王暉爲東海王越所害庚子石勒寇常山安北將軍王浚討破之三月東海王越鎮鄆城劉元海侵汲郡畧有頓丘河內之地王彌寇青徐兗豫四州夏四月丁亥入許昌諸郡守將皆奔走五月甲子彌遂寇洛陽司徒王衍帥衆禦之彌退走秋七月甲辰劉元海寇平陽太守宋抽奔京師河東太守力戰死之八月丁亥東海王越自鄆城遷屯于濮陽九月石勒寇趙郡征北將軍和郁自鄆奔于衛國冬十月甲戌劉元海僭帝號于平陽仍稱漢十一月乙巳尚書令高光卒丁卯以太子少傅荀藩爲尚書令己酉石勒寇鄴魏郡太守王粹戰敗死之十二月辛未朔大赦立長沙王乂子碩爲長沙王渺爲臨淮王

三年春正月甲午彭城王釋薨三月戊申征南大將軍高密王簡薨以尚書左僕射山簡爲征南將軍都督荆襄交廣等四州諸軍事司隸校尉劉暉爲尚書左僕射丁巳東海王越歸京師乙丑勒兵入宮於帝側收近臣中書令繆播帝舅王延等十餘人並害之

晉書帝紀 卷五
景寅曲赦河南郡丁卯太尉劉實請老以司徒王衍
爲太尉東海王越領司徒劉元海寇黎陽遣車騎將
軍王堪擊之王師敗績于延津死者三萬餘人大旱
江漢河洛皆竭可涉夏四月左積弩將軍朱誕叛奔
于劉元海石勒攻陷冀州郡縣百餘壁秋七月戊辰
當陽地裂三所各廣三丈長三百餘步辛未平陽人
劉芒蕩自稱漢後誑誘羌戎僭帝號於馬蘭山支胡
五斗叟郝索聚衆數千爲亂屯新豐與芒蕩合黨劉
元海遣子聰及王彌寇上黨圍壺關并州刺史劉琨
使兵救之爲聰所敗淮南內史王曠將軍施融曹超
及聰戰又敗超融死之上黨太守龐淳以郡降賊九
月景寅劉聰圍浚儀遣平北將軍曹武討之丁丑王
師敗績東海王越入保京城聰至西明門越禦之戰
于宣陽門外大破之石勒寇常山安北將軍王浚使
鮮卑騎救之大破勒於飛龍山征西大將軍南陽王
模使其將淳于定破劉芒蕩五斗叟並斬之使車騎
將軍王堪平北將軍曹武討劉聰王師敗績堪奔還
京師李雄別帥羅羨以梓潼歸順劉聰攻洛陽西明
門不尅宜都夷道山崩荆湘二州地震冬十一月石
勒陷長樂安北將軍王斌遇害因屠黎陽乞活帥李

晉書帝紀 卷五
五
憚薄盛等帥衆救京師聰退走憚等又破王彌于新
汲十二月乙亥夜有白氣如帶自地升天南北各二
丈

四年春正月乙丑朔大赦二月石勒襲鄆城兗州刺
史袁孚戰敗爲其部下所害勒又襲白馬車騎將軍
王堪死之李雄將文碩殺雄大將軍李國以巴西歸
順戊午吳興人錢璿反自稱平西將軍三月丞相倉
曹屬周玘帥鄉人討璿斬之夏四月大水將軍祁弘
破劉元海將劉靈曜于廣宗李雄陷梓潼兗州地震
五月石勒寇以郡執太守胡寵遂南濟河滎陽太守

裴純奔建鄴大風折木地震幽并司冀秦雍等六州
大蝗食草木牛馬毛皆盡六月劉元海死其子和嗣
僞位和弟聰弑和而自立秋七月劉聰從弟曜及其
將石勒圍懷詔征虜將軍宋抽救之爲曜所敗抽死
之九月河內人樂仰執太守裴整叛降于石勒徐州
監軍王隆自下邳棄軍奔于周馥雍州人王如舉兵
反於宛殺害令長自號大將軍司雍二州牧大掠漢
沔新平人龐實馮翊人嚴凝京兆人侯脫等各起兵
應之征南將軍山簡荊州刺史王澄南中郎將杜弋
並遣兵援京師及如戰于宛諸軍皆大敗王澄獨以

衆進至汴口衆潰而歸冬十月辛卯晝昏至于庚子
 大星西南墜有聲壬寅石勒圍倉垣陳留內史王讚
 擊敗之勒走河北壬子以驃騎將軍王浚爲司空平
 北將軍劉琨爲平北大將軍京師饑東海王越羽檄
 徵天下兵帝謂使者曰爲我語諸征鎮若今日尚可
 救後則無逮矣時莫有至者石勒陷襄城太守崔曠
 遇害遂至宛王浚遣鮮卑文鴛帥騎救之勒退浚又
 遣別將王申始討勒於汶石津大破之十一月甲戌
 東海王越帥衆出許昌以行臺自隨宮省無復守衛
 荒饉日甚殿內苑人交橫府寺營署並掘塹自守盜

賊公行枹鼓之音不絕越軍次項自領豫州牧以太
 尉王衍爲軍司丁丑流氏隗伯符等襲宜都太守稽
 晞奔建鄴壬申始攻劉曜王彌於瓶壘破之鎮東將
 軍周馥表迎大駕遷都壽陽越使裴頡討馥爲馥所
 敗走保東城請救於琅邪王睿襄陽大疫死者三千
 餘人加涼州刺史張軌安西將軍十二月征東大將
 軍苟晞攻王彌別帥曹嶷破之乙酉牛陽人李洪帥
 流人入定陵作亂

五年春正月帝密詔苟晞討東海王越壬申晞爲曹
 嶷所破乙未越遣從事中郎將楊瑁徐州刺史裴盾

共擊晞癸酉勒入江夏太守楊珉奔于武昌乙亥李
雄攻陷涪城梓潼太守譙登遇害湘州流人杜弼據
長沙及戊寅安東將軍琅邪王睿使將軍甘卓攻鎮
東將軍周馥於壽春馥衆潰庚辰太保平原王幹薨
二月石勒寇汝南汝南王祐奔建鄴三月戊午詔下
東海王越罪狀告方鎮討之以征東大將軍荀晞爲
大將軍景子東海王越薨四月戊子石勒追東海王
越喪及於東郡將軍錢端戰死軍潰太尉王衍吏部
尚書劉望廷尉諸葛銓尚書鄭豫武陵王澹等皆遇
害王公以下死者十餘萬人東海世子毗及宗室四
千八百王尋又沒于石勒賊王桑冷道陷徐州刺史裴
盾遇害桑遂濟淮至于歷陽五月益州流人汝班梁
州流人蹇撫作亂於湘州虜刺史苟眺南破零桂諸
郡東掠武昌安城太守郭察邵陵太守鄭融衡陽內
史滕育並遇害進司空王浚爲大司馬征西大將軍
南陽王模爲太尉太子太傅傅祗爲司徒尚書令苟
藩爲司空安東將軍琅邪王睿爲鎮東大將軍東海
王越之出也使河南尹潘滔居守大將軍荀晞表遷
都倉垣帝將從之諸大臣畏滔不敢奉詔且宮中及
黃門戀資財不欲出至是饑甚人相食百官流亡者

十八九帝召羣臣會議將行而警衛不備帝撫手歎曰如何曾無車輿乃使司徒傅祗出詣河陰修理舟楫爲水行之備朝士數十人導從帝步出西掖門至銅駝街爲盜所掠不得進而還六月癸未劉曜王彌石勒同寇洛川王師頻爲賊所敗死者甚衆庚寅司空荀藩光祿大夫荀組奔轅轅太子左率溫畿夜開廣莫門奔小平津丁酉劉曜王彌入京師帝開華林園門出河陰藕池欲幸長安爲曜等所追及曜等遂焚燒宮廟逼辱妃后吳王晏竟陵王棼尚書左僕射祖郁右僕射曹叡尚書高丘冲袁粲王琨河南尹劉

晉書紀事

默等皆遇害百官士庶死者三萬餘人帝蒙塵於平陽劉聰以帝爲會稽公荀藩移檄州鎮以琅邪王爲盟主豫章王端東奔荀晞晞立爲皇太子自領尚書令具置官屬保梁國之蒙縣百姓饑饉米斛萬餘價秋七月大司馬王浚承制假立太子置百官署征鎮石勒寇穀陽沛王滋戰敗遇害八月劉聰使子粲攻陷長安太尉征西將軍南陽王模遇害長安遣人四千餘家奔漢中九月癸亥石勒襲陽夏至于蒙縣大將軍荀晞豫章王端並没于賊冬十月勒寇豫州諸軍至江而還十一月猗盧寇太原平北將軍劉琨不

能制徙五縣百姓於新興以其地居之

六年春正月帝在平陽劉聰寇太原故鎮南府牙門
將胡亢聚衆寇荆土自號楚公二月壬子日有食之
癸丑鎮東大將軍琅邪王睿上尚書檄四方以討石
勒大司馬王浚移檄天下稱被中詔承制以荀藩爲
太尉汝陰王熙爲石勒所害夏四月景寅征南將軍
山簡卒秋七月歲星熒惑太白聚於牛斗石勒寇冀
州劉粲寇晉陽平北將軍劉琨遣部將郝詵帥衆禦
粲詵敗績死之太原太守高喬以晉陽降粲八
戌劉琨奔于常山己亥陰平郡尉

以郡叛降于李雄辛亥劉琨乞師于猗盧表盧爲代
公九月己卯猗盧使子利孫赴琨不得進辛巳前雍
州刺史賈疋討劉粲於三輔走之關中小定乃與衛
將軍梁芬京兆太守梁綜共奉秦王鄴爲皇太子於
長安冬十月猗盧自將六萬騎次于益城十一月甲
午劉粲遁走劉琨收其遺衆保于陽曲是歲大疫
七年春正月劉聰大會使帝著青衣行酒侍中庾珉
號哭聰惡之丁未帝遇弒崩于平陽時年三十帝初
誕有嘉禾生于豫章之南昌先是望氣者云豫章有
天子氣其後竟以豫章爲皇太弟在東宮恂恂謙損

接引朝士、講論書籍、及卽位始遵舊制、臨太極殿使
尚書郎讀時令、又於東堂聽政、至於宴會、輒與郡官
論衆務、考經籍、黃門侍郎傳宣歎曰、今日復見武帝
之世矣、秘書監荀崧又常謂人曰、懷帝天姿清劭、少
著英猷、若遭承平、足爲守文佳主、而繼惠帝擾亂之
後、東海專政、無幽厲之釁、而有流亡之禍、

孝愍帝紀

孝愍皇帝諱毅、字彥旗、武帝孫、吳孝王晏之子也、出
繼後伯父秦獻王東襲封秦王、永嘉二年、拜散騎常
侍、撫軍將軍、及洛陽傾覆、避難於滎陽密縣、與舅荀

藩、荀組相遇、自密南趨許、穎、豫州刺史閻粲與前撫
軍長史王毗、司徒長史劉疇、中書郎李忻、及藩、組等
同謀奉帝歸于長安、而疇等中塗復叛、鼎追殺之、藩
組僅而獲免、鼎遂挾帝乘牛車、自宛趣武關、頻遇山
賊、士卒亡散、次于藍田、鼎告雍州刺史賈疋、疋遽遣
州兵迎衛、達于長安、又使輔國將軍梁綜助守之時、
有玉龜出霸水、神馬鳴城南焉、六年九月辛巳、奉秦
王爲皇太子、登壇告類、建宗廟社稷、大赦、加疋征西
大將軍、以秦州刺史南陽王保爲大司馬、賈疋討賊
張連、遇害、衆推始平太守麴允領雍州刺史爲盟主、

承制選置

建興元年夏四月景午奉懷帝崩問舉哀成禮壬申
卽皇帝位大赦改元以衛將軍梁芬爲司徒雍州刺
史麴允爲使持節領軍將軍錄尚書事京兆太守索
綝爲尚書右僕射石勒攻龍驤將軍李暉于上白暉
敗死之五月壬辰以鎮東大將軍琅邪王睿爲侍中
左丞相大都督陝東諸軍事大司馬南陽王保爲右
丞相大都督陝西諸軍事又詔二王曰夫陽九百六
之災雖在盛世猶或遭之朕以幼冲纂承洪緒庶憑
祖宗之靈羣公義士之力蕩滅凶寇拯拔幽宮瞻望

未達肝心分裂昔周邵分陝姬氏以降平王東遷晉
鄭爲輔今左右丞相茂德齊聖國之昵屬當恃二公
埽除鯨鯢奉迎梓宮克復中興令幽并兩州勒卒三
十萬直造平陽右丞相宜帥秦涼梁雍武旅三十萬
徑詣長安左丞相帥所領精兵二十萬徑造洛陽分
遣前鋒爲幽并後駐赴同大限克成元勳又詔琅邪
王曰朕以冲昧纂承洪緒未能臬夷凶逆奉迎梓宮
枕戈煩寃肝心抽裂前得魏浚表知公帥先三軍已
據壽春傳檄諸侯協齊威勢想今漸進已達洛陽涼
州刺史張軌乃心王室連旗萬里已到沂隴梁州刺

史張光亦遣巴漢之卒屯在駱谷秦川驍勇其會如
林間遣使適還具知平陽定問云幽并隆盛餘胡衰
破然猶恃險當須大舉未知公今所到是以息兵秣
馬未便進軍令爲已至何許當須來旨便乘輿自出
會除中原也公宜思弘謀猷勗濟遠略使山陵旋反
四海有賴故遣殿中都尉劉蜀蘇馬等具宣朕意公
茂德昵屬宣隆東夏恢融六合非公而誰但洛都陵
廟不可空曠公宜鎮撫以綏山東右丞相當入輔弼
追蹤周邵以隆中興也六月石勒害兗州刺史田徽
是時山東郡邑相繼陷于勒秋八月癸亥劉蜀等達

于揚州改建鄴爲建康改鄴爲臨漳杜弼寇武昌焚

燒城邑殺別將王真襲沔陽荊州刺史周顛奔於建
康九月司空荀藩薨于滎陽劉聰寇河南河南尹張
髦死之冬十月荊州刺史陶侃討杜弼黨杜曾於石
城爲曾所敗己巳大雨雹庚午大雪十一月流人楊
武攻陷梁州十二月河東地震雨肉

二年春正月己巳朔黑霧著人如墨連夜五日乃止
辛未辰時日隕于地又有三日相承出於西方而東
行丁丑大放楊武大略漢中遂奔李雄二月壬寅以
司空王浚爲大司馬衛將軍荀組爲司空涼州刺史

晉書卷之五
張軌爲太尉封西平郡公并州刺史劉琨爲大將軍
三月癸酉石勒陷幽州殺侍中大司馬幽州牧博陵
公王浚焚燒城邑害萬餘人杜弼別帥王真襲荊州
刺史陶侃於林薊侃奔灑中夏四月甲辰地震五月
壬辰太尉領護羌校尉涼州刺史西平公張軌薨六
月劉曜趙冉寇新豐諸縣安東將軍索綝討破之秋
七月曜冉等又逼京都領軍將軍麴允討破之冉中
流矢而死九月北中郎將劉寅尅頓丘斬石勒所署
太守邵攀景戌麟見襄平單于代公猗盧遣使獻馬
蒲于馬生人

三年春正月盜殺晉昌太守趙珮吳興人徐馥害太
守袁琇以侍中宋哲爲平東將軍屯華陰二月景子
進左丞相琅邪王睿爲大都督督中外諸軍事右丞
相南陽王保爲相國司空荀組爲太尉大將軍劉琨
爲司空進封代公猗盧爲代王荊州刺史陶侃破王
真於巴陵杜弼別將杜弘張彥與臨川內史謝摛戰
于海昏摛敗績死之三月豫章內史周訪擊杜弘走
之斬張彥於陳夏四月大赦五月劉聰寇并州六月
盜發漢霸杜二陵及薄太后陵太后面如生得金玉
綵帛不可勝紀時以朝廷草創服章多闕勅收其餘

晉書帝紀 卷五
以實內府丁卯地震辛巳大赦勅雍州掩骼埋胔修
復陵墓有犯者誅及三族秋七月石勒陷濮陽害太
守韓弘劉聰寇上黨劉琨遣將救之八月癸亥戰于
襄垣王師敗績荊州刺史陶侃攻杜弼弼敗走道死
湘州平九月劉曜寇北地命領將將軍麴允討之冬
十月允進攻青白城以豫州牧征東將軍索綝爲尚
書僕射都督宮城諸軍事劉聰陷馮翊太守梁肅奔
萬年十二月涼州刺史張實送皇帝行璽一紐盜殺
安定太守趙班

四年春三月代王猗盧薨其衆歸于劉琨夏四月丁
丑劉曜寇上黨太守藉韋率其衆奔于南鄭涼州刺
史張實遣步騎五千來赴京都石勒陷廩丘北中郎
將劉寅出奔五月平夷太守雷炤害南廣太守孟桓
帥二郡三千餘家叛降于李雄六月丁巳朔日有食
之大蝗秋七月劉曜攻北地麴允帥步騎三萬救之
王師不戰而潰北地太守麴昌奔于京師曜進至涇
陽渭北諸城悉潰建威將軍魯充散騎常侍梁緯少
府皇甫陽等皆死之八月劉曜逼京師內外斷絕鎮
西將軍焦嵩平東將軍朱哲始平太守竺恢等同赴
國難麴允與公卿守長安小城以自固散騎常侍華

輯監京兆馮翊弘農上洛四郡兵東屯霸上鎮軍將
 軍胡崧帥城西諸郡兵屯遮馬橋並不敢進冬十月
 京師饑甚米斗金二兩人相食死者大半太倉有麩
 數十甃麩允屑為粥以供帝至是復盡帝泣謂允曰
 今窘厄如此外無救援死於社稷是朕事也朕念將
 士暴罹斯酷今欲開城未陷為羞死之事庶令黎元
 免屠爛之苦行矣遣書朕意決矣十一月乙未使侍
 中宋敞送牋於曜帝乘羊車肉袒銜璧輿觀出降羣
 臣號泣攀車執帝之手帝亦悲不自勝御史中丞吉
 翊自殺曜焚觀受璧使宋敞奉帝還宮初有童謠曰

晉書
 卷五
 十五

天子何在豆田中時王浚在幽州以豆有藿殺隱士
 霍原以應之及帝如曜營營實在城東豆田壁辛丑
 帝蒙塵於平陽麩允及羣官並從劉聰假帝光祿大
 夫懷安侯壬寅聰臨殿帝稽首于前麩允伏地慟哭
 因自殺尚書辛賓梁允侍中梁濟散騎常侍嚴敦左
 丞相臧振黃門侍郎任播張偉杜曼及諸郡守並為
 曜所害華輯奔南山石勒圍樂平司空劉琨遣兵援
 之為勒所敗樂平太守韓據出奔司空長史李弘以
 并州叛降于勒十二月甲申朔日有食之己未劉琨
 奔薊依段匹磾

五年春正月帝在平陽庚子虹霓彌天三日並照平東將軍宋哲奔江左李雄使其將李恭羅寅寇巴東二月劉聰使其將劉暢攻滎陽太守李距擊破之三月琅邪王睿承制改元稱晉王於建康夏五月景子日有食之秋七月大旱司冀青雍等四州蝻蝗石勒亦競取百姓禾時人謂之胡蝗八月劉聰使趙固襲衛將軍華薈於定潁遂害之冬十月景子日有食之劉聰出獵令帝行車騎將軍戎服執戟爲導百姓聚而觀之故老或歔歔流涕聰聞而惡之聰後因大會使帝行酒洗爵反而更衣又使帝執蓋晉臣在坐者

多失聲而泣尚書郎辛賓抱帝慟哭爲聰所害十一月戊戌帝遇弒崩于平陽時年十八帝之繼皇統也屬永嘉之亂天下崩離長安城中戶不盈百牆宇頽毀蒿棘成林朝廷無車馬章服唯桑版署號而已衆唯一旅公私有車四乘器械多闕運饋不繼巨猾滔天帝京危急諸侯無釋位之志征鎮闕勤王之舉故君臣窘迫以至殺辱云

史臣曰昔炎暉杪暮英雄多假於宗室金德韜華顛沛共推於懷愍樊陽寂寥兵車靡會豈力不足而情有餘乎喋喋遺萌苟存其主譬彼詩人愛其棠樹夫

世貞曰
更論亦頗
悉而腴第
風神以漫

有非常之事而無非常之功，詳觀發迹，用非天啓，是以輿棺齒劍，可得而言焉。於時五嶽三塗，並皆淪寇，龍川牛首，故以立君，股肱非挑戰之秋，劉石有滔天之勢，療饑中斷，嬰戈外絕，兩京淪狄，再駕徂戎，周王隕首於驪峰，衛公亡肝於淇上，思為一郡，其可得乎？于寶有言曰：昔高祖宣皇帝以雄才碩量，應時而仕，值魏太祖創基之初，籌畫軍國，嘉謀屢中，遂服輿軫，驅馳三世，性深阻，有若城府，而能寬綽，以容納行，任數以御物，而知人善采，拔故賢，愚咸懷，大小畢力，爾乃取鄧艾於農壤，引州泰於行役，委以文武，各善其

事故，能西禽孟達，東舉公孫，內夷曹爽，外襲王浚，神略獨斷，征伐四克，維御羣后，大權在已，於是百姓與能，大象始構，世宗承基，太祖繼業，玄豐亂內，欽誕寇外，潛謀雖密，而在機必兆，淮浦再擾，而許洛不震，咸黜異圖，用融前烈，然後推轂鍾鄧，長驅庸蜀，三關電掃，而劉禪入臣，天符人事，於是信矣，始當非常之禮，終受備物之錫，至于世祖，遂享皇極，仁以厚下，儉以足用，和而不弛，寬而能斷，故民詠惟新，四海悅勸矣。聿修祖宗之志，思輯戰國之苦，腹心不同，公卿異議，而獨納羊祜之策，杖王杜之決，役不二時，江湘來同。

晉書帝紀 卷五
掩唐虞之舊域，班正朔於八荒。天下書同文，車同軌，牛馬被野，餘糧委畝。故于時有天下無窮人之諺。雖太平未洽，亦足以明吏奉其法，民樂其生矣。武皇既崩，山陵未乾，而楊駿被誅，母后廢黜，尋以二公楚王之變，宗子無維城之助，師尹無具瞻之貴，至乃易天子以太上之號，而有免官之謠。民不見德，惟亂是聞。朝爲伊周，夕成桀蹠。善惡陷於成敗，毀譽脅於世利。內外混淆，庶官失才，名實反錯，天綱解紐。國政迭移，於亂人禁兵，外散於四方，方岳無鈞右之鎮，關門無結草之固。李辰石冰傾之於荆，楊元海王彌撓之於

青冀。戎羯稱制，二帝失尊。何哉？樹立失權，託付非才。四維不張，而苟且之政多也。夫作法於治，其弊猶亂；作法於亂，誰能救之？彼元海者，離石之將，兵都尉王彌者，青州之散吏也。蓋皆弓馬之士，驅走之人，非有吳先主諸葛孔明之能也。新起之寇，烏合之衆，非吳蜀之敵也。脫未爲兵，裂裳爲旗，非戰國之器也。自下逆上，非鄰國之勢也。然而擾天下如驅羣羊，舉二都如拾遺芥。將相王侯連頸以受戮，后嬪妃主虜辱於戎卒，豈不哀哉！天下大器也，羣生重畜也，愛惡相攻，利害相奪，其勢常也。若積水於防，燎火於原，未嘗暫

靜也。器大者不可以小道治，勢重者不可以爭競擾。古先哲王知其然也，是以并其大患，禦其大災，百姓皆知上德之生已，而不謂浚已以生也，是以感而應之，悅而歸之，如晨風之鬱北林，龍魚之趣藪澤也。然後設禮文以理之，斷刑罰以威之，謹好惡以示之，審禍福以喻之，求明察以官之，尊慈愛以固之，故衆知向友，皆樂其生而哀其死，悅其教而安其俗。君子勤禮，小人盡力，廉恥篤於家閭，邪僻消於胷懷，故其民有見危以授命，而不求生以害義，又況可奮臂大呼，聚之以干紀作亂乎？基廣則難傾，根深則難拔，理節則不亂，膠結則不遷，是以昔之有天下者，之所以長久也。夫豈無僻主，賴道德典刑以維持之也？昔周之興也，后稷生於姜嫄，而天命昭顯，文武之功起於后稷。至於公劉，遭夏人之亂，去郃之幽，身服厥勞，至於太王爲戎翟所逼，而不忍百姓之命，杖策而去之，故從之如歸市，一年成邑，二年成都，三年五倍其初。至於王季，能貊其德音，至于文王而維新其命，由此觀之，周家世積忠厚，仁及草木，內隆九族，外尊事黃耆，以成其福祿者也。而其妃后躬行四教，尊敬師傅，服澣濯之衣，修煩辱之事，化天下以成婦道，是以侯濱

晉書帝紀 卷五
二十
之女守絜白之志中林之士有純一之德始於憂勤
終於逸樂以三聖之知伐獨夫之紂猶正其名教曰
逆取順守及周公遭變陳后稷先公風化之所由致
王業之艱難者則皆農夫女工衣食之事也故自后
稷之始基靖民十五王而文始平之十六王而武始
居之十八王而康克安之故其積基樹本經緯禮俗
節理人情恤隱民事如此之纏繇也今晉之興也功
烈於百王事捷於三代宣景遭多難之時誅庶孽以
便事不及修公劉太王之仁也受遺輔政屢遇廢置
故齊王不明不獲思庸於亳高貴冲人不得復子明
辭也二祖逼禪代之期不假待參分八百之會也是
其創基立本異於先代者也加以朝寡純德之人鄉
乏不貳之老風俗淫僻恥尚失所學者以老莊爲宗
而黜六經談者以虛蕩爲辨而賤名檢行身者以放
濁爲通而狹節信進士者以苟得爲貴而鄙居正當
官者以望空爲高而笑勤恪是以劉頌屢言治道傳
咸每糾邪正皆謂之俗吏其倚杖虛曠依阿無心者
皆名重海內若夫文王日旰不暇食仲甫夙夜匪懈
者蓋共嗤黜以爲灰塵矣由是毀譽亂於善惡之實
情慝奔於貨欲之塗選者爲人擇官官者爲身擇利

而執鈞當軸之士身兼官以十數大極其尊小錄其要而世俗貴戚之子弟陵邁超越不拘資次悠悠風塵皆奔競之士列官千百無讓賢之舉子真著崇讓而莫之省子雅制九班而不得用其婦女莊櫛織紵皆取成於婢僕未嘗知女工絲枲之業中饋酒食之事也先時而婚任情而動故皆不恥淫泆之過不拘妬忌之惡父兄不之罪也天下莫之非也又況責之聞四教於古修真順於今以輔佐君子者哉禮法刑政於此大壞如水斯積而決其隄防如火斯畜而離其薪燎也國之將亡本必先顛其此之謂乎故觀阮籍之行而覺禮教崩弛之所由也察庾純賈充之爭而見師尹之多僻考平吳之才而知將帥之不讓師郭欽之謀而寤戎狄有覺覽傳玄劉毅之言而得百官之邪核傅咸之奏錢神之論而覩寵賂之彰民風國勢如此雖以中庸之主治之幸有必見之於祭祀季札必得之於聲樂范熒必爲之請死賈誼必爲之痛哭又況我惠帝以放蕩之德臨之哉懷帝承亂得位羈於強臣愍帝奔播之後徒廁其虛名天下之政旣去非命世之雄才不能取之矣淳耀之烈未渝故大命重集于中宗皇帝贊曰懷佩玉璽愍居黃屋鼇

墜三山鯨吞九服獯入金商穹居未央園顛盡仆方
趾咸僵大夫反首徙我平陽主憂臣哭于何不臧

音義

螳衆 牛綺 喁喁 字林曰喁喁根 𡗗息淺 鄩音 錢璿

苦邁 汜音 枹音 鼓音 玕武中 緄古本 疋音 昵音 泉音

反釐 五勞 顛力胡 齒前智 麤必却 碑音 櫛阻 臬音

反釐 五勞 顛力胡 齒前智 麤必却 碑音 櫛阻 臬音

晉書帝紀卷六

元帝紀

元皇帝諱睿字景文宣帝曾孫琅邪恭王觀之子也
咸寧二年生於洛陽有神光之異一室盡明所藉藁
如始刈及長白毫生於日角之左隆準龍顏目有精
曜顧眄焯如也年十五嗣位琅邪王幼有令聞及惠
皇之際王室多故帝每恭儉退讓以免於禍沉敏有
度量不顯灼然之迹故時人未之識焉惟侍中稽紹
異之謂人曰琅邪王毛骨非常殆非人臣之相也元
康二年拜員外散騎常侍累遷左將軍從討成都王

馮夢龍曰
讀元帝紀
亦覺草草
雖少冗複
殊乏精鍊
似遜崔鴻
李延壽諸

穎蕩陰之敗也叔父東安王繇爲穎所害帝思禍及將出奔其夜月正明而禁衛嚴警帝無由得去甚窘迫有頃雲霧晦冥雷雨暴至徼者皆弛因得潛出穎先令諸關無得出貴人帝旣至河陽爲津吏所止從者宋典後來以策鞭帝馬而笑曰舍長官禁貴人汝亦被拘耶吏乃聽過至洛陽迎太妃俱歸國東海王越之收兵下邳也假帝輔國將軍尋加平東將軍監徐州諸軍事鎮下邳俄遷安東將軍都督揚州諸軍事越西迎大駕留帝居守未嘉初用王導計始鎮建鄴以顧榮爲軍司馬賀循爲叅佐王敦王導周顛刀協並爲腹心股肱賓禮名賢存問風俗江東歸心焉屬太妃薨于國自表奔喪葬畢還鎮增封宣城郡二萬戶加鎮東大將軍開府儀同三司受越命討征東將軍周馥走之及懷帝蒙塵於平陽司空荀藩等移檄天下推帝爲盟主江州刺史華軼不從使豫章內史周廣前江州刺史衛展討禽之愍帝卽位加左丞相歲餘進位丞相大都督中外諸軍事遣諸將分定江東斬叛者孫弼於宣城平杜弼於湘州承制赦荆揚及西都不守帝出師露次躬擐甲冑移檄四方徵天下之兵尅日進討于時有玉冊見於臨安曰玉麒

麟神璽出於江寧其文曰長壽萬年日有重暈皆以爲中興之象焉

建武元年春二月辛巳平東將軍宋哲至宣慰帝詔曰遭運屯否皇綱不振朕以寡德奉承洪緒不能祈天求命紹隆中興至使凶胡改帥犬羊逼迫京輦朕今幽塞窮城憂慮萬端恐一旦奔潰卿指詣丞相具宣朕意使攝萬機時據舊都修復陵廟以雪大恥三月帝素服出次舉哀三日西陽王羨及羣僚叅佐州征牧守等上尊號帝不許羨等以死固請至于再三帝慨然流涕曰孤罪人也惟有蹈節死義以雪天下

之恥庶贖鈇鉞之誅吾本琅邪王諸賢見逼不已乃呼私奴命駕將反國羣臣乃不敢逼請依魏晉故事爲晉王許之辛卯卽王位大赦改元其殺祖父母父母及劉聰石勒不從此令諸叅軍拜奉車都尉掾屬駙馬都尉辟掾屬百餘人時人謂之百六掾乃備百官立宗廟社稷于建康時四方競上符瑞帝曰孤負四海之責未能思憊何徵祥之有景辰立世子紹爲晉王太子以撫軍大將軍西陽王羨爲太保征南大將軍漢安侯王敦爲大將軍右將軍王導都督中外諸軍事驃騎將軍左長史刁協爲尚書左僕射封王

晉書帝紀 卷六
子宣成公哀爲琅邪王六月景寅司空并州刺史廣
武侯劉琨幽州刺史左賢王渤海公段匹磾領護烏
丸校尉鎮北將軍劉翰單于廣甯公段辰遼西公段
眷冀州刺史祝阿子邵續青州刺史廣饒侯曹嶷兗
州刺史定襄侯劉演東夷校尉崔毖鮮卑大都督慕
容廆等一百八十人上書勸進曰臣聞天生蒸民樹
之以君所以對越天地司牧黎元聖帝明王監其若
此知天地不可以乏饗故屈其身以奉之知蒸黎不
可以無主故不得已而臨之社稷時難則戚藩定其
傾郊廟或替則宗哲纂其祀是以弘振遐風式固萬
世三五以降靡不山之伏惟高祖宣皇帝肇基景命
世祖武皇帝遂造區夏三葉重光四聖繼軌惠澤侔
於有虞卜世過於周氏自元康以來艱難繁興永嘉
之際氛厲彌昏宸極失御登遐醜裔國家之危有若
綴旒賴先後之德宗廟之靈皇帝嗣建舊物克甄誕
授欽明服膺聰哲玉質幼彰金聲夙振冢宰攝其綱
百辟輔其政四海想中興之美羣生懷來蘇之望不
圖天不悔禍大災荐臻國未忘難寇害尋興逆胡劉
曜縱逸西都敢肆犬羊陵虐天邑臣奉表使還乃承
西朝以去年十一月不守主上幽劫復沉虜庭神器

流離再辱荒逆臣每覽史籍觀之前載厄運之極古今未有苟在食土之毛含血之類莫不叩心絕氣行號巷哭況臣等荷寵三世位厠鼎司聞問震惶精爽飛越且驚且惋五情無主舉哀朔垂上下泣血臣聞昏明迭用否泰相濟天命無改歷數有歸或多難以固邦國或殷憂以啟聖明是以齊有無知之禍而小白爲五伯之長晉有麗姬之難而重耳以主諸侯之盟社稷靡安必將有以扶其危黔首幾絕必將有以繼其緒伏惟陛下玄德通於神明聖姿合於兩儀應命世之期紹千載之運符瑞之表天人有助中興之兆圖讖垂典自京畿隕喪九服崩離天下翬然無所歸懷雖有夏之遘夷羿宗姬之罹犬戎蔑以過之陛下撫征江左奄有舊吳柔服以德伐叛以刑抗明威以攝不類杖大順以號宇內純化旣敷則率土宅心義風旣暢則遐方企踵百揆時序於上四門穆穆於下昔少康之隆夏訓以爲美談宣王中興周詩以爲休詠况茂勳格于皇天清暉光于四海蒼生顛然莫不欣戴聲教所加願爲臣妾者哉且宣皇之胤惟有陛下億兆攸歸曾無與二天祚大晉必將有主主晉祀者非陛下而誰是以邇無異言遠無異望謳歌者

無不吟諷，微猷獄訟者，無不思于聖德。天地之際，既
交華夷之情，允洽一角之獸，連理之木，以爲休徵者，
蓋有百數。冠帶之倫，要荒之衆，不謀同辭者，動以萬
計。是以臣等敢考天地之心，因函夏之趣，昧死上尊
號，願陛下存舜禹至公之情，狹由巢抗矯之節，以社
稷爲務，不以小行爲先，以黔首爲憂，不以克讓爲事。
上慰宗廟，乃願之懷；下釋普天，傾首之勤。則所謂生
繁華於枯莖，育豐肌於朽骨，神人獲安，無不幸甚。臣
聞尊位不可久虛，萬機不可久曠。虛之一日，則尊位
以殆；曠之一辰，則萬機以亂。方今踵二日王之季，當陽
九之會，狡寇窺窬，伺國瑕隙，黎元波蕩，無所繫心。安
可廢而不恤哉！陛下雖欲逡巡，其若宗廟何！其若百
姓何！昔者惠公虜秦，晉國震駭；呂卻之謀，欲立于圍
外，以絕敵人之志。內以固闔境之情，故曰喪君有君。
羣臣輯睦，好我者勸，惡我者思。前事之不忘，後代之
元龜也。陛下明並日月，無幽不燭，深謀遠猷，出自曾
懷，不勝犬馬憂國之情。遲覩人神開泰之路，是以陳
其乃誠，布之執事。臣等忝於方任，久在遐外，不得陪
列闕庭，與覩盛禮，踊躍之懷，南望罔極。帝優令答之
語，在琨傳石勒，將石季龍圍譙城，平西將軍祖逖擊

走之已巳帝傳檄天下曰逆賊石勒肆虐河朔遺誅
歷載游寇縱逸復遣凶黨石季龍犬羊之衆越河南
渡縱其鳩毒平西將軍祖逖帥衆討擊應時潰散今
遣車騎將軍琅邪王哀等九軍銳卒三萬水陸四道
逕造賊塲受逖節度有能梟季龍首者賞絹三千匹
金五十斤封縣侯食邑二千戶又賊黨能梟逖季龍
首封賞亦同之七月散騎侍郎朱嵩尚書郎顧球卒
帝痛之將爲舉哀有司奏舊尚書郎不在舉哀之例
帝曰衰亂之弊特相痛悼於是遂舉哀哭之甚慟丁
未梁王懼薨以太尉荀組爲司徒弛山澤之禁八月
甲午封梁王世子翹爲梁王荊州刺史第五稱爲賊
帥杜曾所推遂與曾同反九月戊寅王敦使武昌太
守趙誘襄陽太守朱軌陵江將軍黃峻討猗爲其將
杜曾所敗誘等皆死之石勒害京兆太守華誦梁州
刺史周訪討杜曾大破之十月丁未琅邪王哀薨十
一月甲子封汝南王子弼爲新蔡王丁卯以司空劉
琨爲太尉置史官立太學是歲揚州大旱
太興元年春正月戊申朔臨朝懸而不樂三月癸丑
愍帝崩問至帝斬縗居廬景辰百僚上尊號令曰孤
以不德當厄運之極臣節未立匡救未舉夙夜所以

志寢食也令宗廟廢絕無係羣官庶尹咸勉之

是日即皇帝位詔曰

昔我高祖宣皇帝誕應期運廓開王基景文皇帝奕世重光緝熙諸夏爰暨世祖應天順時受茲明命功格天地仁濟宇宙昊天不融降此鞠凶懷帝短世越去王都天禍荐臻大行皇帝崩殂社稷無奉肆羣后三司六事之人疇諮庶尹至于華戎致輯大命于朕躬予一人畏天之威用弗敢違遂登壇南嶽受終文祖焚柴頒瑞告類上帝惟朕寡德績我洪緒若涉大川罔知攸濟惟爾股肱爪牙之佐文武熊羆之臣用

龍弼寧晉室輔予一人思與萬國共同休慶於是大赦改元文武增位二等庚午立王太子紹為皇太子壬申詔曰昔之為政者動人以行不以言應天以實不以文故我清靜而人自正其次聽言觀行明試以功其有政績可述刑獄得中人無怨訟久而日新及當官軟弱茹柔吐剛行身穢濁修飾時譽者各以名聞令在事之人仰鑒前烈同心戮力深思所以寬眾息役惠益百姓無廢朕命遠近禮贊一切斷之夏四月丁丑朔日有食之加大將軍王敦江州牧進驃騎將軍王導開府儀同三司戊寅初禁招蒐葬乙酉西

劉辰翁曰
元帝數詔
齊經世實
濟誠中此
史殆主也

平地震五月癸丑使持節侍中都督太尉并州刺史
廣武侯劉琨爲段匹磾所害六月旱帝親雩改丹陽
內史爲丹陽尹甲申以尚書右僕射刁協爲尚書令
平南將軍曲陵公荀崧爲尚書左僕射庚寅以滎陽
太守李矩爲都督司州諸軍事司州刺史戊戌封皇
子暕爲武陵王初置諫鼓謗木秋七月戊申詔曰王
室多故姦凶肆暴皇綱弛墜顛覆大猷朕以不德統
承洪緒夙夜憂危思改其弊二千石令長當祇奉舊
憲身明法抑齊豪強存恤孤獨隱實戶口勸課農
桑州牧刺史當互相檢察不得顧私虧公長吏有志
在奉公而不見進用者有貪憚穢濁而以財勢自安
者若有不舉當受故縱蔽善之罪有而不知當受聞
塞之責各明慎奉行劉聰死其子粲嗣僞位八月冀
徐青三州蝗斬準弒劉粲自號漢王冬十月癸未加
廣州刺史陶侃平南將軍劉曜僭卽皇帝位于赤壁
十一月乙卯日夜出高三丈中有赤青珥新野王弼
薨加大將軍王敦荊州牧庚申詔曰朕以寡德纂承
洪緒上不能調和陰陽下不能濟育羣生災異屢興
咎徵仍見壬子乙卯雷震暴雨蓋天災譴誠所以彰
朕之不德也羣公卿士其各上封事具陳得失無有

所諱將親覽焉新作聽訟觀故歸命侯孫皓子璠謀
反伏誅十二月劉聰故將王騰馬忠等誅斬準送傳
國璽於劉曜武昌地震丁丑封顯義亭侯渙爲琅邪
王己卯琅邪王渙薨癸巳詔曰漢高經大梁美無忌
之賢齊師入魯修柳下惠之墓其吳之高德名賢或
未旌錄者其條列以聞江東三郡饑遣使振給之彭
城內史周撫殺沛國內史周默以反

二年春正月丁卯崇陽陵毀帝素服哭三日使冠軍
將軍梁堪守太常馬龜等修復山陵迎梓宮于平陽
趙而還二月太山太守徐龕斬周撫傳首京師夏

四月龍驤將軍陳川以浚儀叛降于石勒太山太守
徐龕以郡叛自號兗州刺史寇濟岱秦州刺史陳安
叛降于劉曜五月癸丑太陽陵毀帝素服哭三日徐
揚及江西諸郡蝗吳郡大饑平北將軍祖逖及石勒
將石季龍戰于浚儀王師敗績壬戌詔曰天下凋弊
加以災荒百姓困窮國用並匱吳郡饑人死者百數
天生蒸黎而樹之以君選建明哲以左右之當深思
以救其弊昔吳起爲楚悼王明法審令損不急之官
除廢公族疎遠以附益將士而國富兵強況今日之
弊百姓凋困耶且當去非急之務非軍事所須者皆

省之甲子梁州刺史周訪及杜曾戰於武當斬之禽
第五猗六月景子加周訪安南將軍罷御府及諸郡
丞置博士員五人己亥加太常賀循開府儀同三司
秋七月乙丑太常賀循卒八月肅慎獻楛矢石弩徐
龕寇東莞遣太子左衛率羊鑒行征虜將軍統徐州
刺史蔡豹討之冬十月平北將軍祖逖使督護陳超
襲石勒將桃豹超敗沒於陣十一月戊寅石勒僭卽
王位國號趙十二月乙亥大赦詔百官各上封事并
省衆役鮮卑慕容廆襲遼東東夷校尉平州刺史崔
毖奔高句驪是歲南陽王保稱晉王於祁山三吳大

饑

三年春正月丁酉朔晉王保爲劉曜所逼遷于桑城
二月辛未石勒將石季龍寇厭次平北將軍冀州刺
史邵續擊之續敗沒於陣三月慕容廆奉送玉璽三
紐閏月以尚書周顛爲尚書僕射夏四月壬辰枉矢
流于翼軫五月景寅孝懷帝太子詮遇害于平陽帝
三日哭庚寅地震是月晉王保爲其將張春所害劉
曜使陳安攻春滅之安因叛曜石勒將徐龕帥衆來
降六月大水丁酉盜殺西中郎將護羌校尉涼州刺
史西平公張寔寔弟茂嗣領平西將軍涼州刺史秋

七月丁亥詔曰先公武王先考恭王臨君琅邪四十餘年惠澤加於百姓遺愛結於人情朕應天符創基江表兆庶宅心襁負于來琅邪國人在此者近有千戶今立爲懷德縣統丹陽郡昔漢高祖以沛爲湯沐邑光武亦復南頓優復之科一依漢氏故事祖逖部將衛策大破石勒別軍於汴水加逖爲鎮西將軍八月戊午尊敬皇后虞氏爲敬皇后辛酉遷神主于太廟辛未梁州刺史安南將軍周訪卒皇太子釋奠于大學以湘州刺史甘卓爲安南將軍梁州刺史九月徐龕又叛降于石勒冬十月景辰徐州刺史蔡豹以畏懦伏誅王敦殺武陵內史向碩

四年春二月徐龕又帥衆來降鮮卑末波奉送皇帝信璽庚戌告于太廟乃受之癸亥日闕三月置周易儀禮公羊博士癸酉以平東將軍曹嶷爲安東將軍夏四月辛亥帝親覽庶獄石勒攻厭次陷之撫軍將軍幽州刺史段匹磾沒于勒五月旱庚申詔曰昔漢二祖及魏武皆免良人武帝時涼州覆敗諸爲奴婢亦皆征籍此累代成規也其免中州良人遭難爲揚州諸郡僮客者以備征役秋七月大水甲戌以尚書戴若思爲征西將軍都督司兗豫并冀雍六州諸軍

王世懋曰
實事

事司州刺史鎮合肥丹陽尹劉隗爲鎮北將軍都督
青徐幽平四州諸軍事青州刺史鎮淮陰壬午以驃
騎將軍王導爲司空八月常山崩九月壬寅鎮西將
軍豫州刺史祖逖卒冬十月壬午以逖弟侍中約爲
平西將軍豫州刺史十二月以慕容廆爲持節都督
幽平二州東夷諸軍事平州牧封遼東郡公

永昌元年春正月乙卯大赦改元戊辰大將軍王敦
舉兵於武昌以誅劉隗爲名龍驤將軍沈充帥衆應
之三月徵征西將軍戴若思鎮北將軍劉隗還衛京
都以司空王導爲前鋒大都督以戴若思爲驃騎將
軍丹陽諸郡皆加軍號加僕射周顛尚書左僕射領
軍王邃尚書右僕射以太子右衛率周逵行冠軍將
軍統兵三千討沈充甲午封皇子昱爲琅邪王劉隗
軍於金城右將軍周札守石頭帝親被甲徇六師於
郊外遣平南將軍陶侃領江州安南將軍甘卓領荆
州各帥所統以躡敦後四月敦前鋒攻石頭周札閉
城門應之奮威將軍侯禮死之敦據石頭戴若思劉
隗率衆攻之王導周顛郭逸虞潭等三道出戰六軍
敗績尚書令刁協奔于江乘爲賊所害鎮北將軍劉
隗奔于石勒遣使謂敦曰公若不忘本朝於此息兵

則天下尚可共安也如其不然朕當歸於琅邪以避
賢路辛未大赦敦乃自爲丞相督中外諸軍錄尚
書事封武昌郡公邑萬戶景子驃騎將軍
若思尚書左僕射護軍將軍武城侯周顓爲敦所
敦將沈充陷吳國魏又陷湘州吳國內史張茂湘州
刺史譙王承並遇害五月壬申敦以太保西陽王羨
爲太宰加司空王導尚書令乙亥鎮南大將軍甘卓
爲襄陽太守周慮所害蜀賊張龍寇巴東建平太守
柳純擊走之石勒遣騎寇河南六月旱秋七月王敦
自加兖州刺史郗鑒爲安北將軍石勒將石季龍攻
陷太山執守將徐龕兖州刺史郗鑒自鄒山退守合
肥八月敦以其兄含爲衛將軍自領寧益二州都督
琅邪太守孫默叛降于石勒冬十月大疫死者十二
三已丑都督荆梁二州諸軍事平南將軍荊州刺史
武陵侯王廙卒辛卯以下邳內史王邃爲征北將軍
都督青徐幽平四州諸軍事鎮淮陰新昌太守梁碩
起兵反京師大霧黑氣蔽天日月無光石勒攻陷襄
城城父遂圍譙破祖約別軍約退據壽春十一月以
司徒荀組爲太尉己酉太尉荀組薨罷司徒并丞相
閏月己丑帝崩于內殿時年四十七葬建平陵廟號

中宗帝性簡儉，沖素容納直言，虛已待物。初鎮江東，頗以酒廢事。王導深以爲言，帝命酌引觴覆之。於此遂絕。有司嘗奏太極殿廣室施絳帳，帝曰：「漢文集上書，阜囊爲帷，遂令冬施青布，夏施青練帷帳，將拜貴人有司請市，崔釵帝以煩費不許。所幸鄭夫人衣無文絲，從母弟王廙爲母立屋，過制流涕止之。然晉室遘紛，皇輿播越，天命未改，人謀叶贊。元戎屢動，不出江畿，經略區區，僅全吳楚，終於下陵上辱，憂憤告謝，恭儉之德，雖充雄武之量，不足始秦時望氣者云：五百年後，金陵有天子氣，故始皇東遊以厭之，改其地。」

鍾人傑曰：
蘇崇右餘
附生色

曰：秣陵壑北山以絕其勢，及孫權之稱號，自謂當之。孫盛以爲：「始皇逮于孫氏，四百三十七載，考其歷數，猶爲未及元帝之渡江也。乃五百二十六年，真人之應在於此矣。」咸寧初，風吹大社樹折，社中有青氣，占者以爲東筦有帝者之祥。由是徙封東筦王於琅邪，卽武王也。及吳之亡，王濬實先至建鄴而皓之降款，遠歸壘於琅邪。天意人事，又符中興之兆。太安之際，童謠云：「五馬浮渡江，一馬化爲龍。」及永嘉中，歲鎮熒惑太白聚牛女之間，識者以爲吳越之地當興王者。是歲王室淪覆，帝與西陽汝南南頓彭城五王獲濟。

而帝竟登大位焉。初玄石圖有牛繼馬後，故宣帝深忌牛氏。遂爲二榼，共一卮，以貯酒焉。帝先飲佳者，而以毒酒鳩其將牛金，而恭王妃夏侯氏竟通小吏牛氏而生元帝，亦亦有符云。

史臣曰：晉氏不虞自中流外，五胡扛鼎，七廟隳尊，滔天方駕，則民懷其舊德者矣。昔光武以數郡加名，元皇以一州臨極，豈武宣餘化，猶暢於琅邪，文景垂仁，傳芳於南頓，所謂後乎天時，先諸人事者也。馳章獻號，高蓋成陰，星斗呈祥，金陵表慶，陶士行擁二州之衆，郢外以安，王茂弘爲分陝之計，江東可立，或高旌未拂而遐心斯偃，迴首朝陽，仰希乾棟，帝猶六讓，不居七辭，而不免也。布帳練帷，詳刑簡化，抑揚前軌，光啟中興，古者私家不蓄甲兵，大臣不爲威福，王之常制，以訓股肱，中宗失馭，強臣自亡，齊斧兩京，胡羯風埃相望，雖復六月之駕，無聞而鴻鴈之歌，方遠，享國無幾，哀哉。

明帝紀

明皇帝諱紹，字道畿，元皇帝長子也。幼而聰哲，爲元帝所寵異。年數歲，嘗坐置膝前，屬長安使來，因問帝曰：汝謂日與長安孰遠？對曰：長安近，不聞人從日邊。

劉辰翁曰
爾意先佳

所答俱可

來居然可知也元帝異之明日宴羣僚又問之對曰日近元帝失色曰何乃異聞者之言乎對曰舉目則見日不見長安山是益奇之建興初拜東中郎將鎮廣陵元帝為晉王立為晉王太子及帝即尊號立為皇太子性至孝有文武才略欽賢愛客雅好文辭當時名臣自王導庾亮溫嶠桓彝阮放等咸見親待嘗論聖人真假之意導等不能屈又習武藝善撫將士于時東朝濟濟遠近屬心焉及王敦之亂六軍敗績帝欲帥將士決戰升車將出中庶子溫嶠固諫抽劍斬鞅乃止敦素以帝神武明略朝野之所欽信欲誣

以不孝而廢焉大會百官而問溫嶠曰皇太子以何德稱聲色俱厲必欲使有言嶠對曰鈞深致遠蓋非淺局所量以禮觀之可稱為孝矣眾皆以為信然敦謀遂止

未昌元年閏月己丑元帝崩庚寅太子即皇帝位大赦尊所生荀氏為建安郡君

太寧元年春正月癸巳黃霧四塞京師火李雄使其將李驥任回寇臺登將軍司馬攻死之越雋太守李釗漢嘉太守王載以郡叛降于驥二月葬元帝于建平陵帝徒跣至于陵所以特進華恒為驃騎將軍都

晉書帝紀 卷六
督石頭水陸軍事乙丑黃霧四塞景寅隕霜壬申又
隕霜殺穀三月戊寅朔改元臨軒停饗宴之禮懸而
不樂景戌隕霜殺草饒安東光安陵三縣災燒七千
餘家死者萬五千人石勒攻陷下邳徐州刺史卞敦
退保盱眙王敦獻皇帝信璽一紐敦將謀篡逆諷朝
廷徵巴帝乃手詔徵之夏四月敦下屯于湖轉司空
王導爲司徒自領揚州牧巴東將軍柳純爲敦所害
以尚書陳眡爲都督幽平二州諸軍事幽州刺史五
月京師大水李驥等寇寧州刺史王遜遣將姚岳距
戰於堂狼大破之梁碩攻陷交州刺史王諒死之六

月壬子立皇后煇氏平南將軍陶侃遣參軍高寶攻
梁碩斬之傳首京師進侃位征南大將軍開府儀同
三司秋七月景子朔震太極殿柱是月劉曜攻陳安
於隴城滅之八月以安北將軍郗鑒爲尚書令石勒
將石季龍攻陷青州刺史曹嶷遇害冬十一月王敦
以其兄征南大將軍含爲征東大將軍都督揚州江
西諸軍事以軍國饑乏調刺史以下米各有差
二年春正月丁丑帝臨朝停饗宴之禮懸而不樂庚
辰赦五歲刑以下術人李脫造妖書惑衆斬于建康
市石勒將石季龍寇兗州刺史劉遐自彭城退保泗

口三月劉曜將康平寇魏興及南陽夏五月王敦矯
詔拜其子應為武衛將軍兄舍為驃騎大將軍帝所
親信常從督公乘雄冉會並為敦所害六月敦將舉
兵內向帝密知之乃乘巴滇駿馬微行至于湖陰察
敦營壘而出有軍士疑帝非常人又敦正晝寢夢日
環其城驚起曰此必黃鬚鮮卑奴來也帝母荀氏燕
代人帝狀類外氏鬚黃敦故謂帝云於是使五騎物
色追帝帝亦馳去馬有遺糞輒以水灌之見逆旅賣
食姬以七寶鞭與之曰後有騎來可以此示也俄而
追者至問姬姬曰去已遠矣因以鞭示之五騎傳玩

可未入智

稽留遂久又見馬糞冷以為信遠而止不追帝僅而
獲免丁卯加司徒王導大都督假節領揚州刺史以
丹陽尹溫嶠為中壘將軍與右將軍卞敦守石頭以
光祿勳應詹為護軍將軍假節督朱雀橋南諸軍事
以尚書令郗鑒行衛將軍都督從駕諸軍事以中書
監庾亮領左衛將軍以尚書卞壺行中軍將軍徵平
北將軍徐州刺史王邃平西將軍豫州刺史祖約北
中郎將兖州刺史劉遐奮武將軍臨淮太守蘇峻奮
威將軍廣陵太守陶瞻等還衛京師帝次于中堂秋
七月壬申朔敦遣其兄舍及錢鳳周撫鄧岳等水陸

五萬至于南岸溫嶠移屯水北燒朱雀桁以挫其鋒
帝躬率六軍出次南皇堂至癸酉夜募壯士遣將軍
段秀中書司馬曹渾左衛參軍陳嵩鍾寅等甲卒千
人渡水掩其未畢平旦戰于越城大破之斬其前鋒
將何康王敦憤惋而死前宗正虞潭起義師於會稽
沈充帥萬餘人來會合等庚辰築壘于陵口丁亥劉
遐蘇峻等帥精卒萬人以至帝夜見勞之賜將士各
有差義興人周騫殺敦所署太守劉芳平西將軍祖
約逐敦所署淮南太守任台于壽春乙未賊衆濟水
護軍將軍應詹帥建威將軍趙胤等距戰不利賊至
宣陽門北中郎將劉遐蘇峻等自南塘橫擊大破之
劉遐又破沈充于青溪景申賊燒營宵遁丁酉帝還
官大赦惟敦黨不原於是分遣諸將追其黨與悉平
之封司徒王導爲始興郡公邑三千戶賜絹九千匹
丹陽尹溫嶠建寧縣公尚書卞壺建興縣公中書監
庾亮永昌縣公北中郎將劉遐泉陵縣公奮武將軍
蘇峻邵陵縣公邑各一千八百戶絹各五千四百匹
尚書令郗鑒高平縣侯護軍將軍應詹觀陽縣侯邑
各千六百戶絹各四千八百匹建威將軍趙胤湘南
縣侯右將軍卞敦益陽縣侯邑各千六百戶絹各三

晉書帝紀 卷六
千二百匹其餘封賞各有差冬十月以司徒王導爲
太保領司徒太宰西陽王羨領太尉應詹爲平南將
軍都督江州諸軍事江州刺史劉遐爲監淮北諸軍
事徐州刺史庾亮爲護軍將軍詔王敦羣從一無所
問是時石勒將石生屯洛陽豫州刺史祖約退保壽
陽十二月壬子帝謁建平陵從大祥之禮梁水太守
麴亮益州太守李邊以興古叛降于李雄沈充故將
顧颺反於武康攻燒城邑州縣討斬之

三年春二月戊辰復三族刑惟不及婦人三月幽州
刺史段末波卒以弟牙嗣戊辰立皇子衍爲皇太子
大赦增文武位二等大酺三日賜鰥寡孤獨帛人二
匹癸巳徵處士臨海任旭會稽虞喜並爲博士夏四
月詔曰大事初定其命維新其令太宰司徒已下詣
都坐參議政道諸所因革務盡事中又詔曰滄直言
引亮正想羣賢達吾此懷矣予違汝弼堯舜之相君
臣也吾雖虛聞庶不距逆耳之談稷契之任君居之
矣望共勗之巳亥雨雹石勒將石良寇兖州刺史檀
贊力戰死之將軍李矩等並衆潰而歸石勒盡陷司
兖豫三州之地五月以征南大將軍陶侃爲征西大
將軍都督荆湘雍梁四州諸軍事荊州刺史王舒爲

晉書帝紀 卷六
安南將軍都督廣州諸軍事廣州刺史六月石勒將石季龍攻劉曜將劉岳於新安陷之以廣州刺史王舒爲都督湘州諸軍事湘州刺史湘州刺史劉頡爲平越中郎將都督廣州諸軍事廣州刺史大旱自正月不雨至于是月秋七月辛未以尚書令郗鑒爲車騎將軍都督青兗冀州諸軍事假節鎮廣陵領軍將軍卞壺爲尚書令詔制羊祜三王世代之所重興滅繼絕政道之所先又宗室哲王有功勲於大晉受命之際者佐命功臣碩德名賢三祖所與共維大業咸開國祚土誓同山河者而並廢絕禋祀不傳甚用懷

傷主者其詳議諸應立後者以聞又詔曰郊祀天地帝王之重事自中興以來惟南郊未曾北郊四時五郊之禮都不復設五嶽四瀆名山大川載在祀典應望秩者悉廢而未舉主者其依舊詳處八月詔曰昔周武克殷封比干之墓漢高過趙錄樂毅之後追顯既往以勸將來也吳時將相名賢之冑有能纂修家訓又忠孝仁義靜已守貞不聞於時者州郡中正亟以名聞勿有所遺閏月以尚書左僕射荀崧爲光祿大夫錄尚書事尚書鄧攸爲尚書左僕射壬午帝不忿召太宰西陽王羨司徒王導尚書令卞壺車騎將

軍郟鑒護軍將軍庾亮領軍將軍陸曄丹陽尹溫嶠並受遺詔輔太子丁亥詔曰自古有死聖賢所同壽夭窮達歸於一槩亦何足恃痛哉朕枕疾已久常慮忽然仰惟祖宗洪基不能克終堂構大恥未雪百姓塗炭所以有慨耳不幸之日歛以時服一遵先度務從簡約勞衆崇飾皆勿爲也衍以幼弱猥當大重當賴忠賢訓而成之昔周公匡輔成王霍氏擁育孝昭義存前典功冠二代豈非宗臣之道乎凡此公卿時之望也敬聽顧命任託付之重同心斷金以謀王室諸方嶽征鎮刺史將守皆朕扞城推轂於外雖事有內外其致一也故不有行者誰扞牧圉譬若唇齒未裏相資宜戮力一心若合符契思美焉之美以緝事爲期百辟卿士其總已以聽於冢宰保祐沖幼弘濟艱難未令祖宗之靈寧於九天之上則朕沒於地下無恨黃泉戊子帝崩於東堂年二十七葬武平陵廟號肅祖帝聰明有機斷尤精物理于時兵凶歲饑死疫過半虛弊旣甚事極艱虞屬王敦挾震主之威將移神器帝崎嶇遵養以弱制強潛謀獨斷廓清大穢改授荆湘等四州以分上流之勢撥亂反正強本弱枝雖享國日淺而規模弘遠矣

旗

都賢反

桁

胡郎反

李邊

他歷反

贊

於巾反

念

羊茹反

圍

音大

禮

字林子沁反

晉書帝紀卷七

成帝紀

成皇帝諱衍字世根明帝長子也太寧三年三月戊辰立為皇太子閏月戊子明帝崩己丑太子即皇帝位大赦增文武位二等賜鰥寡孤老帛人二匹尊皇后庾氏為皇太后秋九月癸卯皇太后臨朝稱制司徒王導錄尚書事與中書令庾亮參輔朝政以撫軍將軍南頓王宗為驃騎將軍頌軍將軍汝南王祐為衛將軍辛丑葬明帝于武平陵冬十一月癸巳朔日有蝕之廣陵相曹渾有罪下獄死

咸和元年春二月丁亥大赦改元大酺五日賜鰥寡
孤老米人二斛京師百里內復一年夏四月石勒遣
其將石生寇汝南汝南人執內史祖濟以叛甲子尚
書左僕射鄧攸卒五月大水六月癸亥使持節散騎
常侍監淮北諸軍事北中郎將徐州刺史泉陵公劉
遐卒癸酉以車騎將軍鄒鑒領徐州刺史征虜將軍
郭默爲北中郎將假節監淮北諸軍劉遐部曲將李
龍史迭奉遐子肇代遐位以距默臨淮太守劉矯擊
破之斬龍傳首京師秋七月癸丑使持節都督江州
諸軍事江州刺史平南將軍觀陽伯應詹卒八月以
給事中前將軍丹陽尹溫嶠爲平南將軍假節都督
江州刺史九月旱李雄將張龍寇涪陵執太守謝俊
冬十月封魏武帝玄孫曹勣爲陳留王以紹魏景宣
衛將軍汝南王祐薨己巳封皇弟岳爲吳王車騎將
軍南頓王宗有罪伏誅貶其族爲馬氏免太宰西陽
王羨降爲弋陽縣王庚辰赦百里內五歲以下刑是
月劉曜將黃秀帛成寇鄴平北將軍魏該帥衆奔襄
陽十一月壬子大閱于南郊改定王侯國秩九分食
一石勒將石聰攻壽陽不尅遂侵遠道阜陵加司徒
王導大司馬假黃鉞都督中外征討諸軍事以禦之

歷陽太守蘇峻遣其將韓晃討石聰走之時大旱自六月不雨至于是月十二月濟嶠太守劉閻殺下邳內史夏侯嘉叛降石勒梁王翹薨

二年春正月寧州秀才龐遺起義兵攻李雄將任回李謙等雄遣其將羅恒費黑救之寧州刺史尹奉遣裨將姚岳朱提太守楊術援遣戰于臺登岳等敗績術死之三月益州地震夏四月旱巳未豫章地震五月甲申朔日有食之景戌加豫州刺史祖約爲鎮西將軍戊子京師大水冬十月劉曜使其子胤侵枹罕遂略河南地十一月豫州刺史祖約歷陽太守蘇峻

等反十二月辛亥蘇峻使其將韓晃入姑孰屠于湖壬子彭城王雄章武王休叛奔峻庚申京師戒嚴假護軍將軍庾亮節爲征討都督以右衛將軍趙胤爲冠軍將軍歷陽太守使與左將軍司馬流帥師距峻戰于慈湖流敗死之假驍騎將軍鍾雅節帥舟軍與趙胤爲前鋒以距峻景寅徙封琅邪王昱爲會稽王吳王岳爲琅邪王辛未宣城內史桓彝及峻戰于蕪湖彝軍敗績車騎將軍郗鑒遣廣陵相劉矩帥師赴京師

三年春正月平南將軍溫嶠帥師救京師次于尋陽

遣督護王愆期西陽太守鄧嶽鄱陽太守紀睦爲前
鋒征西大將軍陶侃遣督護龔登受嶠節度鍾雅趙
胤等次慈湖王愆期鄧嶽等次直瀆丁未峻濟自橫
江登牛渚二月庚戌峻至于蔣山假領軍將軍卞壺
節帥六軍及峻戰于西陵王師敗績景辰峻攻青溪
柵因風縱火王師又大敗尚書令領軍將軍卞壺丹
陽尹羊曼黃門侍郎周導廬江太守陶瞻並遇害死
者數十人庾亮又敗于宣陽門內遂攜其諸弟與郭
默趙胤奔尋陽于是司徒王導右光祿大夫陸曄荀
崧等衛帝於太極殿太常孔愉守宗廟賊乘勝麾戈
接于帝座突入太后後宮左右侍人皆見掠奪是時
太官唯有燒餘米數石以供御膳百姓號泣響震鄆
邑丁巳峻矯詔大赦又以祖約爲侍中太尉尚書令
自爲驃騎將軍錄尚書事吳郡太守庾冰奔于會稽
三月景子皇太后庾氏崩夏四月石勒攻宛南陽太
守王國叛降于勒壬申葬明穆皇后于武平陵五月
乙未峻逼遷天子于石頭帝哀泣升車宮中慟哭峻
以倉屋爲宮遣管商張瑾弘徽寇晉陵韓晃寇義興
吳興太守虞潭與庾冰王舒等起義兵于三吳景午
征西大將軍陶侃平南將軍溫嶠護軍將軍庾亮平

北將軍魏該舟軍四萬次于蔡州六月韓昱攻宣賊
內史桓彝力戰死之壬辰平北將軍雍州刺史魏該
卒于師廬江太守毛寶攻賊合肥戍拔之秋七月祖
約爲石勒將石聰所攻衆潰奔于歷陽石勒將石季
龍攻劉曜於蒲坂八月曜及石季龍戰于高候季龍
敗績曜遂圍石生於洛陽九月戊申司徒王導奔于
白石庚午陶侃使督護楊謙攻峻于石頭溫瞻庾亮
陣于白石竟陵太守李陽距賊南偏峻輕騎出戰墜
馬斬之衆遂大潰賊黨復立峻弟逸爲帥前交州刺
史張璉據始興及進攻廣州鎮南司馬曾賜等擊破
之冬十月李雄將張龍寇涪陵太守趙弼沒于賊十
二月乙未石勒敗劉曜于洛陽獲之是歲石勒將石
季龍攻氐帥蒲洪于隴山降之

四年春正月帝在石頭賊將匡術以苑城歸順百官
赴焉侍中鍾雅右衛將軍劉超謀奉帝出爲賊所害
戊辰冠軍將軍趙胤遣將甘苗討祖約于歷陽敗之
約奔于石勒其將牽騰帥衆降峻子碩攻臺城又焚
太極東堂秘閣皆盡城中大饑米斗萬錢二月大雨
霖景戍諸軍攻石頭李陽與蘇逸戰于相浦陽軍敗
建威長史滕含以銳卒擊之逸等大敗含奉帝御于

溫嶠舟羣臣頓首號泣請罪弋陽王羨有罪伏誅丁亥大赦時兵火之後宮闕灰燼以建平園爲宮甲午蘇逸以萬餘人自延陵湖將入吳興乙未將軍王允之及逸戰于溧陽獲之壬寅以湘州并荊州劉曜太子毗與其大司馬劉胤帥百官奔于上邽關中大亂三月壬子以征西大將軍陶侃爲太尉封長沙郡公車騎將軍鄒鑿爲司空封南昌郡公平南將軍溫嶠爲驃騎將軍開府儀同三司封始安郡公其餘封拜各有差庚午以右光祿大夫陸贍爲衛將軍開府儀同三司復封高密王紘爲彭城王以護軍將軍庾亮爲平西將軍都督揚州之宣城江西諸軍事假節領豫州刺史鎮蕪湖夏四月乙未驃騎將軍始安公溫嶠卒秋七月有星孛于西北會稽吳興宣城丹陽大水詔復遭賊郡縣租稅三年八月劉曜將劉胤等帥衆侵石生次于雍九月石勒將石季龍擊胤斬之進屠上邽盡滅劉氏坑其黨三千餘人冬十月廬山崩十二月壬辰右將軍郭默害平南將軍江州刺史劉胤太尉陶侃帥衆討默是歲天裂西北

五年春正月己亥大赦癸亥詔除諸將任子二月以尚書陸玩爲尚書左僕射孔愉爲右僕射三月旱

且饑疫乙卯太尉陶侃擒郭默于尋陽斬之石勒將
劉徵寇南沙都尉許儒遇害進入海虞六月癸巳初
稅田畝三升秋八月石勒僭卽皇帝位使其將郭敬
寇襄陽南中郎將周撫退歸武昌中州流人悉降于
勒郭敬遂寇襄陽屯于樊城九月造新宮始繕苑城
甲辰徙樂成王欽爲河關王封彭城王紘子浚爲高
密王冬十月丁丑幸司徒王導第置酒大會李雄將
李壽寇巴東建平監軍毋丘與太守陽謙退歸宜都
十二月張駿稱臣於石勒

六年春正月癸巳劉徵復寇婁縣遂掠武進乙未進

司徒郗鑒都督吳國諸軍事戊午以運漕不繼發王
公已下千餘丁各運米六斛二月巳丑以幽州刺史
大單于段遼爲驃騎將軍三月壬戌朔日有蝕之癸
未詔舉賢良直言之士夏四月旱六月景申復故河
間王顥爵位封彭城王植子融爲樂成王章武王混
子珍爲章武王秋七月李雄將李壽侵陰平武都氏
帥楊難敵降之八月庚子以左僕射陸玩爲尚書令
七年春正月辛未大赦三月西中郎將趙胤司徒中
郎匡術攻石勒馬頭塢尅之勒將韓雍寇南沙及海
虞夏四月勒將郭敬陷襄陽五月大水秋七月景辰

詔諸養獸之屬損費者多一切除之太尉陶侃遣子平西叅軍斌與南中郎將桓宣攻石勒將郭敬破之尅樊城竟陵太守李陽拔新野襄陽因而戍之冬十一月壬子朔進太尉陶侃爲大將軍詔舉賢良十二月庚戌帝遷于新宮

八年春正月辛亥朔詔曰昔大賊縱暴宮室焚蕩元惡雖翦未暇營築有司屢陳朝會逼狹遂作斯宮子來之勞不日而成旣獲臨御大饗羣臣九賓充庭百官象物知君子勤禮小人盡力矣思蠲密網咸同斯惠其赦五歲刑以下令諸郡舉力人能舉千五百人

以上者景寅李雄將李壽陷寧州刺史尹奉及廷亭太守霍彪並降之癸酉以張駿爲鎮西大將軍景十石勒遣使致賂詔焚之夏四月詔封故新蔡王弼弟逸爲新蔡王以束帛徵處士尋陽翟湯會稽虞喜五月有星隕于肥鄉麒麟騶虞見于遼東乙未車騎將軍遼東公慕容廆卒子皝嗣位六月甲辰撫軍將軍王舒卒秋七月戊辰石勒死子弘嗣僞位其將石聰以譙來降冬十月石弘將石生起兵于關中稱秦州刺史遣使來降石弘將石季龍攻石朗于洛陽因進擊石生俱滅之十二月石生故部將郭權遣使請降

晉書帝紀
九年春正月隕石于涼州二以郭權爲鎮西將軍雍
州刺史二月丁卯加鎮西大將軍張駿爲大將軍三
月丁酉會稽地震夏四月石弘將石季龍使石斌攻
郭權于郿陷之六月李雄死其兄子班嗣僞位乙卯
太尉長沙公陶侃薨大旱詔太官徹膳省刑恤孤寡
貶費節用辛未加平西將軍庾亮都督荆江豫益梁
雍六州諸軍事秋八月大雩自五月不雨至于
九月戊寅散騎常侍衛將軍江陵公陸曄卒冬十月
李雄子期弒李班而自立班弟珩與其將焦贛羅
等並來降十一月石季龍弒石弘自立爲天王十二
月丁卯以東海王冲爲車騎將軍琅邪王岳爲驃騎
將軍蘭陵人朱縱斬石季龍將郭祥以彭城來降
咸康元年春正月庚午朔帝加元服大赦改元增文
武位一等大酺三日賜鰥寡孤獨不能自存者米八
五斛二月甲子帝親釋奠揚州諸郡饑遣使振給三
月乙酉幸司徒府夏四月癸卯石季龍寇歷陽加司
徒王導大司馬假黃鉞都督征討諸軍事以禦之癸
丑帝觀兵于廣莫門分命諸將遣將軍劉仕救歷陽
平西將軍趙胤屯慈湖龍驤將軍路末戊午渚建武
將軍王允之戍蕪湖司空郗鑒使廣陵相陳光帥衆

衛京師賊退向襄陽戊午解嚴石季龍將石遇寇中
廬南中郎將王國退保襄陽秋八月長沙武陵大水
束帛徵處士翟湯郭翻冬十月乙未朔日有蝕之是
歲大旱會稽餘姚尤甚米斗五百價人相賣

二年春正月辛巳彗星見于奎以吳國內史虞潭爲
衛將軍二月筭軍用稅米空懸五十餘萬石尚書謝
褒已下免官辛亥立皇后杜氏大赦增文武位一等
庚申高句驪遣使貢方物三月旱詔太官減膳免所
旱郡縣繇役戊寅大雩夏四月丁巳皇后見于太廟
雨雹秋七月揚州會稽饑開倉振給冬十月廣州刺

史鄧嶽遣督護王隨擊夜郎新昌太守陶協擊典占
並尅之詔曰歷觀先代莫不褒崇明祀賓禮三恪故
杞宋啓土光于周典宗姬戾衛垂美漢冊自頃喪亂
庶邦殄悴周漢之後絕而莫繼其詳求衛公山陽公
近屬有履行修明可以繼承其祀者依舊典施行新
作朱雀浮楹十一月遣建威將軍司馬勲安集漢中
爲李期將李壽所敗

三年春正月辛卯立大學夏六月旱冬十月丁卯慕
容璽自立爲燕王

四年春二月石季龍帥衆七萬擊段遼于遼西遼奔

于平崗夏四月李壽弒李期僭卽偽位國號漢石季龍爲慕容皝所敗癸丑加皝征北大將軍五月乙未以司徒王導爲太傅都督中外諸軍事司空郗鑒爲太尉征西將軍庾亮爲司空六月改司徒爲丞相以太傅王導爲之秋八月景午分寧州置安州

五年春正月辛丑大赦三月乙丑廣州刺史鄧嶽伐蜀建寧人孟彥執李壽將霍彪以降夏四月辛未征西將軍庾亮遣叅軍趙崧擊巴郡江陽獲石季龍將李闔黃桓等秋七月庚申使持節侍中丞相領揚州刺史始興公王導薨辛酉以護軍將軍何充錄尚書

事八月壬午復改丞相爲司徒辛酉太尉南昌公郗鑒薨九月石季龍將夔安李農陷沔南張貉陷郟城因寇江夏義陽征虜將軍毛寶西陽太守樊俊義陽太守鄭進並死之夔安等進圍石城竟陵太守李陽距戰破之斬首五千餘級安乃退遂略漢東擁七千餘家遷于幽冀冬十二月景戌以驃騎將軍琅邪王岳爲司徒李壽將李奕寇巴東守將勞揚戰敗死之六年春正月庚子使持節都督江豫益梁雍交廣七州諸軍事司空都亭侯庾亮薨辛亥以左光祿大夫陸玩爲司空二月慕容皝及石季龍將石成戰于遼

西敗之獻捷于京師庚辰有星孛于太微三月丁卯大赦以車騎將軍東海王沖爲驃騎將軍李壽陷丹川守將孟彥劉齊李秋皆死之秋七月乙卯初依中興故事朔望聽政於東堂冬十月林邑獻馴象十一月癸卯復琅邪比漢豐沛

七年春二月甲午朔日有蝕之己卯慕容皝遣使求假燕王章璽許之三月戊戌杜皇后崩夏四月丁卯葬恭皇后于興平陵寶編戶王公已下皆正土斷白籍秋八月辛酉驃騎將軍東海王沖薨九月罷太僕官冬十二月癸酉司空典平伯陸玩薨除樂府雜伎

罷安州

八年春正月己未朔日有蝕之乙丑大赦三月初以武悼夏皇后配饗武帝廟夏六月庚寅帝不念詔曰朕以眇年獲嗣洪緒託于王公之上于茲十有八年未能闡融政道翦除逋祲夙夜戰兢匪遑寧處今遘疾殆不興是用震悼于厥心千齡眇眇未堪艱難司徒琅邪王岳親則母弟體則仁長君人之風允塞時望肆爾王公卿士其輔之以祇奉祖宗明祀協和內外允執其中嗚呼敬之哉無墜祖宗之顯命壬辰引武陵王晞會稽王昱中書監庾冰中書令何充尚書

晉書帝紀 卷七
令諸葛恢並受顧命癸巳帝崩于西堂時年二十二
葬興平陵廟號顯宗帝少而聰敏有成人之量南頓
王宗之誅也帝不之知及蘇峻平問庾亮曰常日白
頭公何在亮對以謀反伏誅帝泣謂亮曰舅言人作
賊便殺之人言舅作賊復若何亮懼變色庾懌嘗送
酒于江州刺史王允之允之與犬犬斃懼而表之帝
怒曰大舅已亂天下小舅復欲爾邪懌聞飲藥而死
然少爲舅氏所制不親庶政及長頗留心萬機務在
簡約常欲于後園作射堂計用四十金以勞費乃止
雄武之度雖有愧于前王恭儉之德足追蹤于前烈
矣。

康帝紀

康皇帝諱岳字世同成帝母弟也咸和元年封吳王
二年徙封琅邪王九年拜散騎常侍加驃騎將軍咸
康五年遷侍中司徒八年六月庚寅成帝不念詔以
琅邪王爲嗣癸巳成帝崩甲午卽皇帝位大赦詣屯
戍文武及二千石官長不得輒離所局而來奔赴巳
亥封成帝子丕爲琅邪王奕爲東海王時帝諒陰不
言委政于庾冰何充秋七月景辰葬成皇帝于興平
陵帝親奉奠于西階旣發引徒行至閭闔門升素輿

至于陵所，已未以中書令何充爲驃騎將軍。八月辛丑，彭城王紘薨。以江州刺史王允之爲衛將軍。九月，詔琅邪國及府史進位，各有差。冬十月甲午，衛將軍王允之卒。十二月，增文武位二等。壬子，立皇后褚氏。建元元年春正月，改元。振恤鰥寡，孤獨。三月，以中書監庾冰爲車騎將軍。夏四月，益州刺史周撫西陽太守。曹據伐李壽，敗其將李恒于江陽。五月，旱。六月壬午，又以束帛徵處士南陽翟湯。會稽虞喜有司奏成帝崩，一周請改素服，御進膳如舊。壬寅，詔曰：禮之降殺，因時而寢興，誠無常矣。至於君親相準，名教之重。

孫贛曰：可讀其且

莫之改也。權制之作，蓋出近代。雖曰適事，實弊薄之始。先王崇之，後世猶息。而況因循，又從輕降。義弗可矣。石季龍帥衆伐慕容皝，皝大敗之。秋七月，石季龍將戴開帥衆來降。丁巳，詔曰：慕容皝摧殄羯寇，乃云死沒八萬餘人，將是其天亡之始也。中原之事宜加籌量。且戴開已帥部黨歸順，宜見慰勞。其遣使詣安西驃騎諮謀諸軍事，以輔國將軍琅邪內史桓溫爲前鋒都督，假節帥衆入臨淮。安西將軍庾翼爲征討大都督，遷鎮襄陽。庚申，晉陵吳郡災。八月，李壽死。子勢嗣，僞位。石季龍使其將劉寧攻陷狄道。冬十月辛

已以車騎將軍庾冰都督荆江司雍益梁六州諸軍
事江州刺史以驃騎將軍何充爲中書監都督揚豫
二州諸軍事揚州刺史錄尚書事輔政以琅邪內史
桓溫都督青徐兗三州諸軍事徐州刺史褚裒爲衛
將軍領中書令十一月己巳大赦十二月石季龍侵
張駿使其將軍謝艾拒之大戰于河西季龍敗績
十二月高句驪遣使朝獻

二年春正月張駿遣其將和驎謝艾討南羗于闐和
大破之二月慕容皝及鮮卑帥宇文歸戰于昌黎歸
衆大敗奔于漠北夏四月張駿將張驩敗石季龍將

王擢于三交城秋八月景子進安西將軍庾翼爲征
西將軍庾辰持節都督司雍梁三州諸軍事梁州刺
史平北將軍竟陵公桓宣卒丁巳以衛將軍褚裒爲
特進都督徐兗二州諸軍事兗州刺史鎮金城九月
巴東太守楊謙擊李勢勢將申陽走之獲其將樂高
景申立皇子聯爲皇太子戊戌帝崩于式乾殿時年
二十三葬崇平陵初成帝有疾中書令庾冰自以舅
氏當朝權侔人主恐異世之後戚屬將疎乃言國有
強敵宜立長君遂以帝爲嗣制度年號再興中朝因
改元曰建元或謂冰曰郭璞讖云立始之際丘山傾

立者建也始者元也丘山諱也冰矍然既而歎曰如
有吉凶豈改易所能救乎至是果驗云
史臣曰肆虐滔天豈伊朝夕若乃詳刑不怨庶情猶
仰又可以見逆順之機焉成帝因削弱之資守江淮
之地政出滑陽聲乖威服凶徒既縱神器阡危京華
無救庾之資宮室頽成陽之火祭天吠堯封狐嗣亂
方諸后羿曷若斯之甚也及我皇駕不有晉文之師
繫于苞桑且賴陶公之力古之侯服不幸臣家天子
宣遊則避宮北面聞諸遺策用為桓範顯宗于王導
之門歛衣前拜豈魯公受玉之卑乎帝亦克儉于躬

庶能激揚流弊者也

贊曰惟皇風表余舅為毗勤于致寇拙于行師火及
君屋兵纏帝帷石頭之駕海內含悲康后天資居哀
禮縟墜典方興降齡奚促

音義

涪音浮曹勸音邁嶧音旻枹罕上甫于反又粗側孤反
邽音圭琬音充本號黃蕩反郿音扶下音漢枹與臚反降殺音拜
反音矍音阡音阡音枹音枹音枹音

晉書帝紀卷七 終

晉書帝紀卷七


書序

一

六

Faint vertical text columns, likely bleed-through from the reverse side of the page.

48-11676



21

118411 Katakoto
19

